



**Solomon Ailan  
Prais Minista  
wanbel long risain**

-pes 2

**Ol ripot  
long palamen**

-pes 3

**Aitape plis  
stesin i pas**

-pes 5



**Ol ripot bilong sik AIDS**

-pes 12



# PNG i no amamas long hevi bilong Solomon Ailan

## YAKAM KELO i raitim

OPOSISEN lida Bill Skate i pret bai hevi olsem nau i kamap long Solomon Ailan i ken kalap i kam insait long Papua Niugini bikos long pasin bilong kros long graun insait long Papua Niugini.

Mista Skate i tok long PNG ol pipel i save kros planti long graun bilong ol bikos ol i save tok planti olsem ol i papa bilong graun taim gavman o ol bikipela ovasis kampani i save laik kirapim ol bikipela wok antap long graun bilong ol.

Mista Skate i tok hevi we ol pipel bilong Solomon Ailan yet i mekim long hensapim Prais Minista bilong ol na askim em long risain i bikos long hevi bilong graun we ol pipel i ting gavman i no stretim dispela hevi bilong ol gut.

Mista Skate husat i bin olpela Prais Minista bilong Papua Niugini i tok moa olsem taim ol bikipela kampani i mekim wok antap long graun na kisim ol risoses o minerel, ol pipel i save kros long gutpela pemon long graun bilong ol. Taim kantri i bungim hevi bikos prais bilong olgeta kaikai na ol samting i go antap ol pipel i kros planti. Taim i nogat wok long ol manmeri, ol i kros moa na ol dispela kain kros bilong ol pipel i kirapim belhat na hevi bilong lo na oda i kamap bikipela. Olgeta dispela hevi na i save putim olgeta tingting kros i go antap long gavman we ol pipel i save salensim gavman bilong ol yet we klia piksa i kamap long tupela Pasifik kantri em Solomon Ailan na Fiji we ol i rausim gavman bilong ol long pasin belhat. Long Fiji ol pipel i rausim gavman na kalabusim ol na laik kamapim nupela gavman. Long Solomon Ailan, ol pipel i hensapim

Prais Minista na askim em long risain. I no olgeta gavman memba.

Mista Skate i tok Oposisen i no wanbel long dispela pasin we ol rebel lain bilong Solomon Ailan i yusim sotgan long rausim Prais Minista na gavman bilong ol. Olsem na em i pret dispela kain pasin i no ken kam insait long Papua Niugini.

Mista Skate i tok PNG em bikipela ailan kantri insait long Pasifik rijn na em i mas mekim gutpela eksen long dispela hevi bilong Solomon Ailan. Olsem na Oposisen i sanap wanbel long wok bung wantaim gavman bilong Sir Mekere Morauta long helpim Solomon Ailan.

Mista Skate i tokaut olsem tripela krismas i go pinis taim em i bin Prais Minista bilong PNG, gavman bilong Solomon Ailan i bin kamap na Prais Minista bilong ol i bin kam long PNG na stap wantaim PNG gavman long harim hevi bilong Bogenvil. Dispela em long krismas taim. Ol i bin laik helpim PNG long hevi bilong Bogenvil. Na long dispela taim tu ol i bin askim PNG long helpim ol long sampela mani bilong karimaut sampela wok bilong ol we PNG gavman i bin givim K2 milien. Mekere gavman i kamap na ino pinisim narapela K4 milien we i stap yet long go long Solomon Ailan, Mista Skate i tok.

Em i tok 6-pela mun i go pinis, Solomon Ailan gavman i bin askim PNG gen long salim sampela plisman i go long helpim ol plisman bilong ol long hap na strongim wok bilong lo na oda. Tasol PNG gavman i no bin mekim wanpela eksen long dispela.

Mista Skate i tok sapos PNG i bin salim sampela plisman i go long givim ekstra menpawa long ol plis-



• (Iephan) Iektorel opisa bilong Prais Minista James Isorua i givim sapot bilong Sir Mekere Morauta i go long wok bilong nebahud was insait long Mosbi Notwes iektorel las wik. Foto: Francis Benny. Stori pes 2.

man bilong Solomon Ailan, ating dispela hevi nau i no inap kamap.

Em i tok Papua Niugini i mas helpim Solomon Ailan nau wantaim wanem kain gutpela rot mipela i ken kamap wantaim. Helpim bilong PNG i ken bung wantaim helpim na sapot bilong Nu Silan, Australia na Melanesian Spiahet Grup.

Prais Minista bilong Papua Niugini Sir Mekere Morauta i tokaut olsem Gavman bilong Papua Niugini i no sapotim tru pasin we ol rebel lain i mekim long hensapim na rausim Prais Minista bilong ol long Solomon Ailan.

Sir Mekere i tok i gat stretpela rot bilong stretim hevi na lo em wanpela bikipela rot tasol we ol pipel i mas bihainim long stretim hevi na wari bilong ol.

Sir Mekere i tok gavman em bos bilong pipel na kantri na lo i banisim olgeta wantaim. Em i tok pasin olsem long rausim gavman i ken kamapim bikipela hevi long Pasifik rijn we gutpela helpim na sapot bilong ol bikipela kantri na beng bai i no inap kam gut. Na tu dispela i bagarapim fridom na raits bilong ol manmeri na kantri i no sanap gut long ai bilong intanesenel komyniti.

## Gavman i no laik pasim Ok Tedi main kwik

### WENCELAUS MAGUN i raitim

GAVMAN i no laik pasim kwik bikipela maining bilong Papua Niugini, Ok Tedi Maining Limited long wanem sapos maining i pas dispela inap kamapim planti birua long ol samting bilong bus, wara na ol pipel, Prais Minista Sir Mekere Morauta i tokaut long dispela long Wol Envairomen de.

Em i tok sapos Ok Tedi main i pas kwik, dispela inap bagarapim bikipela eria olsem long sosel na ekonomik sistem bilong PNG na planti ol pipel bai karim pen.

Sir Mekere i tok planti ol lain bilong arapela kantri husat i wok long tokim BHP, maining kamani long pasim Ok Tedi main i no save

long wanem hevi ol pipel bilong PNG bai karim taim Ok Tedi main i pas. Ol toktok i kamap pinis long ol bikipela kantri na institusen olsem Wol Beng na ol bikipela non gavman ogenaissen husat i save was long lukaut bilong ol samting long bus, wara na pipel.

Olsem Ok Tedi maining i mas pas bikos long ol bikipela bagarap maining wok i kamapim long Flai Riva, bikipela wara long Westen provins.

Ol pipel bilong Westen provins tu i bung na laik holim kot egensim BHP sapos em i lusim maining na ol samting na ples bai bagarap i stap.

Kot bilong ol i sut long bagarap we i kamap long bikipela wara, Flai Riva.

**SLAM DUNK NA WIN!**

**5 BIKPELA MILO SPOTS BAGS BILONG WINNI!**

**Nestlé MILO**

WANTAIM: BASKETBALL BACKBOD, MILO SPOTS BAG, MILO BASKETBALL, MILO T-SHIRT, WARABOTOL NA KEP, NA K100 KES MONII!

# PLIS RIPOOT

## Kavieng, Nu Ailan:

Plis long Nu Ailan provins i karim wok painimaut long sampela lain man we i bin kilim dai wanpela yangpela plisman las wiken.

Birua ya i bin kamap long Kavieng bris (haba) eria long las wiken Sarere apinun.

Ol plis ripot i tok wanpela mobail plis skwat yunit bilong Tomaringa Plis beis em ol i lusim pinis Is Nu Briten na go long Kavieng long helpim plis long hap i painim ol birua lain.

Ol no tokaut yet long nem bilong dai plisman taso lplis i bilip olsem em i bilong Milen Be provins. Bodi bilong em i stap long Kavieng haus sik ples bilong slipim ol dai man.

Is Nu Briten Plis Komanda Ephreim Tomonmon i tok birua we ol bin sutim dai plisman ya i bin kamap long Kavieng watafron eria klostu long Malagan Nambis Risot Hotel. Birua i bin kamap klostu long siks kilok nait.

Kavieng Plis nau i karimaut wanpela spesel plis opresen long painim husat lain tru i wokim dispela tabel.

Mista ToMonmon i tok plis i saspektim olsem sampela ronawe kalabusman i mas stap nau long Kavieng na ol tasol i kilim plisman ya i dai.

Em i tok plis i kisim sampela ripot pinis we ol i wok long en na klostu taim ol bai painim ol raskol o grup we i kilim dai man ya.

Sampela ai witness i tok ol bin lukim dispela bot we i bin karim ol lain i kilim plisman ya i lusim hariap bris na spit i go long bik solwara bihain tasol ol i sutim dai plisman ya.

Ol i tok raskol grup ya we i bin kilim dai plisman bin karim ol strongpela samting bilong boat, wankain olsem dispela we ol plisman i save yusim.

Plis i kisim pinis sampela ripot na ol i wok long ol dispela i stap long traime painim na holim pasim ol saspek.

## Enga Provins:

Sampela raskol i bin kukim wanpela plis ka long Enga provins las wiken, plis ripot i tok.

Samting ya i bin kamap long las wiken Fraide long ples Yango insait long Laiagam eria, Enga provins.

Provinsel Plis Komanda Superintenden Jerry Frank i tok sevenpela plisman husat i bin stap long dispela ka i bin ronawe na ol no kisim bagarap. Ol i memba bilong Task Fos.

Superintenden Frank i tok samting olsem 50 asples man wantaim ol samting bilong pait na ol bunaro i bin wokim rot bilong Yango eria.

Em bin tok ol pipel i bin katim daun ol diwai na pulim ol i go long rot na blokim haiwe i go olsem long Laiagam na Kandep.

Em bin tok ol plisman ya i wok long mekim nomol plis patrol bilong ol na taim ol i kam long rotblok, ol i singautim ol ples lain long rausim rotblok na ol pleslain i behat na pait i bruk.

Taim ol pipel i tromoi ol ston, ol stik na sut i go long ol plisman, ol (plisman) i ronawe na lusim ka na ol ples lain i bin kukim ka.

# Solomon Ailan Prais Minista i wanbel long risain

...prais bilong risain em, trabel i mas pinis

PRAIM Minista bilong Solomon Ailan Bartholomew Ulafa'alu i tokaut long Mande dispela wik olsem em bai lusim sia bilong Prais Minista long larim ol trabel na hevi insait long kantri i mas pinis.

Mista Ulafa'alu i tok risain bilong em long Prais Minista em long olgeta lain i mas lusim birua na trabel pasin ol i mekim na larim olgeta wok na kantri stap isi gen olsem bipo. Prais Minista i laikim olsem prais bilong em i risain em, nogat trabel na birua moa.

Long wiken tasol ol rebel grup bilong Malaita Eagle Force (MEF) i bin yusim sotgan na hensapim Prais Minista Mista Ulafa'alu na askim em long risain long wok bilong em. Dispela i bihainim bikpela kros pait namel long ol (MEF) na narapela grup ol i kolim Isatabu Freedom Movement (IFM). Ol i kros pait long husat i papa bilong bikpela graun ol i kolim Henderson Field intanesenel ples balus long Honiara, biktaun bilong Solomon Ailan.

Ol rebel grup (MEF) i tok Gavman i no bin mekim gutpela toktok na disisen long dispela hevi na pait i wok long kamap longpela taim i kam we planti lain i kisim bikpela bagarap na sampela i dai bikos long pait ya.

Mausman bilong MEF rebel grup Andrew Nori i tok Prais Minista Mista Ulafa'alu i mas risain o moa trabel inap kamap bihain.

Palamen bai bung long Jun 16 na ol bai tokaut long dispela senis we Prais Minista i risain na lusim sia bilong em. Na long dispela taim tu ol inap go het long makim nupela Prais Minista bilong Solomon Ailan.

Lida bilong MEF rebel, Andrew Nori em wanpela biknem loya husat i bin skul long Papua Niugini, yunivesiti na pinisim skul long loya. Em i wanpela long ol lain i go pas long ol bikpela wok na gavman insait long Solomon Ailan we em i lukautim sait bilong lo.

Tasol ripot i tok em i wanpela longtaim birua bilong Prais Minista Bartholomew Alufa'ala long sait bilong politiks.

Papua Niugini gavman i tokaut long dispela wik olsem ol i no amamas na wanbel long dispela pasin ol lain rebel bilong Solomon yet i mekim long fosim Prais Minista bilong ol long risain.

Prais Minista Sir Mekere Morauta i tok dispela em i no gutpela tu long Pasifik rijon na inap kamapim planti bikpela hevi long sait bilong ol ovasis helpim na nem nogut long rijon.

Sir Mekere i tok dispela i no rot bilong rausim gavman bilong pipel bikos pipel bai kisim taim na planti hevi moa bai bungim kantri long ekonomik, sosel na politikel wok bilong em long bihain.

Em i bilip i gat rot na sistem bilong stretim dispela kain hevi na i no long yusim sotgan long rausim Prais Minista na gavman bilong ol pipel.

## PNG mas noken tanim baksait long Solomons hevi

PRAIM Minista Sir Mekere Morauta taim em i mekim Palamen stetmen long hevi long Solomon Ailan i bin tok PNG na Solomon Ailan i gat planti samting ol i serim wantaim na nau taim wanpela i stap long hevi, narapela i mas givim helpim long en.

"Yumi gat komon bodamak, komon rijinel intres na yumi save wok bung wantaim.

"Olsem memba bilong Komonwel na Melanisen Spiahet grup, PNG bai toktok wantaim ol neiba na memba kantri long traime painim rot long helpim daunim dispela hevi namel long ol Malaita na Guadalkanal pipel.

"Ol Foren Afeas opisel bai toktok wantaim Komonwel memba kantri long strongim ol wok we Komonwel i bin mekim long traime daunim hevi ya na bringim tupela grup i kam wantaim.

"PNG i sori olsem ol toktok we Komonwel i bin arenjim las wik long dispela samting i bin bruk daun na mi sori. Tasol strongpela toktok i go long ol grup i stap long trabel long painim rot bilong stretim hevi," Sir Mekere i tok.

Em bin tok demokrasi em as bilong gutpela gavman, gutpela sindaun bilong komyuniti na kantri. na sapos sampela samting i kamap long bagarapim dispela, em bai putim kantri long hevi.

Em i tok rot long stretim hevi em long bihainim gutpela rot bilong toktok wantaim na i no pasin bilong pait wantaim ol gan samting.

Sir Mekere i bin tok pastaim hevi i kamap long Fiji na nau long Solomons. Na dispela i mekim PNG i wari long wanem lukluk bilong intenesenel komyuniti long rijen bai ino gutpela.

"Melanesia em i wanpela rijen we i wok long develop nau tasol. Na bikpela eria long sait bilong invesmen em i kam long ausait helpim na foren invesmen.

"Gro bilong ikononi long rijen i slo bikos long hevi we ol ikononi bilong Esia rijen i bin bungim long las yia i kam inap nau.

"Demokretik na gutpela gavman we i beis long rul bilong lo i save stap long olgeta hap Ol i bikpela samting long yumi olgeta na Solomon Ailan i mas kisim bek dispelas kwiktaim", Sir Mekere i bin tok.


Sir Mekere Morauta taim em i wari long hevi we i kamap long Solomon Ailan i tok dispela em i samting bilong Solomon Ailans gavman long stretim.

Tasol em i tok PNG bai stap sambai long helpim kantri (Solomon Ailan) sapos em i askim long en na em i bihainim mama lo.

Sir Mekere i tok PNG i luksave long demokretik gavman na em no wanbel long sampela man o grup i yusim pasin bilong pait o kisim gavman long fos long traime kamapim senis.

Em bin tok sapos sampela grup i no amamas long rot we gavman i ranim kantri, i moabneti long bihainim mamalo long stretim ol wari na hevi na i no gutpela long yusim ol iliget rot.

Em i tok i no inap long tanim baksait long ol hevi we i wok long kamap long Solomon Ailan. Na tu Solomon Ailan gavman i no long taim i go pinis i bin givim sampela etvais long helpim PNG i pinisim dispela hevi long Bogenvil.



• Maire Bopp du Pont bilong kantri Tahiti i toktok long ol hevi bilong sik AIDS. Em i kamap long Mosbi las wik na toktok long dispela hevi. Turangu i gat sik AIDS tasol em i laik helpim ol arapela long abrusim dispela sik.

## Neibahut was kisim sapot long PM

KOMYUNITI Polising long Mosbi long dispela wik i bin kisim helpim long Prais Minista Sir Mekere Morauta long skruim wok bilong helpim ol pipel na komyuniti long ilektoret bilong en.

Sir Mekere husat i memba bilong Mosbi Notwes i bin done-tim tenpela tos na foapela katen batiri i go long tupela neibahut was grup long ilektoret bilong en long Tunde moning, Jun 5.

Ilektoret opisa James Isorua i bin makim praim minista na prisanim ol donesen ya long tupela grup.

Em bin givim 10-pela tos na foapela katen batiri i go long Zon wan neibahut was grup long Waigani na narapela wankain skel long Gerehu Stej 3 neibahut was grup.

Taim em i givim ol donesen i go long ol grup ya, em bin tok dispela em ol namba wan hap bilong helpim we praim minista i givim na namba tu hap we bai em i givim i no long taim i kam em ol yunifom na ol arapela samting moa.

Komyuniti Polising Seksen bilong Plis Dipatmen i kirapim Neibahut was program long traime daunim ol lo na oda hevi long

komyuniti level tasol ol no bin kisim lojistik sapot i kam long Plis Dipatmen na gavman long longpela taim.

Sampela mama i bin tok program ya i gutpela na taim em i was long eria bilong ol, ol i save pilim seif na i no pret long wokabout long nait.

Ol Plis Komanda bilong Hohola, Waigani na Gerehu plis stesen i bin bung long toktok long ol rot we ilektoret opis bilong praim minista i ken helpim long daunim ol lo na oda hevi long Mosbi Notwes Ilektoret.

Ol i wok long redim ol samting we i karamapim lojistiks na ol arapela sapot ol i laikim na ol bai putim i go long han bilong Mista Isorua bilong kisim fanding long en long Sir Mekere.

Ol stesen komanda i bin autim tok amamas bilong ol na sapotim rot we ilektoret opis bilong praim minista i givim na tok ol yet tu bai sapotim dispela wok.

I gat plen nau long sanapim wanpela opis blok bilong Mosbi Notwes Komyuniti Polising klostu long Waigani Plis stesen na em bai go hetim strong wok bilong komyuniti polising program.

# WANTOK

All departments. Phone: 325 2500 - Fax: 325 2579  
P. O. Box 1982, Boroko, NCD, Papua New Guinea



Publishing Weekly, Thursday, for  
Word Publishing Company Pty. Ltd.

Printed and published by Anna Solomon of Bittern Place, Gordons, at Allotment 2, Section 209, Spring Garden Road, Hohola, for Word Publishing Co. Pty. Ltd.

Acting General Manager and Group Editor in Chief:  
Anna Solomon.  
Acting Advertising Manager:  
Jocko Oberleutter  
Editor of Wantok:  
Yakam Kelo

Papers distributed by air throughout PNG.  
Available by air mail subscription within Papua New Guinea and overseas.  
Email address:  
word@global.net.pg

Advertising deadlines, Display bookings: Tuesday midday. Camera ready copy: Wednesday midday. Classified Advertising: Wednesday 5pm.

Word Publishing Company Pty. Ltd. is owned by the four major churches of Papua New Guinea: Catholic 55%, Lutheran 25%, Anglican 10%, and United 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms acceptance are available at Word Publishing Company Pty. Ltd. and are set out in full on the reverse side of the official display Advertising Bookings form.

Palamen ripot wantaim WENCESLAUS MAGUN

PNG i kisim moa long K110m long abus bilong solwara

GAVMAN i kisim samting olsem K110,173,972.12 milien long ol pis na marin prodaks long 1999 bihain long Gavman i salim samting olsem 32,527,307.33 kilogram bilong ol pis na marin prodaks, Minista bilong Fiseris na Marin Risoses, Ron Ganarofu i tokim Palamen long dispela wik.

Mista Ganarofu i tok tu olsem long Mas 1999, Dipatmen bilong em i kamapim Nesenel Tuna Fiseris Menesmen plen. Astingting bilong dispela plen em long menesim na

lukautim ol saplai bilong Tuna long solwara bilong PNG bai Tuna i noken sot taim ol bikpela pis kampani i kam kisim pis long PNG na tu bilong helpim ol pipel bilong PNG yet long kirapim ol bisnis bilong pis na marin prodaks.

Em i tok tu olsem Nesenel Fiseris Bod i askim wanpela intanesel kampani 'Societe Generale Surveillance (SGS)' husat i wok long dispela taim wantaim Forest indastri long karim aut tu ol wok bilong sekim ol solwara bilong PNG.

Gavman i no kisim gut takis long ol ausait kamapani na bisnis

OL risos developa na ol papa bilong ol risos insait long kantri inap kisim gutpela mani long ol projek i kamap long kantri sapos Gavman i gat gutpela no bilong kisim takis long ol risos developa.

Praim Minista Sir Mekere Morauta i tok dispela em i wanpela bikpela hevi Papua Niugini i wok long bungim long dispela taim, we planti ol kampani bilong arapela kantri i pret long kam long PNG na kirapim ol risos projek.

Em i tok, taim Gavman bilong em i kisim pawa stat long Julai las yia, ol askim Tax Riview Komiti we Sir Nagora Bogan i go pas long en long developim fiskel stebilaisesen polisi pepa na ol arapela pasin bilong ol risos projek.

Sir Mekere i tok Gavman bilong em i bin askim Bogan Komiti long pinisim kwik dispela ripot na givim i go long Nesenel Eksekutiv Kaunsel long glasim na givim tok orait long eh.

Em i tok olsem long wanem planti ol bikpela risos projek olsem Ramu Nikel na Kobalt projek long Madang na PNG Queensland Gas projek i no inap go het kwik long wanem ol i pas long dispela polisi pepa.

Tasol Sir Mekere i givim strongpela tok promis long ol bikpela risos kampani long noken wari long dispela polisi pepa na go het long mekim wok bilong ol bilong redi long kirapim ol projek.

Em i tokaut olsem dispela polisi pepa we Bogan Komiti i wok long en, bai helpim ol risos developa long kisim bek mani ol i yusim long kirapim projek long kantri kwik na bai helpim ol tu long bekim bek ol dinau ol i kisim long kirapim ol projek bilong ol.

Em i tok ol risos developa i noken wari long wanem Gavman bilong em bai lukim dispela takis sistem i mas stap longpela taim long mak bilong 10-pela yia o moa na Gavman i noken mekim ol kain kain senis nabaut long dispela polisi.

Sir Mekere i tok tu olsem Gavman bilong em i no laik pusim Bogan Komiti long pinisim kwik dispela takis polisi long amamasim wanpela risos developa. Tasol em i tok Gavman i laikim Bogan Komiti i mekim gut wok bilong ol insait long jenerel polisi oda na givim gutpela ripot i go long Gavman olsem bai ol arapela risos developa i kam bihain tu i ken kisim gutpela mak bilong takis.

Sir Mekere i tok em i bilip taim dispela polisi pepa i redi na Gavman i givim tok orait long en, planti ol risos developa bilong arapela kantri bai kam long PNG.

Em i tok dispela ol kampani bai bringim mani i kam insait long kantri, kamapim wok na helpim Gavman long bringim ol arapela sevis Gavman i gat laik long mekim insait long rifom program tasol i sot long mani long mekim.

Pis fam em i gutpela long PNG

BISNIS bilong lukautim pis long fam o insait long raun wara em i gutpela long ol pipel bilong PNG. Minista bilong Fiseris na Marin Risoses, Ron Ganarofu i tok.

Em i tok nau long dispela taim planti ol pipel long Hailens i gat ol raun wara bilong pis we ol i save lukautim ol kain pis olsem Trout na Grass Carp na ol arapela pis.

Em i tok long Isten Hailens na Simbu i gat fam bilong Traut na Carp, long Madang i gat fam bilong Baramundi na Kindam, Tilapia long Lae, na Pearl oista long Milen Be na long Westen Provins.

Em i tok nau yet i gat wanpela proposel bilong kirapim kindam fam bisnis long Milen Be provins na opis bilong em wantaim opis bilong Envairomen na Konsevesen i givim tok orait long dispela projek i mas go het.

Redim plen bilong 25 independens selebresen

PRAIM Minista Sir Mekere Morauta i tokim Palamen long dispela wik olsem long mun Mas long dispela yia, Gavman bilong em i statim gen Nesenel Ivens Kaunsel husat i gat wok bilong mekim plen na redi long 25 independens de selebresen bilong kantri o Silva Jubili.

Sir Mekere i tok Gavman i bilip kos bilong selebretim dispela Silva Jubili bai luk olsem K1.5 milien olgeta. Tasol em i tok Gavman i givim tok orait pinis long daunim takis bilong ol kampani husat i givim mani na ol arapela samting i go long selebretim dispela independens selebresen.

Sir Mekere Morauta i tok Gavman i makim Septemba 15 olsem wanpela publik holide.

Em i askim tu ol Provinsel Gavman na ol Momba bilong Palamen long go pas long redim provinsel na distrik level selebresen.

"Ol wan wan provins i mas kamapim Silva Jubili komiti bilong ol yet na plen long mekim selebresen namel long 11 i go long 17 Septemba 2000," Sir Mekere i tok.

Sir Mekere i tok Gavman i makim Peter Barter olsem siaman bilong dispela kaunsel.

Em i tok wanpela tingting dispela kaunsel i gat plen long lukim i kamap ples klia long dispela Silva Jubili bilong independens de em ol pipel bilong PNG i mas gat tingting na pasin bilong stap olsem 'Wan Pipel, Wan Nesen na Wan Kantri.'

Sir Mekere i tok astingting bilong dispela kaunsel em bilong kirapim na strongim spirit bilong ol pipel long amamas long kantri na wok bung, amamas long kalsa, kamapim gutpela nem bilong kantri, kamapim bel isi na wanbel pasin, pasin bilong tok tru na gutpela pasin, gutpela sindaun, wok hat, i no ken salim kantri long ol ausait lain, na antap long dispela i gat rispek long wan wan manmeri.

PNG i gat planti welbus na welabus i stap

PAPUA Niugini em wanpela bilong 17 kantri long wol husat i gat planti ol welbus na welabus olsem wanpela buk, 'Megadiversity' i tokaut, Praim Minista Sir Mekere Morauta i tok.

Sir Mekere i autim dispela toktok insait long Wol Envairomen De long Jun 2

long Yunivesiti bilong Papua Niugini. Em i tok dispela buk i tok olsem PNG i gat samting olsem 15,000 i go long 21,000 kain kain welbus long wol.

Moa yet PNG i gat samting olsem 875 kain kain tokples, kalsa na planti ol minerel na, ges, timba, pis we planti ol bikpela kantri long wol i nogat.

Long wankain taim, Sir Mekere i tokaut olsem namba bilong ol pipel long kantri tu i wok long go antap hariap tru insait long wol.

Tasol em i tok skel bilong ol sevis ol pipel bilong PNG i kisim em i aninit long mak bilong ol samting PNG i gat long wanem ol narapela kantri

i gat bikpela populesen na mani ol i laik kisim long ol risos bilong yumi i save go long helpim long helpim kantri bilong ol yet.

"We yumi wok long go i luk olsem yumi bai yusim olgeta risos bilong yumi bipo yumi dai," Sir Mekere i tok.



TOKSAVE

BOS bilong senses Mista John Kalamoroh i hamamas tru long wok bilong olgeta senses wokmanmeri insait long kantri.

"Ol sampela ai nogut i traim long daunim point bilong ol wokmanmeri bilong mi tasol mi save olsem planti bilong dispela toktok i no tru. Mr Kalamoroh i tok aste long senses hetkwita bilong em long Pot Mosbi.

Mista Kalamoroh i tok olsem wok bilong senses i no stat kwik long dispela yia bikos Gavman i leit long givim mani bilong senses tasol ol senses wokmanmeri i wok gut na olgeta samting bai i redi long wokim senses.

Mista Kalamoroh i tok olsem ol senses wokmanmeri i mekim gut wok bilong ol bikos toktok bilong senses i kamap pinis long 'tik bus bilong kantri.

Long namba 27 dei bilong mun Mei wanpela niusman bilong senses. Mista Peter Maime i bin raun i go long bikbus bilong West Sepik na i hamamas tru long painim aut olsem ol manmeri pikinini long dispela hap i save pinis long toktok bilong senses.

Mista Maime i bin i go long West Sepik wantaim Mista Eiwana Kila husat em i wanpela man bilong kisim piksa wantaim EMTV.

Tupela i bin raun i go long Telefomin na i stap inap long namba 29 dei bilong mun Mei.

Mista Kalamoroh i laikim EMTV long soim olsem wok bilong senses long planti hap bilong kantri olsem Telefomin i no isi.

Arapela wok bilong Mista Maime long Telefomin em i long stretim wari bilong Gavman bilong Australia.

Gavman bilong Australia i givim bikpela mani long sapatim senses na ol i ting olsem toktok bilong senses i no kamap long bikbus bilong kantri.

Taim Mista Maime na Mista Kila i kamap long Telefomin ol i painim olsem ol manmeri pikinini i save pinis long senses.


"Dispela i soim olsem ol senses wokmanmeri i mekim gut wok bilong ol na tokim ol pipel long wok bilong senses," Mista Kalamoroh i tok.

Nau bai Mista Maime i raun i go long Southern Highlands. Em bai askim ol pipel long kwesten bilong senses. Ol i save olsem senses bai kamap o nogat?


Mista Maime i mekim pinis dispela wok long Madang na em i bin painim aut olsem ol pipel bilong Madang i klia olgeta long wok bilong senses.

● Gavman bilong Papua Niugini na Gavman bilong Australia i sapatim 2000 Nesenel Senses.





# NIUGINI AILAN NIUS



## Bai ileksen kamap long Wes na Is Nu Briten

**VERONICA HATUTASI i raitim**

Bai ileksen long Wes na Is Nu Briten i bin stat long las Sarere Jun 3 na bai pinis long neks Fraide Jun 16. Na kaunim ol vot bai stat long Sarere Jun 17.

Bai ileksen long Wes Nu Briten em long rijinel sia we leit Gavana Bernard Vogae i bin lusim taim em i dai long stat bilong dispela ya. Twenti kendidet i sanap resis long sia.

Na long Is Nu Briten, bai ileksen i kamap long makim man long kisim ples bilong Nakiikus

Konga man husat i bin makim Gesel Open sia. Tasol em bin risain long laik bilong em yet long sampela mun i go pinis.

Ol ripot i kam long Kimbe i tok stat bilong vot long Wes Nu Briten long Sarere de wan i bin slo na ol poling stesen o ples we pablik i wok long bung long putim vot bilong ol i no bin gat planti pipel long en. Tasol long de namba tu em Sande na de namba tri long Mande, ol poling eria long Talasea, Kimbe taun na Hoskins i wok long pulap na planti man i bin sanap long lain long makim lida bilong ol.

Ripot i tok wanpela Mobail Plis

riait skwat bilong Tomaringa, Is Nu Briten em ol i salim long Kimbe bilong lukautim sekyuriti sait bilong ileksen na long wankain taim tu helpim ol ilektorel Komisin opisa i karimaut gut wok bilong ol.

Ripot i tok voting i wok long go gut tasol, liklik meknais i bin kamap long Kaliai-Kove eria long Sande, de namba tu bilong bai ileksen ya.

Provinsel Ritening Opisa (RTO) Robert Dau i bin saspensim voting long hap long Sande bikos sampela sapota bilong wanpela kendidet i wok long laik biruaim na mekim

nabaut long ol vota na fosim ol long makim dispela kendidet we ol i sapotim. Tu ol wok long fosim ol ilektorel opisa long skruim vot i go long 8 kilok nait.

Ripot i tok ol bin salim wanpela plis mobail skwat long Kimbe i go pinis long sekim trabel eria.

Voting long Glosta, Bali/Vitu na Bialla eria i go gut tasol insait long faivipela de na wankain tu long saut kos bilong provins i go olsem long Gasmata, Kandrien kostel na Kandrien inlen.

Eria we Ritening Opisa (RO) i wari long en em long ol Welpam setelmen eria long Hoskins na Bialla.

Planti kain pipel i stap long ol na RO i wari nogut sampela kain hevi i kamap. Olsem na ol mobail skwat i sambai na was gut long ol hap

Ripot i tok i gat hevi long komon rol tasol ol i askim ol vota long stap isi bikos long dispela bai ileksen em i tes long oge-naisim gut na apdetim komon rol bilong redim long 2002 jenerel ileksens, RO Mista Dau i bin tok

Wantok i no bin inap long kisim ol toktok long bai ileksen insait long Is Nu Briten we i wok long go het nau.

## Ol Kimbe taun skul sumatin makim Wol Environmen De



• Ol maket lain ling Kimbe maket, Wes Nu Briten.

TAIM kantri i wok long stap long longpela wiken las wik bilong makim bon de bilong Kwin, ol skul sumatin bilong Kimbe taun i bin selebretim Wol Environmen De long Mande Jun 5 wantaim sampela aktiviti.

Ol sumatin bilong tripela skul insait long Kimbe taun olsem Kimbe, Gigo na Ruango Praimeri i bin planim ol diwai na karimaut tu ol arapela samting bilong makim Wol Environmen De long Mande. Meja bilong Kimbe Taun

Peter Maima i bin go pas long dispela seremoni.

Ol ripot i kam long Kimbe i tok provins i bin stap isi na long Kimbe taun, ol bin holim ol spot pilai olsem ragbi long malolo wiken.

## Singaut long ol Nesenel lida long putim toksave bipo provinsel wokabaut

EKTING Wes Nu Briten Gavana Francis Auram i wari long pasin we sampela nesanel palamen memba bilong provins i bin kamap long hap wantaim nogat toksave pastaim long ol provinsel lida na etministresen, ol ripot i tok.

Mista Auram i tok i gutpela long ol nesanel palamen lida i bihainim protokol o putim toksave pastaim sapos ol i laik wokabaut i go long provins na ol bai lukluk long ol na sekyuriti bilong ol.

Mista Auram i wari tu bikos nau em i taim bilong bai ileksen na dispela i ken kamapim hevi na paulim

pablik bikos ol i save pinis long husat kendidet ol bai votim.

Ektim Gavana i apil long ol pipel insait long Wes Nu Briten long stap isi na kliaim tingting bilong ol long makim husat lida ol i laikim.

Em i tok em i wetim risal bilong ileksen na em ken wok bung wantaim nupela Gavana long skruim ol wok bilong sevim pipel na kamapim developmen insait long provins.

Em i apil long ol pipel long harim na bihainim tingting bilong ol yet na votim ol lida we ol yet i laikim na ol i lukim olsem ol bai kamapim helpim gut provins na pipel.

## Wes Nu Briten i namba wan long apdetim komon rol

WES Nu Briten em namba wan provins long kantri we Ilektorel Komisin i apdetim komon rol bilong redi long 2002 Nesanel Ileksens, Komisina Reuben Kaiulo i tok.

Taim ol pipel long provins i rejistaim nem long vot long bai ileksen namel long Jun 3 na 17, ol ilektorel opisa bai sekim na apdetim komon rol.

Komisina Kaiulo i tok dispela em namba wan taim ol i mekim dispela kain sekap na apdet taim ileksen i wok long kamap.

Ol Ilektorel opisa bai wok wantaim ol arapela opisa husat i karimaut ol wok long ol poling eria long lukim olsem ol wok long apdetim komon rol i go gut.

Taim wok long kisim nem na rejista long komon rol i pinis, ol bai salim ol ripot pepa i kam bek long Mosbi na putim insait long kompyuta long statim nupela komon rol bilong Wes Nu Briten, Mista Kaiulo i tok.

Em i tok Komisin i givim prioriti long stretim komon rol bipo long 2002 nesanel ileksens i kamap bikos ripot bilong Komonwel Obseva Misin grup long 1997 na planti memba bilong pablik i bin tok planti

asua tumas i stap long sait bilong rejistresen long komon rol na ol mas stretim.

Mista Kaiulo i tok em i luksave long wari bilong gavman, pablik na PNG Ilektorel Komisin bikos bilong holim fea ileksens, komon rol i mas stretpela olgeta.

AusAID na Australian Ilektorel Komisin i sapotim PNG Ilektorel Komisin long karimaut wok long stretim komon rol, Mista Kaiulo i tok.

Em laik mekim klia long pablik bilong Wes Nu Briten olsem bai i gat tupela tebol i stap long taim ol i vot insait long dispela tupela wik. Taim ol i pinis long vot, ol bai go long narapela tebol we tupela ilektorel opisa bai sekim na apdetim ol ripot ol i laik kisim bilong komon rol.

Mista Kaiulo i tok ol pipel i no ken paulim enrolmen (putim nem na ol arapela samting) wantaim sensus bikos dispela enrolmen i bilong vot tasol.

Mista Kaiulo i askim ol Wes Nu Briten pipel long karimaut vot long gutpela pasin wantaim nogat hevi long en.



**Biabia** BIABIA GO LONG PLES NA TOKTOK WANTAIM OL LAPUNMAN LONG HAP...

HE! HE! HE! BAI MI TOKTOK LONG INLISH NA BAI OL SAVE OLSEM MI SKUL LONG YUNIVESITI!

BIABIA TOKTOK LONG INLISH NA OL LAPUN I PAUL OLGETA...

HOWDY, GRANDPAS! WELL, WELL, NOT MUCH TO SAY, BUT DUE TO CIRCUMSTANCES...

EM MEKIM OL TOKTOK BILONG DIKSINARI STRET...

"BEYOND MY CAPACITY, I NOW RELINQUISH MY CODE OF ETICHS TO ALTER MY CONSTITUTION FOR THE BETTERMENT OF THE POPULATION OF THIS SO CALL REPUBLIC OF THESE HABITANT..."

HEY, PIKININI! INAP YU TOKTOK LONG TOK PISIN? MIPELA I NO SAVE LONG TOKPLES BILONG OL WAITMAN!

OH I SEE... WELL, KANAKA TU EMBIKPEA SAMTING!






# SAUTEN



# RIJON



## Yagabo laik selebretim 25 independens de tu long distrik

**YAKAM KELO i raitim**

MEMBA bilong Rigo Dibara Yagabo i askim Nesenel Gavman long givim inap mani long olgeta provins bai ol ken amamasim gut 25 yia independens bilong kantri long Septemba 15 na 16 dispela yia

Mista Yagabo i tok em i laik selebretim dispela 25 independens bilong Papua Niugini long ilektoret bilong em. Olsem na em i laikim Gavman i mas skelim gut mani long ol tu bai ol i makim dispela bikpela de na amamas wantaim olgeta lain long Papua Niugini.

Mista Dibara i tok em i no laikim Gavman i amamasim dispela bikpela independens de tasol long ol biktaun olsem Mosbi na Lae na ol liklik distrik i nogat.

Mista Dibara i tok sapos Gavman i laik yusim ol manmeri insait long provins long redim ol dispela wok bilong independens, em i mas tokaut long em bai baim ol olsem wanem. Bikos Gavman i gat dinau i stap yet long ol manmeri bilong provins we ol i bin mekim ol kain bikpela wok bilong Gavman bipo tasol ol i no kisim pe na

ol i wet yet. Em i tok long Nesenel Kapitel Distrik (NCD), bikpela mani i save go long kamapim Hiri Moale Festival olgeta yia tasol em i lukim ol hol i stap yet long rot bikos i nogat mani bilong stretim ol rot ya. Mista Dibara i tok em i klia Gavman i makim K400,000 tasol dispela mani bai i no inap, olsem Praim Minista yet i tokaut pinis. Olsem na Gavman i mas skelim gut dispela na ol provins tu i mas gat mani bilong skelim long ol ilektoret.

Bikos ol wanwan memba bilong ilektoret i no inap putim mani bilong Rurel Developmen Fan (EDF) bilong ol. Bikos ol dispela mani i stap pas wantaim wok na program o projek bilong ol wanwan long distrik. Na i hat long rausim wanpela long kain bikpela de selebresen olsem, Mista Yagabo i tok.

Em i tok dispela yia kantri i bungim planti hevi olsem kos bilong ol samting long stua i go antap, hevi bilong haus sik na skul na rot na planti moa. Tasol em i no inap egensim dispela tingting bilong Gavman long amamasim dispela 25 yia independens wantaim bikpela stail. Em i askim Gavman tasol long skelim gut na lukluk gut pastaim long eksen bilong ol na mekim samting.



• (l-r) Nick Suvulo (Chief Statistics), Martin Gele (Post PNG) na John Kalamoroh (Director National Statistics) i holim ol envelop na ol hat wantaim ol snot Post PNG i givim long sapatim wok bilong Senses 2000. Dispela presentesen i kamap long Mosbi long las wik Fraide. *Poto: Issac Ikuavi.*

## Mekim ol bus na diwai i groa gen

**FLORIAN DATI i raitim**

FORESTA Don Yakuma i save stap wantaim dispela liklik hap toktok: "action speaks louder than words". (Eksen i tokaut moa long toktok) Dispela tasol i save mekim hat long painim Don Em i no save stap long wanpela ples olgeta taim.

Long Bige, we OTML i karimaut trail dredging program long tupela krismas i kam, askim ol lain we Don i stap na ol bai tokim yu, "Em i stap long bus."

Tasol bus i bikpela na sans bilong yu long painim Don em long tanim radio OTML Sanel 4 na opim ia long harim Ark Wan. (Ark i nem bilong sip o bot). Yes dispela em signal sain bilong em. Ark we i stap klostu em long wara we Ok

Tedi i sanapim dredge we nem bilong em i Cap Martin. Dispela sip i no karim ol enimol, tasol em i wanpela spesel sip we i save dingim i go aninit tru long floa bilong wara bai wara i mas dip tru na i no ken brukim sait sait taim wara i ron. Cap Martin i save digim ol graun, ston na wasan aninit long wara na bungim ol arere long wara we eksen Don i gat laik long en.

Wantaim helpim bilong ol Ok Tedi saintis na ol asples lain, Don i mas painim we bilong groim gen ol samting i arere long wara we ol wasan na ston we sip i rausim aninit long wara na bungim na i kisim ples long sait.

"Sapos i gat wil (bilip na strong), i gat wei (rot)," Don i tok. Na em i save gut tru long trastim na bilip long wanem samting em i mekim

na em i gat strongpela tingting olsem ol bus, gras na diwai bai groa gen long hap ol i bungim ol ston na wasan long en arere long wara bahainim wok ol i mekim.

Don i gat bilip olsem wantaim sapat em i kisim long Bige menesmen tim na long dipatmen bilong em yet long Tabubil na tu ol asples lain husat i wok wantaim em, long kamapim dispela tingting bai i no inap hat. Em i tok wantaim gutpela wok ol lain i mekim, em bilip ol gras na bus samting bai groa gen tasol bai i isi isi long kamap.

Mipela i luksave long dispela toktok bilong em taim mipela i wokabaut wantaim em arere long wara long hlap we ol i bungim ol wasan na ston samting long en na lukim olsem ol nupela grimpela kru i wok long kamap long ol sids we Don na ol lain bilong em i planim.

I gat ol yangpela diwai saksak na arapela diwai nambaut we ol i traime na i soim sain bilong kamap.

## Tripela dai long Kwins Betde wiken

MOSBI siti long las wiken i bungim tripela dai olgeta taim olgeta manmeri long kantri i kisim longpela malolo bilong Kwins Betde.

Tupela meri i bin bungim birua long han bilong ol man nogut taim ol i holim tupela na askim long mani. Ol i bagarapim tupela na kilim narapela i dai.

EM TV nius i tokaut long Sande apinun olsem ol lain i stap klostu long dispela banis long Badili i bin harim ol toktok bilong ol dispela lain. Man i tok long mani we. Na meri i tok nogat mani. Olsem na ol i ting em pasin bilong ol marit i kros olsem na ol i harim tasol. Tasol long moning ol i kirap nogut long harim toksave olsem ol man nogut i holim tupela meri long dispela hap na kilim narapela i dai na narapela i ronawe.

Plis long Mosbi i tokaut tu olsem long Is Boroko setelmen tu wanpela haus i bin paia na kilim wanpela man insait

long haus ya. Ol lain bilong dispela man i dai i tok ol bin go aut na kam bek taim haus i paia pinis. Ol i bilip olsem dispela birua em ol birua lain i kamapim.

Long sait bilong Laloki tu, plis i rausim bodi bilong wanpela man we em i dai pinis na ol lain nogut i go tromoi em long sait bilong bus. Ol lain klostu i bin luksave na toksave long plis i kam lukim na rausim bodi bilong man ya.

Plis i mekim singaut long ol manmeri long go long Mosbi haus sik mog na sekim pes bilong man ya, nogut em i lain bilong ol.

Plis askim ol manmeri olsem sapos sampela lain bilong ol i bin lus long wiken i kam, orait ol i mas i go long mog na sekim dispela dai man.

Plis i no tokaut yet long ol wok painimaut i go insait long ol dispela tripela birua.

# BOROKO FOODWORLD

AT GORDONS

Power Rice 1 Kg	K 1.57		
Tablebirds Kwikkai 900 gr	K 5.59		
Tablebirds Twin Pack	K12.62		
Mortein Mosquito Coils	K .95		
Omo 200 gr	K 1.33		
Saveloys per kg	K 3.95		
Beef Brisket Imported per kg	K 7.77		
		Blue Bird Sardines 425 gr	K 1.95
		Ramu Sugar 1 kg	K 2.27
		Maggi Noodles 85 gr	K .55
		Hi-way Hardman Biscuits 125 gr	K .40
		Globe Corned Beef 300 gr	K 2.65
		Anchor Milk 1 Litre	K 1.39
		Heinz Baked Beans 220 gr	K .85

Planti moa kaikai prais i go daun long en!

Ph: 325 7566, 325 0863 Fax: 325 7096



# HAILANS NUIS



## Plis holim pinis tupela man i bin hensapim balus

PLIS long Sauten Hailans i mekim bikpela tok amamas igo long ol manmeri long komyuniti long helpim ol na holim tupela raskol man husat i bin hensapim wanpela balus wantaim pilot na ol pasindia.

Tupela raskol man ya i bin hensapim balus bilong MAF tupela potnait

i go pinis long Erave eria long Sauten Hailans provins. Bihain long balus i bin go pundaun, tupela i ronawe.

Tasol plis i wok strong na wok klostu wantaim ol pipel na ol pipel i helpim long holim tupela raskol man ya na givim i go long han bilong plis.

Tupela man ya i stap long han bilong plis na wetim kot bilong tupela long kamap.

MAF balus em wanpela balus kampani tasol we i save givim sevis long ol bus ples insait long Sauten Hailans provins bikos planti hap em nogat rot i go long ol.

## Ol Hailans Gavana pasim tok long wok bung wantaim

**JOE KANEKANE i raitim**

OL Gavana bilong 5-pela hailans rijon i strongim toktok long wok bung wantaim long bringim ol gutpela senis long rijon bikos ol i luksave olsem nesanel gavman i no lukluk gut long sampela bikpela projek long hailans rijon.

Siaman bilong Hailans Gavanas Kaunsil Peti Lafanama i tok tingting bilong ol hailans gavanas kaunsil em long pait long ol projek we ol i gat wankain tingting long en na long wok bung wantaim ol inap mekim kamap ol dispela projek i karim kaikai.

Mista Lafanama i tok ol i nogat kain tingting olsem ol arapela i ting ol i laik kamapim rijinol tingting na wok bilong ol yet. Bikpela astingting em long wok bung wantaim bikos long wok wanwan i no inap helpim hailans rijon.

Dispela em i olsem bung bilong ol Gavana i kam bung wantaim long stretim interes bilong rijon. Taim bilong wok wanwan i pinis na mipela i wanbel olsem dispela em gutpela step i go fowed, Mista Lafanama i tok.

Em i tok i gat bikpela sapot insait long ol provins na dispela i strongim dispela tingting bilong kam bung wantaim.

Mista Lafanama i tokaut olsem ol bikpela

projek olsem long stretim gut Okuk Haiwe wantaim ol arapela developmen bilong ol bikpela risos projek long eria i bikpela samting na kaunsil bai go het long wok hat long stretim ol.

Long sapotim dispela tingting Deputi Oposisen lida Peter Peipul i tokaut olsem dispela bung wantaim inap kamap long taim bipo. Tasol em i gat bilip olsem sapos dispela bung wantaim i kamap bai helpim hailans rijon long wanem kain ol tingting ol i pait long kamapim.

Mi laik tok amamas long yupela ol Gavana long kamap wantaim dispela tingting na sapos em i wok bai inap helpim tru ol bikpela projek long hailans rijon. I gat planti projek insait long rijon na mi bilip kain wok bung olsem inap helpim ol, Mista Peipul i tok.

Em i tok tu olsem dispela em taim tu long ol hailans lida long Oposisen na Gavman long wok bung wantaim bikos planti taim politiks tasol i save kamapim bruk namel long ol brata memba yet.

Mista Peipul i tok hailans rijon i gat 36 memba long haus palamen na dispela em bikpela namba olsem na ol i mas wok bung wantaim na noken larim ol giaman politiks long pulim tingting bilong ol i go kam we ol i mas bung wantaim olsem wanpela strongpela grup.

Memba bilong Wabeg

Daniel Kapi i tok tu olsem ol memba i mas sanap tru long dispela tingting bikos i no gutpela long kamap wantaim kain bikpela tingting olsem taim i nogat man long mekim i wok.

Mista Kapi i tok dispela tingting em gutpela olsem na wok i stap long han bilong ol Gavana na ol hailans palamen memba long bungim mani long mekim bung bilong ol i wok.

Sapos mipela i sanap strong long dispela tingting, orait putim mani bai wok i ken ron. Tupela krismas i lus pinis na nau em taim bilong mekim dispela samting i wok, Mista Kapi i tok.

Tasol Minista bilong Provinsal na Lokol level gavman Philemon Embel i tok dispela i no wanpela grup aninit long lo olsem na gavman bai i no inap luksave long ol.

Em i tok nupela Ogenik Lo i kamap pinis long lukluk insait long kain tingting olsem. Tasol em i amamas long dispela tingting bilong ol Gavana na i gat ol sampela han bilong lo we i mas mekim klia dispela kain tingting na grup.

Mista Embel i mekim dispela toktok long bekim askim bilong memba bilong Mul Baiya Robert Nagle we em i askim sapos nupela Ogenik Lo i ken luksave na sapotim dispela kain tingting na sapos dispela tingting i stap insait long banis bilong Mama Lo.

## Kaiap Oked Lodge bai kamap bikpela

BIKNEM Kaiap Oked Lodge arere tasol long Wabag i gat plen long kamapim sampela senis long lodge bai kamap long mak bilong wol stended.

Dispela em tingting bilong menesing dairekta bilong lodge Peter Piaowen husat i tok lodge i wok long plen long wokim dispela samting i kamap.

"Kaiap Lodge i gat nem long wol olsem wanpela wina bilong ol komuniti lodge olsem na em i taim bilong mipela long wokim ol senis," Mista Piaowen i tok.

Em i tok narapela bikpela

tingting bilong ol em long bungim nid bilong ol visita na lain husat i wok long gat laik long lukim dispela ol kain senis.

Mista Piaowen i tok aninit long plen bilong ol bai ol i wokim nupela haus bilong slip na tu ol narapela haus tu.

Em i tok i gat wanpela askim i stap wantaim Yunaited Nesens long wokim wanpela haus we ol pisin i ken slip insait.

Em i tok Kaiap lodge i gat kainkain ol kumul pisin na dispela haus bai halivim ol lain long putim dispela olgeta

insait.

Mista Piaowen i tok bai gat tupela bar o ples bilong dring taim olgeta samting i pinis na ol turis i ken malolo.

Kaiap Oked Lodge em bilong Kamanukwan lain Wanponi na em i stat long 1978.

Lodge i winim awot long kantri Japan olsem wanpela gutpela hotel long wol.

I gat planti kainkain OKAL olsem De'rubin Enage we i save kamap long dispela hap tasol.

Planti lain long wok i save raun long dispela hap

## FORD laik givim K150,000 long ol liklik bisnis

**TIOOTHY AIMS i raitim**

WANPELA non gavman oge-naisesen i laik strongim wok bilong ol liklik bisnis olsem na ol i mekim redi K150,000 long Kredit Skim we ol lain i laik statim bisnis i ken kisim dinau.

Dispela em toksave bilong man i go pas na Menesing dairekta bilong Faundesen bilong Rurel Developmen (FORD) long Hagen, Alphonse Pu taim em i tokim ol manmeri husat i bin sindaun long tupela wik kos we FORD i kamapim long Minj, Tambul long Banz distrik, Westen Hailans provins.

Mista Pu i tokim ol manmeri olsem dispela kain trening em bikpela samting long sait bilong bisnis bikos ol opis we i save givim mani i save laik long givim lon o dinau long ol kastoma husat i save long

wei bilong lukautim rekot na ronim bisnis.

Em i tok FORD i luksave long laik bilong planti manmeri long kamapim bisnis bilong ol yet tasol i no save tumas long pasin bilong ronim bisnis. Olsem na em i amamas bihain long dispela kos bai ol i ken aplai long kisim dinau na tu yusim gut save ol i lainim long lukautim ol liklik bisnis bilong ol yet.

FORD i sanap long bringim developmen i go long ol rurel eria na kain trening olsem i save sapotim dispela wok, Mista Pu i tok. Mipela i laikim ol manmeri husat i sindaun long dispela kos long yusim save bilong ol long wanem kain bisnis ol i mekim bai ol i ken mekim dispela save i wok, em i tok.

Em i tok insait long dispela K150,000 FORD i laik givim aut, ol lain long Not Wagi husat i kamap long kos ya i

ken dinau long K50,000 na Tambul i ken dinau long K20,000 na ol arapela em ol lain i kam long Hagen Sehtrel i ken kisim.

Mista Pu i tok FORD i olsem non gavman oge-naisesen i kamapim dispela program bikos em i laik strongim wok bisnis we i ken join wantaim bisnis sekta na helpim ol liklik bisnis i kamap long provins.

Em i tok bisnis developmen opisa long tripela distrik bai helpim ol manmeri long mekim plen na rot bilong yusim mani long karimaut wok bilong ol.

Mak olsem 18 manmeri i bin kamap long dispela wok-sop we wanpela em meri. Mista Pu i tok FORD i no bin inap long kamapim kos long ol arapela eria bikos long hevi bilong mani tasol em i bilip olsem sampela moa kos bai ol i kamapim long bihain.



• Infomesen opisa long Westen Hailans provins Maria Tai (namel) i givim setifiket long Magret, wanpis meri husait i bin sindaun long FORD bisnis woksop long Banz tupela wik i go pinis.



# MADANG NIUS



## • Haiyo! beksait bilong ol i no Manam volkeno.. em piksa tasol ya.

Sampela ol memba bilong Lalaman tiata grup bilong Karkar Allian i soim stail bilong ol. Ol bai go long Ok Tedi na amamasim ol lain long hap insait long Hamamas Wik bilong ol. Sapos yumi holim dispela kain pasin bilong ekt na amamas, i gat rot we mani i ken kam insait long wanwan komyuniti bilong yumi. Ol manmeri bai amamas long lukim pilai na baim yumi wantaim mani bilong lukim wanem kain stail na presen God i bin givim long yumi wanwan.

## Telikom wetim tok orait bilong nupela sevis

**BEN TAUMAI i raitim**

SAPOS Gavman i givim tok orait. Telekom long Madang bai putim 1000 telepon senis lain long Madang. Astingting bilong bringim dispela sevis i go long Madang em long bungim bikpela askim i kam long ol bisnis haus. na ol pipel long Madang taun.

Nau yet ol i wok long wetim tok orait i kam long Nesenel Pisikel Plening Bod long givim tok orait long wanpela hap graun we ol i laik wokim

dispela haus bilong senisim ol wailis toktok long em.

Dispela hap graun ya em Posen 50 na em i stap klostu long maus rot i go long Sagalau, ples balus na niutaun. Hap graun ya em Lens Opis long Madang i givim tok orait long Telekom long wokim telepon senis sevis long em tasol Nesenel Pisikel Bod i no bin tok orait.

Minista bilong Graun pastaim, Viviso Seravo i no bin givim tok orait long aplikesen bilong Telekom long 16 Mas 1999 taim ol i bin aplai long kirapim dispela sevis long Madang.

## Nayudo LLG opis i klostu pinis

**BEN TAUMAI i raitim**

NUPELA Nayudo Lokol Level Gavman opis long Teptep klostu i pinis.

Ripot i kam long Teptep sab distrik i tok wok long dispela nupela haus kaunsel i klostu pinis na ol i hop em i mas pinis long stat bilong dispela mun na i redi long ol i opim na yusim.

Nayudo LLG em i wanpela bilong tripela nupela LLG gavman bilong Jim Kas i kirapim long ol eria we i nogat sevis na developmen insait long provins. Ol arapela tupela nupela LLG em Gama insait long Usino Bundi ilektoret na Kovon insait long Midel Ramu ilektoret

## Madang i go bihain long senses

**PAUL ZUVANI i raitim**

MADANG i go bihain long taim bilong Julai 2000 Senses.

Provinsel Senses Kodineta, Morris Pukuni, i tok as bilong wok i no go het em bikos Nesenel Gavman i no givim ol mani kwik bilong mekim wok bilong ol.

Nesenel Senses bai kamap long Julai 9 i go long 15.

Em i tok insait long Nesenel Senses kibung bilong ol plena long Mosbi long mun Me, ol i tok olsem olgeta wok bilong skelim wok bilong senses insait long ol Lokol Level Gavman Kaunsel insait long ol eria i mas pinis.

Em i tok wok i no go het long Usino-Bundi, Raikos na Madang distrik, tasol wok i bilong ol long Bogia, Sumkar na Midel Ramu em i pinis.

Em i hop wok bilong ol insait long ol LLG we wok bilong ol i no pinis yet, i mas pinis bipo long Nesenel Senses i stap long Julai.

Mista Pukuni i tok Nesenel Gavman na AusAID i sponsaim dispela Nesenel Senses.

## Kas putim mani long turis sevis

**PATRICK MATBOB i raitim**

MADANG Provinsel Gavman i putim K200,000 i go insait long promotim turis sevis long Madang.

Madang Gavana, Jim Kas i tok em i bilip dispela em i namba wan taim ol i putim kain mani olsem long promotim turis bisnis.

Mista Kas i tokaut long dispela taim em i opim Madang Risot hotel long las mun.

Em i tok tu olsem Madang gavman i wok klostu wanpela ol plis long lukim lo na oda i kamap gut insait long provins, na i givim pinis foapela nupela kas i go long helpim ol plis long wok bilong ol.

Gavana Kas i tenkim tu ol hotel long pasin bilong wok bung wantaim Divine Word Yunivesiti.

## Lo na oda stapim turis long PNG

**CLERA SAM na SYLVIA AVITU i raitim**

LO na oda em i wanpela bikpela hevi long Papua Niugini, we i bagarapim bisnis bilong turis long kantri, TPA siaman Peter Barter i tok.

Em i tok, nogat man inap tok olsem ol bikpela pasin nogut i no save kamap long PNG, tasol kain ol bikpela hevi i save kamap long ol arapela kantri tu.

Em i tok i tru pasin nogut i save kamap long PNG, tasol planti lain i lus tingting olsem i gat 99 pesen (%) bilong ol pipel husat i save mekim gutpela pasin i stap long ples.

Mista Barter i tok tok lukaut ol gavman bilong ol arapela kantri i save putim aut long PNG i save stapim ol turis long kam long PNG.

"Dispela em i wanpela bikpela samting we i save stapim ol turis long kam long PNG. Em i no pasin nogat tasol kain paul tingting olsem," Mista Barter i tok.

Em i tok long rausim dispela kain paul tingting, ol nius ripota i mas raitim sampela gutpela nius long kantri bai ol turis i ken kam long kantri. Em i tok taim ripot i kamap olsem PNG em i wanpela gutpela kantri, na ol turis i noken pret long kam, dispela bai helpim long salim PNG long ol turis.

Mista Barter i tok TPA na Nesenel Events Kaunsel nau i traime long mekim dispela.

Em i tok silva jubili selebren long Septemba 16, em i gutpela taim bilong soim ol turis long wol olsem PNG em i gutpela kantri i gat gutpela ol pipel, kalsa, bus, graun, wara na ol samting we ol i ken kam na lukim.

Em i tok ol pipel bilong PNG i mas amamas long dispela na i noken kisim tingting nogut long kantri bilong yumi.

## Astrolabe Bay pipel stretim rot bilong ol yet

**BEN TAUMAI i raitim**

OL pipel bilong Astrolabe Bay long boda bilong Madang na Raikos i gat strongpela bilip long helpim ol yet long wanem Nesenel na Provinsel Gavman i no luksave tumas long ol na helpim ol long stretim rot bilong ol.

Presiden bilong Astrolabe Bay LLG, Garry Kulonga i tok rot bilong ol i bagarap tru na ol foa wil ka tasol inap long ron long rot bilong ol long taim bilong san. Sapos ren bai ol foa wil ka tu i pas.

Em i tok bikos long dispela, ol pipel i pasim tok na wok bung wantaim long mun Epril long stretim rot bilong ol.

Patrik Teehan, wanpela lokol kampani bilong rot i bin helpim tu wantaim loda na tupela trak bilong em na Astrolabe Bay LLG i baim tupela 44 galen disel dram long helpim ol masin na mekim dispela wok.

Mista Kulonga i tok ol i stat stretim rot bilong ol long Aiemo maus rot long Madang Lae Haiens haiwe i go olgeta long Erima pies na bihain bai i go olgeta long Astrolabe Bay sab distrik Longpela i bin dispela rot em i samting olsem i kamap ta olgeta



• Sampela ol pipel bilong Astrolabe Bay i wok long stretim rot bilong ol.

Poto: Ben Taumai.



# Lae Nius

## LDS opim nupela opis na risos senta

### FRANCO NEBAS i raitim

LUTERAN Developmen Sevis (LDS) long Tunde dispela wik i opim nupela ekstensen opis na risos senta bilong long Malahang, Lae.

Dispela nupela opis i gat, tripela opis spes, konferens rum na ples bilong kuk we i kos olsem K100,000 long mekim.

LDS edvaisa Dokta Jurgen Bergmann i tok planti hevi tru i bin kisim ol long wokim dispela opis ekstensen taim ol kamap wantaim tingting long dispela projek long 1996.

Em i tok tingting long kamapim dispela projek i bin stat long 1998 tasol hevi long fans, hevi bilong kina i pundaun, senis long plen na menesmen i mekim i go we dispela projek i stap i go inap i stat long Febuari long dispela yia.

Dispela em taim ol fans i kam long Bavarian Misin bod long Jemeni long 1998.

Lokol kampani bilong ELC (PNG) yet Ampo Bildas i bin go pas long wokim dispela ekstensen.

Mista Bergmann i tok bikpela tenkyu i go long sios na ol viles pipel husat i givim sapos long ol liklik risos long

kamap bilong dispela ekstensen.

Em i tok nau dispela opis i pinis, LDS i ken go het long wokim wok bilong en long sevim ol rurel komyuniti long gutpela rot.

Namba tu bisop bilong ELC (PNG) Moloro Kiage i bin blesim na opim dispela nupela ekstensen opis na risos senta.

Ol lain husat i bin stap long witnesim tu em; propeti developmen na projek menesmen bos, Lester Rohrlach, bos bilong Kambang Holdings, Joe Inara, man i go pas long plenim sipply owen na arapela ol bikman bilong ELC-PNG.

## Morobe seavings na lons sosaiti i kamap


Wok bilong Seavings na Lons Sosaiti i bin stat long yia 1964 we wanpela bikpela benk bilong Australia em Risev Benk of Australia i bin givim helpim long kamapim.

Long dispela taim Seavings na Lons Sosaiti wok i bin kirap na kamap bikpela tru i kam inap long 1970's.

Mekim olsem na taim Morobe Provinsal Gavman i lukluk bek na luksave olsem wok bilong Seavings na Lons Sosaiti i ken helpim tru ol man na meri long provins. Na bikos long dispela strongpela tingting bilong Morobe Provinsal Gavman long ol manmeri bilong ples (viles na hauslain) husat nogat rot long kisim ol helpim long ol benk, ol i bin salim ol representativ i go na bung wantaim ol opisals bilong Benk ov PNG na i bin putim tok-tok wantaim ol. Na ol pasim tok na wanbel long kamapim wanpela nupela Seavings na Lons Sosaiti bilong ol Morobe pipel. Na ol i kolim dispela sosaiti olsem "Morobe Seavings na Lons Sosaiti."

Astingting bilong dispela nupela sosaiti em long helpim ol memba long sevim gut ol mani na lainim long gutpela pasin bilong kisim na bekim hariap dinau mani.

Nau yet gavman i gat strongpela tingting olsem, dispela kain wok em bai bringim planti helpim long rot bilong kisim mani na kamapim gut sindaun bilong ol manmeri.



• Bikman ya i soim bikpela hul long rot beksait long Lae maket. Dispela rot em bisi rot bilong ol bikpela ka i save karim ol kago long mein wof o i kam long wof na go aut long ol arapela provins.

## Ol pipel i no amamas long plis i kilim yangpela boi

Ol Sepik na setelmen lain long Lae i holim bikpela kros egensim Lae plis bikos long dai bilong wanpela yangpela boi bilong ol taim plis i sut long ol long las wiken.

Ripot i tok wanpela meri i bin sutim man bilong em long naip na em i dai long 3 Mail eria. Ol lain bilong man ya i kam long toktok long stretim toktok na makim kompensesen.

Taim ol i laik holim bung wantaim ol lain bilong meri long stretim ol bel hevi na dispela kain toktok, ol plis-man i kam na rausim dispela bung na askim ol lain long go bek nabaut long haus bilong ol. Ol lain bilong dai man

ya i kalap long ka i laik go bek taim wanpela bilong ol i tok nogut long plis mobail skwat.

Ol plisman ya i sut long sotgan long stapim ka na tu long pretim ol tasol. Tasol abrus na wanpela yangpela man antap long ka i kisim bagarap.

Bos bilong Lae plis Awan Sete i tok bikpela wok painimaut bai kamap long dispela na ol bai traime painimaut as bilong dispela dai, husat i asua na lo bai mekim save long dispela.

Seksen bilong plis fos yet we i save mekim wok painimaut long dispela kain hevi i go pas long dispela wok painimaut.



• Kain stall bilong ol Morobe i save kamap tru taim ol i amamasim ol bikpela de.

**PHONE:**  
(675) 472-3912

**FAX:**  
(675) 472-3919

**IMPACT**  
SIGNAGE  
PNG

*Any Size,  
Any Shape, Any Amount*

- COREFLUTE SIGNS
- METAL SIGNS
- BUMPER STICKERS
- T-SHIRTS
- STUBBY COOLERS
- BILLBOARDS
- BUNTINGS
- POINT OF SALE

**FOR ALL YOUR PRINTING NEEDS**

P.O. Box 3705, Lae, M.P. 411, Papua New Guinea - Email: Impact@global.net.pg

# Putim tambu long ol gan, ol Katolik Bisop i tok

OL Katolik Bisop bilong Papua Niugini na Solomon Ailan i singaut strong i go long gavman long putim tambu long ol gan taim ol i sapotim toktok bilong Gavana bilong Is Niu Briten, Francis Koimanrea.

Ol i sapotim toktok bilong Gavana Koimanrea bikos gan i pulap insait long sosaiti bilong PNG long dispela taim.

"Gavana Koimanrea i mekim trupela toktok na ol memba bilong Palamen i mas harim dispela toktok. Em i no stret long ol memba bilong Palamen

long karim gan. Em i no stret long ol memba bilong Palamen i senisim katres insait long Palamen.

Em i no stret long lukim ol i kamap long televisen wantaim ol strongpela masin gan ol long pes bilong bikipela bung. Tasol mipela i save harim na lukim dispela i kamap." Jenerel Seketeri bilong CBC, Lawrence Stephens i tok.

Em i tok, "Pramin Minista i tokim mipela olsem planti ol memba bilong Palamen i gat gan. Ol wokman bilong gav-

man i tokaut olsem ol i yusim pablik mani long baim gan.

Yumi harim tu olsem NCDC i save baim ol han bom na ol arapela samting bilong ol plis. Yumi harim tu olsem planti bilong ol dispela samting i lus."

Mausman bilong ol Katolik Bisop, Mista Stephens i tok, kain pasin olsem i ken lukim namba bilong ol gan i go aut insait long komyuniti i go antap, na dispela inap kamapim moa dai long maus bilong gan.

# Ol Politisen mas glasim ol Odita Jenerel Ripot, ol Katolik Bisop i tok

OL Katolik Bisop bilong Papua Niugini na Solomon Ailan i singaut i go long ol Politisen long glasim ol Odita Jenerel Ripot.

Ol i mekim dispela singaut bihain long ol i luksave insait long notis pepa bilong Nesenel Palamen bilong PNG olsem i gat wanpela lista bilong 15 ripot bilong Odita Jenerel.

Dispela ripot i karamapim pablik fainensel menesmen bilong yia 1994, 1995 na ol yia i kam bihain.

Insait long wanpela pas ol Katolik Bisop i salim i go long wan wan memba bilong Palamen ol i tok:

"Faiv o 6-pela yia bihain, ol i lekted memba bilong yumi i no mekim wanpela samt-

ing long ol dispela dokumen. I luk olsem taim i karamapim olgeta gutpela wok yumi bin mekim na yumi no lukautim gut pablik mani."

Ol Katolik Bisop i salensim olgeta Kristen lida long haus Palamen long mekim gut wok bilong ol olsem ol na i no lus tingting long ol dispela bikipela wok.

# Spirit bilong God i ken senisim laip

"De bilong Pentikos i kam pinis, na ol bilipman i bung wantaim long wanpela haus. Na kwik tumas wanpela nois i kam long heven, em i olsem krai bilong strongpela win, na i pulapim tru dispela haus ol i sindaun long en.

Na ol i lukim samting olsem lait bilong paia i kamap. Na dispela i bruk bruk na i stap long olgeta wan wan. Na Holi Spirit i pulap long olgeta dispela bilipman..." Aposel 2:1-12.

Caritas Papua Niugini i tok taim ol aposel i kisim spirit bilong Holi Spirit ol i kamap ol aposel bilong gut nius i go long olgeta hap bilong graun.


"Insait long pes bilong nogat samting na trabel na pen, ol i senisim laip bilong ol pipel na kamapim ol komyuniti, na ol dispela komyuniti i kamap sain bilong pawa bilong God i stap wantaim ol," Caritas PNG i tok.

Ol i tok wankain tasol ol bilip manmeri bilong Kraus long dispela taim, i ken bungim ol hevi na ol salens i save wetim ol lain i bringim gut nius i go aut long dispela taim bilong wok bisnis na sindaun long graun i narakan tru.

## Histori

Caritas PNG i tok: "Ivanjelis Luke insait long ol wok em i raitim, em i tokim yumi olsem pastaim tru Pentekos em i wanpela pestode bilong ol Judaman. Dispela pestode i save selebretim kontrak bilong gut taim, God i bin givim long ol pipel bilong em long Moses.

Pasin tumbuna bilong ol Judaman i tok God i givim kontrak long ol Judaman long 50 de bihain long 'exodus', na long dispela as ol i kolim dispela pestode 'pentekoste' Dispela tok pentekoste i kam



• Francis Ambuk, presiden bilong Evanjelikal Luteran Sios bilong Papua Niugini long Madang Distrik i go lukluk raun long ol wok bilong sios long Sandaun. Poto yia i soim em i sanap wantaim ol wok man bilong Aitape Lodj. Poto: Ben Taumai.

long Tok Ples Greek long tok 50."

"Wanem samting Luke i mekim, em i mekim Pentekoste i kamap wanpela pestode bilong ol Kristen bilipmanmeri, taim God i kamapim gen kontrak bilong Em wantaim ol pipel bilong Em insait long pawa bilong Holi Spirit."

## Skul

Ol i tok "Long Luke, pentekoste em i

pestode bilong Holi Spirit, taim olgeta pipel i kisim nupela sans bilong strongim bek gen wok bung pasin namel long ol yet wantaim God.

Em i taim bilong stat nupela gen, taim bilong ol nupela samting i kamap."

## Wok

Ol i tok "Hap wok bilong yumi em long painim aut wanem ol presen Holi Spirit i

givim yumi wan wan, na tenkim Holi Spirit long ol dispela kain kain presen em i givim long yumi na long ol arapela pipel.

Holi Spirit i no wok bilong mekim olgeta pipel i kamap wankain, nogat long mekim mak bilong em insait long kain kain presen yumi wan wan i gat. Em i spirit bilong kain kain presen."

# Caritas PNG no laikim pasin pait, kros, na kilim manmeri

CARITAS PNG i sanap strong long tokaut olsem ol i no sapotim pasin bilong pait, kros, na kilim manmeri.

"Katolik Sios i sanap strong oltaim long go agensim pasin bilong pait, kros na kilim manmeri long nem bilong kain pasin olsem o yusim kain

pasin olsem long taim yu no mas yusim long bagarapim laip bilong narapela manmeri, o yusim olsem 'namba wan we bilong lukautim yu yet long taim birua i bungim yu long lukautim rait bilong yu," Caritas PNG i tok.

Ol i tok yu no inap mekim pasin nogut

long kamapim gutpela samting.

Caritas PNG i tok, pasin bilong rispektim laip bilong manmeri em i gutpela sapos kantri bilong yumi i laik lukautim laip bilong manmeri na gutpela sindaun, insait long sosaiti, politikel, sosel, na ekonomik rait.

# PNG i wok long bagarap, Caritas PNG i tok

PAPUA Niugini i wok long bagarap, Caritas Papua Niugini i tokaut.

Ol i tok yu inap long lukim kaikai bilong dispela bagarap long olgeta kona bilong kantri long dispela taim.

Ol i tok pasin bilong lo na oda i bruk daun i karamapim bikipela eria bilong ol 'wait kola kraim' o pasin bilong stil we ol politisen, loya, na ol bikipela bisnis manmeri i save mekim.

Ol i tok dispela pasin i no kamap tasol insait long ol praivet sekta, tasol insait tu long pablik sevis na gavman.

Pasin bilong kros, pait na kamapim birua long ol brata susa bilong yumi we i no bihainim pasin Melanesia, i wok long kamap bikipela.

Caritas PNG i tok nau ol manmeri nogut i

kilim manmeri na i luk olsem ol i no moa wari long laip bilong manmeri. Ol i tok pasin bilong reip i soim olsem ol manmeri i no moa lukim ol meri olsem ol i gat namba na ples insait long famili, na sosaiti.

Caritas PNG i singaut strong tru i go long gavman long stretim hevi bilong rihabilitesen long haus kalabus na tu pasin ol kalabus i save mekim long ronowe long haus kalabus long bikipela namba planti taim.

"Sosaiti bilong yumi i mas go agensim lo bilong kilim i dai manmeri na painim gutpela rot we i bihainim tok i stap long buk Baibel bilong rispektim laip na skul bilong Jisas long pasin bilong laikim arapela manmeri," Caritas PNG i tok.

Ol i tok pasin bilong stretim pasin nogut

bilong arapela manmeri wantaim pasin nogut i no inap stretim hevi tasol bai mekim hevi i go bikipela insait long sosaiti bilong yumi.

Caritas PNG i tok ol i sori long lukim planti yangpela manmeri i tanim i go insait long mekim ol pasin nogut we i wok long kamap olsem laip na kalsa bilong ol.

"Pasin nogut i kamap olsem stretpela pasin bilong painim amamas," Caritas PNG i tok.

Ol i tok ripot bilong pait insait long famili, kilim manmeri, kros, kalabusim ol pipel long balus, o beng long kisim mani, pait namel long ol klen, na haus lain na pait wantaim gavman i save pulimipim spes bilong ol niuspepa na tu televisen.

## OI PMV i sasim kainkain fi

PLANTI ol draiva na papa bilong ol PMV we i save ron long ol rot long taun na tu long ol haiwe i wok long paulim ol pasindia na sasim ol kainkain fi.

Memba bilong Galf, Chris Haiveta, i wokim wanpela singaut i go long Minista bilong Trenspot na Sivil Eviesen, Bart Philemon, long kamapim wanpela ripot long palamen long tokaut stret long ol fi we ol draiva mas sasim long wanwan provins.

Long wankain taim tu Mista Haiveta i askim Mista Philemon long toksave tu insait long dispela ripot sapos long wok bilong Nesenol Len Trenspot Bod (NLTB) na sapos ol provinsel bod i gat pawa tu long kontrolim ol dispela fi.

Mista Philemon long bekim ol dispela askim i tok olsem i gat ol fi i stap we ol draiva i sapos long bihainim taim ol i sasim ol pasindia.

Minista Philemon i tok i gat tripela bikpela wok we NLTB i sapos long karim aut. Ol dispela em long sait bilong givim laisens, rejistresen na long kamapim o putim ol fi we ol PMV i mas bihainim.

Tasol em i tok moa olsem dispela wok ol i surukim tu i go daun long ol bod long ol provins long karimaut na was tu, long stopim ol dispela kain ol hevi we Mista Haiveta i tokaut long en.

Em tok givim tok promis bilong em olsem em i bai askim ol lain long opis

bilong em long lukluk long dispela hevi na tu long kamapim dispela ripot we em i tok em bai kamapim long palamen taim em i redi.

Long wankain taim tu Memba bilong Saut Bogenvil, Michael Laimo, i askim wanpela wankain askim long sait bilong ol fi bilong balus.

Mista Laimo i askim Mista Philemon sapos em inap long kamapim wanpela ripot tu we i ken tokaut long olgeta manmeri long husat ol lain i save kamapim ol fi bilong ol ron long balus.

Liklik hap bekim Mista Philemon i givim em olsem i gat bod i stap tasol ol las lain bilong pasim na tok orait long wanem kain fi ol balus i mas sasim em Kabinet.

## Stopim ol wokabaut i go ovasis, Peipul i tok

ROSALYN ALBANIEL i raitim

DEPUTI lida bilong Oposisen, Peter Peipul i wokim wanpela singaut i go long Praim Minista na Minista bilong Fainens na Tresari, Sir Mekere Morauta, long stopim ol wokabaut bilong ol lida i go long ol arapela kantri.

Mista Peipul i wokim dispela singaut long aste taim palamen i bin bung.

Mista Peipul i tok olsem nau yet Papua Niugini i stap long bikpela hevi yet we i nogat mani, na ol kain liklik ol wokabaut ol minista i wok long mekim i wok long sotim mani tu.

Long wokim singaut bilong em i go long Sir Mekere, em i tok olsem wanpela rot we Praim Minista i ken soim ol pipel stret olsem em i luksave long dispela hevi na i gat wari em long "stopim ol dispela wokabaut".


Sir Mekere long bekim bilong em i tokim palamen olsem em i luksave long dispela hevi we Deputy Lida bilong Oposisen i kamapim.

Sir Mekere tok tu olsem, em i tru olsem ol dispela ol wokabaut i save sotim liklik mani we gavman i skelim long baset. Tasol em i tok tu olsem sampela taim ol lida ino save go raun nating nating.

Em i tok olsem em i luksave olsem kantri i wok long kisim bikpela taim i stap tasol bai i hat bilong wanem i gat taim we ol minista i mas wokim ol dispela raun long traun long helpim kantri.

Em i tok moa olsem em i bai lukluk o painim sampela rot long katim liklik ol dispela wokabaut.

## 25 yia independens bilong PNG bai bikpela selebresen



• Praim Minista Sir Mekere Morauta.

YAKAM KELO i raitim

PAPUA Niugini bai amamasim independens bilong dispela yia wantaim bikpela stail tru, Praim Minista Sir Mekere Morauta i tokaut long dispela wik.

Dispela bai namba 25 independens de bilong kantri we Praim Minista i tokaut olsem olgeta provins na distrik tu bai amamasim dispela de.

Gavman i makim pinis K400,000 bilong kamapim dispela bikpela de tasol Praim Minista i tok bai i gat planti kos bilong dispela de na samting olsem K1.5 milien inap long mekim kamap independens de ya.


Dispela 25 yia independens bilong Papua Niugini bai kam aninit long bikpela het tok: 'Walking Together o Wokabaut Wantaim o Raka Hebou'.

Long amamasim dispela yia independens anini long het tok antap, dispela bai stap insait long bikpela karamap tok-tok bilong Papua Niugini we yumi kolim; Wan Pipel, Wan Kantri na Wan Nesen.

Praim Minista i tok bai planti kain kain pilai na ol samting bilong amamasim dispela 25 krismas bilong kantri long Septemba 15 inap Septemba 16. Ol ami, plis fos, ol skul pikinini na ol kain kain grup bai holim bikpela mas na ol bikman bilong bipo husat i bin mekim ol wok bilong bringim kantri igo long independens bai wokabaut tu wantaim i go long Independens Pak long Mosbi we flak bilong Papua Niugini bai igo antap.

Kain kain lain na grup bai lukautim ol wok we ol i gat nem long en na tu bai ol bikmanmeri husat i sevim kantri long kain kain wok bilong ol inap nau bai kisim luksave long medel na flak bilong Papua Niugini.

Em i laikim bai ol provinsal kodineta tu i mekim ol wok na plen bilong ol long amamasim dispela 25 yia independens de long provins na distrik bilong ol wanwan insait long kantri.



• Gavana bilong Madang Jim Kas i toktok long ol pipel bilong Simbai long Midel Ramu. Em i laik lukim rot long Usino Bundi i kam bungim Aiome, Simbai.

## Kat bilong beng i givim planti hatwok

MEMBA bilong Nawae, Kennedy Wenge, i kamapim wanpela tok kross long kat sistem we olgeta beng insait long Papua Niugini i kamapim na i askim ol kastoma bilong ol long yusim.

Mista Wenge i tokim palamen olsem dispela kat sistem i no wok gut na i wok

long hatwokim ol lain husat i save holim ol dispela samting.

Long autim bel hevi bilong em, em i askim Praim Minista Sir Mekere sapos em i luksave long dispela liklik hevi na tu long em long tok kilia sapos em i save husat tru i bos tru bilong ol

dispela samting.

Sir Mekere long bekim toktok bilong memba bilong Nawae i tok em tu i bungim planti hevi wantaim dispela sistem bilong ol beng.

Sir Mekere i tok olsem em yet olsem wanpela kastoma i bin bungim tu hevi we dispela ol kat i no save wok

taim em i laik yusim long ol hap wokabaut bilong em.

Em i givim tok olsem em bai kisim dispela wari i go long ol bikman bilong ol beng yet wantaim ol arapela atoriti na givim gut wanpela bekim long dispela hevi we i kamap long flo bilong parlamen.

## Trening bilong ronim gutpela miting kamap long Sentrel

KENNEDY EDENE i raitim

BIHAINIM rifom sistem Sentrel provins nau wok long lukluk long stretim sampela wok bilong em insait long provinsel na lokal level gavman kaunsel.

Sampela senis em wok long lukluk em, we long ronim ol miting na tu long mekim disisen.

Nau yet, woksop o trening long we bilong ronim miting em stat pinis.

Dispela woksop em ol kolim palamentri miting prosijas o we long ronim miting we ol wokim insait long palamen.

Woksop em stat pinis na Sentral Provinsel Asembli na kabinet sevis sekretener staf Mista Sio Misina em wok long ronim dispela trening.

Nambawan introdaksen trening em ol statim pinis long las wik long Kokoka Trail Motel antap long Sogeri klostu long Pot Mosbi.

Dispela woksop em moa logn 30 gavman opisa bilong ol lokal level hetkwatas na distrik gavman opisa insait long 13 lokal level gavman kaunsel eria bin kamap.

Woksop kodineita Mista Sio Misina tok, dispela em introdaksin woksop tasol na lokal level gavman staf na dis-

trik gavman opisa ol kamap.

Em tok, namba tu trening bai kamap na bai ol holim long wan wan distrik.

Mista Misina, dispela trening em namba wan taim ol ronim.

Na em bilong opisa long kisim save na traun na yusim dispela nupela we long ronim miting long provinsel na lokal level gavman kaunsel level.

Em tok, taim Nesenel Palamen em pasim nupela oganik lo long provinsel gavman na lokal level gavman insait long Julai 1995, dispela em sampela senis em bin wokim bilong ronim mitings na long mekim disisen insait long provinsel na lokal level gavman.

# Lusim bikhet pasin na daunim sik AIDS

I MOA beta long ol atoriti i lukluk long sasim ol man husat i save karim mani na painim ol meri bilong rot na i no ol meri tasol husat i save salim ol yet, em wanpela long ol toktok we i bin kamap long HIV/AIDS woksop long Mosbi las wik.

I kam inap nau long PNG, Samari Ofenses Lo long prostitusen o ol lain i wokim pasin pamuk i save sasim tasol ol meri tasol watpo long ol man? Ol tu i save karim mani na painim ol meri long en. Yunaitet Nesens Intenesenel Jildren's Edukesensel Fan (UNICEF) mausman long PNG, Dokta Prado i bin tok.

Em bin tok sik HIV/AIDS i no wanpela sik olsem ol arapela, nogat em i wanpela sik ol manmeri i kisim bikos ol no bihainim gutpela pasin. Olsem na rot long daunim dispela sik em long lusim ol bikhet pasin bilong slip nabaut wantaim planti patna, mausman bilong Dokta Prado i tok.

Na em i tok bikpela samting em long ol pipel long kantri i gat save long dispela sik na ol bai abrusim ol rot long daunim sik ya.

Em i tok olsem na media we i karamapim radio, niuspepa na telivisen insait long kantri i gat bikpela wok long skulim na skruim save bilong pablik long kantri long sik HIV/AIDS na ol rot we ol ken bihainim long daunim sik nogut ya.

Em i tok long media long skulim pablik long sik ya, i moabeta long ol i wokim ol ripot long gutpela rot we bai i noken pretim pipel o bagarapim na daunim poin bilong ol dispela i gat sik pinis bikos dispela i ken kamapim moa bagarap.

Em i tok sik HIV/AIDS i narakain long ol arapela bikos taim ol pipel i save olsem ol manmeri i gat dispela sik, ol famili, pren na komyuniti bai pret na behat long ol na tanim baksait long ol. Na sampela i rausim ol insait long komyuniti bilong ol. I gat sampela long Hailans we

ol i painimaut olsem ol gat dispela sik na ol i kilim dai ol.

Dokta Prado i tok i nogat opisel bodi we i lukautim ol pipel husat i gat sik ya o ol i ken go long en tasol Nesenel AIDS Kaunsil we ol bin kirapim i no long taim i go pinis em wanpela ples we ol sik HIV/AIDS lain i ken go long en.

Em bin tok bikos planti man i nogat kliapela save long dispela sik, ol niusman i mas kisim gutpela skul na ol tu i ken helpim long skulim pablik long ski ya na rot bilong abrusim na tu lukautim ol dispela i gat sik pinis na tu sapotim Nesenel AIDS Kaunsil long ol progrem bilong em.

Em bin tok sapos pablik i gat kliapela save long sik, ol ken mekim samting long abrusim.

Em bin tok gutpela edukesen aweanes bilong media i go long pablik long sik ya bai helpim senisim pasin bilong ol manmeri na daunim sik we i wok long kamap bikpela insait long kantri.

Hap kona i karimaut toktok long sik HIV/AIDS Namba wan hap

**Ol skul toktok long sik HIV/AIDS Dispela ol ripot i kam long ol pepa we ol save dokta i bin prisenim long HIV/AIDS woksop long Mosbi las wik.**

SIK HIV/AIDS em i nupela sik we kantri bin luksave na toksave long pablik long en long 1986/87.

Na long dispela taim tu, ripot i bin kamaut long fesepela sikpela pipel wantaim dispela sik.

Nau yet planti pipel i no save na tu sampela i no gat kliapela save tumas long dispela sik nogut we i wok long biruaim planti pipel long wol na PNG long en.

Bihain long ripot long sikpela pipel long PNG wantaim sik HIV/AIDS long 1986/87, planti pipel we i karamapim tu helt sekta i no bin wari long en bikos planti pipel i no kliia long dispela sik. Nogat man i bin save long hevi we sik ya i ken kamapim long sosel na ikononomik eria long komyuniti na kantri. Taim nogat man i bisi long dispela sik na ol no wokim wanpela samting long daunim, em i wok long gro i go bikpela na i karamapim olgeta level bilong sosaiti long PNG.

Maski yu husat bikman, bikmeri, ol liklik manmeri, ol grasrut o yu stap long siti, taun na ples tasol sik ya i kisim olgeta lain na nau planti pipel i wok long biruia long en. Stat long 1987 taim ol i ripotim sik ya long kantri, 158 pipel i dai pinis long en. Na Helt Dipatmen i gat ripot long klostu 2,500 pipel wantaim sik HIV/ADS insait long kantri.

Long 1986 inap long 1995, mak long ol manmeri i kisim dispela sik i no bikpela tumas tasol bihain long en, kliia long en, mak i sut i go antap. Na long Desemba 1999 ripot bilong Nesenel AIDS Kaunsil na Helt Dipatmen i autim mak long ol lain wantaim sik ya long 2,342.

## Midia na sik HIV/AIDS long PNG

Sik HIV/AIDS i narakain moa long ol arapela sik insait long kantri bikos planti man i save pret na i no laik go klostu long ol lain wantaim dispela sik. Taim ol i save olsem dispela man o meri i gat sik HIV/AIDS, ol famili, pren, wanwok na wantok bai no laik save long em na ol bai abrusim em. Sampela i kilim dai ol lain wantaim dispela sik bikos ol i pret na les long ol.

Dispela kain pasin i save kamap bikos planti man i no gat gutpela save o kliia gut long sik ya na rot we ol man i kisim na rot we em i save kalap i go long narapela, Dokta Ninkama Moiya em sinia Medikal Etwaisa wantaim Nesenel Aids Kaunsil bilong PNG i tok. Na em i tok media o ol niuslain we i karamapim radio, telivisen na ol niuspepa i ken go insait na helpim long gimim infomesen long mekim kliia i go long pablik long dispela sik ya. I gutpela tu long sekim ol infomesen wantaim ol saveman na dokta long dispela samting bipo media i ken putim nius long sik ya i go long pablik. Long sait bilong sekim nius long sik HIV/AIDS, Nesenel AIDS Kaunsil (NAC) na Nesenel AIDS Seketeriet (NACS) em tupela opis i stap.

## Wanem samting em HIV?

HIV i sanap long Humen Immunodeficiency Virus. Em i min olsem binatang we i save bagarapim ol gutpela binatang i lukautim bodi long ol kain sik. Dispela HIV vairus o binatang i wanpela skin dai o i no strong wan. Bilong dispela HIV binatang long gro, em i nidim kaikai long bodi bilong manmeri. Em no inap long gro em yet.

I gat tupela kain binatang bilong HIV. Em long HIV 1 na HIV 2. Ol bin painim dispela HIV binatang pas-taim long ol monki long Wes Afrika. Dispela em long 1970.

Na rot we HIV binatang i save go insait long bodi em long wanpela hap skil bilong manmeri i bruk. HIV i save go insait long namel bilong ol gutpela binatang long bodi bilong man. Na ol gutpela binatang i save kamapim moa nogut HIV binatang na i no ol gutpela olsem em sapos long mekim. Taim binatang nogut i redi em i save kamaut na infektim o bagarapim ol arapela gutpela binatang.

## AIDS em wanem samting?

AIDS i sanap long Acquired Immune Deficiency Syndrome. I no olsem ol lain i gat HIV binatang bai kisim AIDS kwiktaim, nogat. Binatang i save stap na gro long bodi bilong manmeri husat i kisim sik ya na isi isi save bagarapim imiun sistem bilong bodi. Dispela sistem ya i save lukautim man long ol sik nogut olsem TB, niunionia na ol arapela moa.

Man wantaim dispela binatang nogut i ken stap gut namel long faiv na 10-pela krismas na bai nogat sain o mak long dispela sik i kamap long ples kliia. Ol sain bai kamap long ples kliia tasol taim binatang nogut i bagarapim imiun sistem na bodi i no inap long paitim ol arapela sik olsem kensa na ol arapela sik olsem.

**Moa ripot long dispela samting neks wik...**

# Papa wantaim sik nogut bagarapim mama na pikinini

**VERONICA HATUTASI i raitim**

OL MAN i mas stap gut na ol meri na pikinini bilong ol bai stap gut, Maire Du Bopp wanpela yangpela niusmeri bilong Tahiti na namba wan meri long Saut Pasifik husat i bin tokaut long pablik long Oktoba 1998 olsem em i gat sik HIV i bin tokim HIV/AIDS media woksop long Mosbi las wik.

Mis DuBopp i bin kam long PNG wantaim papa bilong em Teamu long stap insait long dispela woksop we i bin kamap long Mosbi long Mande Me 29 na pinis long Trinde Me 31.

Nesenel AIDS Kaunsil na Helt Dipatmen na Midia Kaunsil i bin kodinetim woksop ya long skruim save bilong ol nius manmeri long sik HIV/AIDS na ol tu i ken skruim gut edukesen aweanes na raitim ol gutpela ripot long sik ya long pablik i ken kliia gut long en na abrusim.

Woksop i bin gat ol nius manmeri i bin kam long ol media kampani long Mosbi na ol sumatin long Divine Word na Waigani kempus Yunivesiti husat i stap long jenelisim skul.

Mis Du Bopp i bin tok planti taim ol i save sutim tok long mama i gimim sik HIV/AIDS i go long pikinini tasol as i stap long tripela na dispela em papa, mama na pikinini. Olsem na sik i wok long gro bikpela.

Em bin tok i moabeta long wanpela taim insait long wanpela wik long lusim liklik spes long niuspepa, TV na radio long putim ripot long dispela sik na i no long politik na ikononomi tasol. Bikos liklik wok olsem i ken kamapim senis.

Em bin tok ripot we media i putim i mas gimim hop long ol lain i gat sik ya i go het wantaim laip bilong ol na i no bilong rabisim ol.

Em bin tok taim media i kisim toktok long ol lain husat i gat dispela sik, i save kisim ol drag nogut na ol arapela strongpela sik, i moabeta long ol i gat sampela luksave taim ol i putim ol yet long posisen we ol i gat dispela sik



**• Naispela yangpela niusmeri bilong Tahiti Maire Du Bopp wantaim 26 krismas husat i gat sik HIV na papa bilong em Teamu ausait long Granville Motel we ol bin holim HIV/AIDS woksop las wik. Foto: Isaac Ikuavi**

na ol bai gat save na sindaun gut wantaim na skruim stori.

Em bin tok i no gutpela long fokusim stori long lukluk long pasin bilong man husat i wanpela pamuk o i save kisim ol drag nogut bikos dispela bai i no inap long helpim em.

Em bin tok asua i bilong tripela pipel na dispela em long man o meri i gat sik nogut ya, man o meri we em i givim sik long en na sosaiti na lukluk bilong em (sosaiti) long HIV/AIDS.

Long stori bilong em na rot we em i kisim sik ya, Mis DuBopp i bin tok em bin kiism sik ya long boipren bilong husat husat i bin stap wantaim em long taim em i skul long Yunivesiti ov Saut Pasifik long Fiji long tupela ya.

Em no bin save olsem em i gat dispela sik inap long taim em bin sik nogut tru wantaim flu, het pen na kus long Suva, Fiji na em i go slip long haus sik. Na em bin kisim blut tes we i bin soim olsem em gat binatang nogut bilong HIV. Dispela em long 1998.

Em bin tok boipren bilong em man Tahiti i no bin tokim em olsem em i gat dispela sik tasol taim ol bin poroman, em bin save sik nogut planti taim. Na taim Maire i askim em

wanem as bilong sik bilong em, em no save tokaut kliia long en.

Maire i bin tok em bin kirap nogut stret na kros na sori tasol bikpela samting em bin laikim em long tokaut long pablik long traime helpim ol poroman na ol arapela yangpela pipel long kliia gut long sik ya na traime abrusim. Na long tokim pablik olsem ol ken kisim long nomol na gutpela prensip olsem we em bin kisim taim em i stap na slip wantaim wanpela boipren tasol. Tasol patna bilong em i bin gat sik pinis na i no toksave long en. na dispela i ken kamap tu long ol arapela poroman na yangpela na ol marit pablik.

Maire i bin tok pasin bilong stapim sik long go bikpela em bikpela samting na long Pasifik, planti i save yangpela tru na ol i save pinis long pasin bilong wokim pren na slip wantaim. Tasol ol no gat inap save long ol gutpela na nogut samting ina ol hevi long sait bilong helt, pasin kastam na sindaun long famili we ol i ken bungim bihain long en.

"Yumi i mas toktok long seksualiti o pasin bilong manmeri long slip wantaim na yumi noken haitim. Long dispela rot, bai yumi skruim

save, gat kliapela save na yumi ken stapim pasin bilong gat bel we yumi no laikim na ol kain sik nogut olsem HIV/AIDS," Maire i bin tok.

Em i tok rot we em i sanap strong na em i go het long laip em long gutpela sapot em i gat long famili na bilip bilong em long God.

Em i tok etvais bilong em long ol yangpela pipel em long noken pilim sem long toktok long HIV/AIDS na maski yu gat dispela sik, lainim long stap gut na go hetim gut laip wantai luksave na bilip long God.

Em i tok long ples bilong em yet long Tahiti na wok bilong em olsem niusmeri wantaim radio, em i helpim long karimaut pablik aweanes.

Em rauri pinis long ol arapela Pasifik kantri olsem Fiji, Kuk Ailans, Samoa na PNG long skruim aweanes progrem bilong en long sik HIV/AIDS.

Em i tok bikos rot we em bin kisim sik em long nomol wei na i no long pasin pamuk o kain olsem, em no bungim hevi o ol poroman na famili na sosaiti i kros long en olsem planti ol arapela i gat dispela sik

# Ol bagarap seavings na lons sosaiti bai pinis

ROSALYN ALBANIEL  
i raitim

MOA long 70 Seavings na Lon Sosaiti we i no bin wok gut bai pinis insait long tupela krismas taim, Beng ov Papua Niugini (BPNG) i tokaut.

BPNG Gavana Wilson Kamit i tokaut olsem Sentrel Beng i wok long karimaut wok bilong Gavman bihainim fainensel sistem rifom long kamapim gutpela fainensel sistem bilong Papua Niugini.

Mista Kamit i tok 10-pela krismas i go pinis ol seavings na lons sosaiti i bin kamapim ol rekot nogut bikos ol lain i menesim ol i nogat gutpela kopret gavanens.

Em i tok tru BPNG i wok long go pas long kirapim ol seavings na lons industri, tasol ol i no inap go moa we 74 i rejista tasol wok bilong ol i no kirap strong.

Dispela olupela hevi i mas pinis insait long rot bilong stapim moa rejistresen. Longpela taim nau na sampela sosaiti i mas pasim wok bikos sampela i no moa wok long 20 krismas olgeta i kam

nau.

Planti bilong ol dispela seavings na lons sosaiti i bin stapim wok i no moa kisim diposit long ol memba inap 10-pela krismas nau, Mista Kamit i tok.

Mista Kamit i tok long 1999 BPNG i bin luksave long 25 sosaiti wantaim mani na ol samtling bilong wok we i kos olgeta olsem K130 milien na i wok i stap.

Gavana i tok wok bilong ol dispela sosaiti bai i nogat tok long ol.

Likwideta kampani, Salvatori Algeri, wampela patna bilong Deloitte Touche Tohmatsu i kisim dispela wok bilong klinim ol dispela industri we i no wok gut.

Mista Kamit i tok likwideta kampani ya bai bungim olgeta rekot na mani wantaim ol samtling bilong wok long traim stretim na bekim bek mani bilong ol membas.

Em i tok dispela bai bikpela wok tumas bikos sampela bilong ol dispela industri i nogat ol pepa o rekot bilong ol i stap klia.

Em i tok nogut bai sampela asets i nogat rekot na likwideta i

no inap painim we bai i nogat pemon i kamap.

Mista Algeri i tok em bai wok long traim long daunim sampela hevi na wari ol memba i gat long mani bilong ol wantaim ol dispela sosaiti.

Long dispela taim tu Mista Algeri i askim ol dispela 74 seavings na lons sosaiti long toktok wantaim em na tokaut long ol wok na rekot bilong ol long kamapim wei bilong mekim dispela wok bilong kisim bek ol samtling i ron gut.

Em i tok dispela wok bilong likwidesen i kisim tok orait bilong Sentrel Beng na Federesen ov Seavings na Lons Sosaiti (FSL) long go het wantaim dispela wok.

Insait long tripela krismas bihain, Sentrel Beng bai kamapim gut rot bilong daunim hevi bilong risk menesmen, kapitael edekwesi, kopret gavanens na akauntabiliti na trenspersensi long ol fainensel institusen husat i wok insait long Papua Niugini. Na em bai tokaut long ol stended bilong kopret gavanens, akaunting na disklosa we olgeta seavings na lons sosaiti bai bihainim.

## Senses i kisim bikpela sapot long Post PNG

WOK bilong kaunim ol manmeri o nesanel senses long dispela yia i kisim moa helpim i kam yet. Dispela taim helpim na sapot i kam long Post PNG, ol lain i go pas long olgeta pos opis insait long Papua Niugini.

Post PNG i givim sapot bilong em long wok bilong senses we ol bai yusim sevis bilong pos opis long salim senses pepa na ol wok bilong ol i go long olgeta provins na distrik insait long kantri.

Wantaim dispela sevis bilong ol pos opis, Post PNG i kamapim tu wampela bikpela resis we ol studen insait long gret 6 inap gret 10 bai mekim. Dispela resis em long raitim stori ol i kolim esei. Dispela stori em bai ol studen i tokaut long wanem em Nesanel Senses 2000 na bilong wanem em i bikpela samtling long i gat Nesanel Senses long Papua Niugini. Namba wan prais em K500 na ol skol saplai na ol prais bilong Post PNG na Nesanel Senses. Namba tu prais em K400 wantaim ol prais na namba tri prais em K200 wantaim ol prais olsem siot na hat.

Post PNG i kamapim tu ol nupela stem we i gat piksa na stem bilong Nesanel Senses i stap pinis long em. Na olgeta pos opis long kantri bai salim dispela stem olsem promosen bilong dispela bikpela wok bilong kaunim ol manmeri long neks mun Julai.

Wok bilong kaunim ol manmeri bai kamap long Julai 19. Na opis bilong senses i wok long karimaut ol wok bilong trenim ol manmeri long mekim dispela wok insait long olgeta hap bilong Papua Niugini. Na tu em i wok long skulim ol manmeri long luksave long dispela wok na givim nem bilong ol long taim ol wokmanmeri i kam long kaunim ol.

Ol bikman bilong Nesanel Senses i tok ol i amamas long Post PNG i helpim gen wok bilong senses bikos taim nesanel senses i bin stat long 1980, Postal and Telecommunication (PTC) i bin sapotim ol i kam inap 1990 na nau gen Post PNG na Telikom i kamap yet wantaim helpim na sapot bilong ol.



• Sief Statistician Nick Suvulo (lephan) o kisim ol helpim bilong Post PNG. Mausman bilong Post PNG Martin Gele (raithan) i makim kampani na givim helpim bilong ol long wok bilong Senses 2000.

Poto: Issac Ikuavi

## Sir Alkan i laikim ol nupela lons sosaiti i op

MASKI muv bilong Beng ov Papua Niugini (BPNG) long stapim moa long 70 seavings na lons sosaiti we i no bin wok gut, ol nupela sosaiti i ken kamap.

Deputi Siaman bilong Federesen ov Seavings na Lons sosaiti Limited Sir Alkan Tololo i mekim dispela toktok bihainim toktok bilong Sentrel Beng long las mun.

Sir Alkan i tok em i luksave olsem sosaiti i nogat inap strong bilong kamapim wokman bilong lukautim na ronim sosaiti.

Tasol Sir Alkan i tok Federesen i olsem nesanel asosiesen bilongol Seavings na Lons Sosaiti insait long Papua Niugini i bin wok klostu wantaim BPNG long kamapim strongpela fainensel industri long PNG.

Em i tok dispela wok bai kisim longpela taim na moa strong long kamapim insait long kain kantri olsem PNG we ol risoses i planti na seavings na lons muvmen i go insait long ol bikpela hat taim.

Em i tok wok bilong seavings na lons sosaiti i bin kamap 10-pela krismas bipo we industri i bin i go insait long planti bikpela wok progrem long mekim industri i kamap.

Sir Alkan i tok Federesen i welkam tu long eksen bilong BPNG long makim likwideta long sekim 74 sosaiti we i no bin wok i kam inap nau. Em i tok dispela wok inap long kamap longtaim bipo. Dispela ol wok i bilong kirapim bek sapot na interes bilong ol membas, gutpela menesmen na gutpela nem na luksave bilong em long komyuniti.

Wantaim dispela eksen bilong likwidesen, i gat 25 kampani tasol i stap strong yet long wok i go het.

Mipela i sapot long Sentrel Beng bai givim helpim na sapot bilong em long dispela 25 seavings na lons sosaiti long go het yet long wok bilong ol na tu ol nupela sosaiti i ken op, Sir Alkan i tok.

Sir Alkan i tok planti membas bai i no inap amamas long beng i rausim 74 seavings na lons sosaiti ya tasol em i askim ol long bung wantaim gen na tingting gen long kirapim bek ol seavings na lons sosaiti we nupela na gutpela rot ol i sanapim pinis long kirapim ol seavings na lons sosaiti insait long kantri. Em i wok long planti arapela kantri olsem na mi no lukim wampela rot we em i no inap wok hia long PNG, Sir Alkan i tok.

# RAMU SUGAR



*The Sweetest Thing*

# WANTOK

NIUSPEPA BILONG YUMI OL PAPUA NIUGINI STRET

## Pipel rausim Gavman long wanem?



BIKPELA hevi i bungim Solomon Ailan na Fiji, tupela Pasifik kantri we i klostu tru long Papua Niugini taim ol pipel yet i yusim sotgan long rausim Praim Minista na Gavman bilong ol. Fiji i mekim dispela long las mun na long las wiken tasol Solomon Ailan i mekim dispela pasin. Ol i holim Praim Minista na ol Minista bilong Gavman na askim Gavman long risain long wok bilong ol.

Dispela tupela kantri Fiji na Solomon Ailan em ol wankain olsem mipela hia long PNG bikos ol i blak skin na i save kisim kaikai long gaden olsem mipela hia long PNG. Yumi olgeta em ol Pasifik lain long wanpela solwara na pasin o kalsa bilong yumi i wankain long planti samting. Ol waitman i save kolim yumi ol dispela Pasifik kantri em ol develop-ing kantri o ol liklik kantri we sevis na developmen i no bikpela long inapim olgeta manmeri.

Long Fiji ol i laik rausim Gavman bikos ol i tok Gavman i mas ol Fiji blut stret na i no ol miks lain bilong India i lukautim Gavman. Olsem na ol i kamapim dispela trabel bilong traim rausim Gavman na senisim we i mas Fiji Gavman stret.

Long Solomon Ailan, ol i mekim dispela eksen bikos long sampela bikpela hevi bilong ol pipel we Gavman bilong Ulufa'alu i no toktok long en na stretim. Olsem na ol i laikim Gavman i mas senis.

Sapos ol ami na plisman tu istap insait long dispela straik o eksen, em bai i bikpela wok tru long traim bungim ol gut na kisim gen gutpela tingting na rot bilong stretim hevi ya. Bikos i nogat wanpela ami na plis i save tanim bek na tromoi gavman bilong em.

Dispela em brukim bikpela lo tru. Gavman i kamapim ami na plis fos long lukautim sekyuriti na lo na oda hevi bilong kantri.

Praim Minista bilong Papua Niugini Sir Mekere Morauta i tok pasin ol lain i mekim long Solomon Ailan i no stret long yusim sotgan long rausim Gavman we Gavman em i bos bilong pipel na kantri. Sapos ol pipel i gat hevi long wanpela samting, ol i mas yusim stretpela rot bilong stretim dispela hevi. Na ol i mas luksave olsem lo tasol i banis bilong stretim olgeta hevi bilong pipel na kantri.

Sir Mekere i tok long dispela pasin, Gavman bilong PNG i no laikim kain pasin ol lain i mekim long Gavman bilong ol long Solomon Ailan.

Oposisen lida Bill Skate husat em olpela Praim Minista bilong Papua Niugini i tok em tu i sapot long toktok bilong Gavman olsem olgeta hevi i save go long stretpela rot bilong stretim na lo i stap bilong mekim dispela wok.

Tasol em i tok tu olsem sapos yumi skelim gut, ol pipel i save bungim hevi long prais bilong ol kaikai na ol samting i go antap na ol i no inap long baim inap kaikai

na ol samting. Planti ovasis kampani i save kam na brukim ol graun na bus diwai bilong ol pipel na kisim ol risoses we ol pipel i save kros. Ol pipel i save kros tu long graun na pait long graun bikos ol i tok em i tumbuna graun bilong ol. Na ol kain kain hevi olsem i save putim bel bilong ol pipel long kros na kamapim trabel na birua. Olsem na Gavman i mas lukaut gut na was gut long dispela kain hevi we, nau pasin i kamap long Fiji na Solomon Ailan tu inap kamap bihain long Papua Niugini.

Long Papua Niugini em tru

olsem graun i oltaim bikpela samting long bel na tingting bilong ol manmeri. Na ol bai straik sapos Gavman i no stretim gut toktok wantaim ol long mekim bisnis o wok antap long graun bilong ol. Gavman i mas lukaut gut taim em i laik tasim graun bilong ol pipel na em i mas kamapim gutpela isi rot bilong stretim kompensesen bai ol pipel i ken amamas. Dispela em bikpela piksa mipela i lukim pinis long Bogenvil ailan we bikpela kopa maining kampani i stapim wok bilong em 10-pela krismas nau.

## Solomon Ailan Praim Minista tokaut long risain


Praim Minista bilong Solomon Ailan Bartholomew Ulufa'alu i tokaut olsem em bai risain long sia bilong Praim Minista. Na dispela eksen bilong em i mas bilong kamapim bel isi na wanbel na ol pait na trabel we i bin kamap i mas pinis.

Mista Ulufa'alu i tokaut long bung bilong ol kabinet minista long dispela tingting bilong em bihain long ol rebel lain bilong Solomon Ailan yet i hensapim em na askim em long risain long sia bilong Praim Minista long las wiken.

Bai palamen i bung long Jun 16 long tokaut long pinis bilong Praim Minista na tokaut tu long husat bai kamap nupela Praim Minista bilong Solomon Ailan.

• Toktok bilong ol tisa long holim straik egensim gavman long apim pe na alawens bilong ol i strong yet wantaim moa sapot i kam long olgeta provins we ol tisa i stap. Long dispela wik ol tisa long Isten hailans provins i salim petisen i go long Gavana bilong ol Peti Lafanama. Long hailans rijon, ol Isten Hailans na Westen hailans i soim komplem bilong ol pinis wantaim asosiesen bilong ol Hailans Tisas Asosiesen. Wankain tu long Momase rijon na Niugini Ailan rijon, ol tisa i autim komplem na hevi bilong ol pinis wantaim asosiesen bilong ol Toktok bilong ol i stap pinis wantaim PNG Tisas Asosiesen tasol i nogat wanpela bikpela toktok i kamap yet bikos wok bilong toktok wantaim atoriti o gavman na ol asosiesen wanwan i wok long go het yet

• Praim Minista Sir Mekere Morauta i tokaut olsem selebresen bilong 25 ya independens bilong Papua Niugini bai bikpela bikos dispela em spesel 25 ya bilong kantri Praim Minista i tokaut long palamen



• Praim Minista bilong Solomon Ailan Bartholomew Ulufa'alu.


olsem bai i gat kain kain bikpela amamas olsem ol ami na plis fos wantaim ol skul pikinini na ol grup i mas, paia woks, stet dina na planti arapela moa singsing na pilai.

Praim Minista i tok dispela 25 independens em olgeta provins tu i mas mekim plen na progrem bilong ol bai ol tu i ken selebretim long provins na distrik wanwan. Gavman i ting long putim mani olsem K1.5 milien long dispela independens selebresen.

• Minista bilong Plis Mathias Karani i go pinis long Brisben, Australia long kisim helikopta bilong plis fos i kam bek.

Helikopta 'Eye in the sky' i bin bagarap bipo taim sampela man nogut i bin go long banis bilong plis long Mosbi na sutim sari bilong en wantaim sotgan.

Helikopta ya i go daun long Australia



• Praim Minista bilong Papua niugini Sir Mekere Morauta.


long woksop na i redi long kam bek nau long mekim wok bilong en. Plis Minista Mathias Karani i tok lukaut olsem helikopta nau i kisim moa nupela masin na ol samting bilong helpim plis long ronim na holim ol raskol na trabel lain.

• Ol Sepik komyuniti long Lae i holim bikpela kros egensim Lae plis bikos long dai bilong wanpela yangpela boi bilong ol taim plis i sut long ol long las wiken.

Ripot i tok wanpela meri i bin sutim man bilong em long naip na em i dai na lain bilong man ya i kam long toktok long stre-

## OL HAP HAP

*nius*



• Minista bilong Plis Mathias Karani.

tim toktok na makim kompensesen.

Tasol ol plisman i kam na rausim dispela bung na askim ol lain long bek nabaut long haus bilong ol. Ol lain bilong dai man ya i kalap long ka i laik go bek taim wanpela bilong ol i tok nogut long plis mobail skwat. Ol plisman ya i sut long sotgan long pretim ol tasol. Tasol abrus na wanpela yangpela man antap long ka i kisim bagarap. Bos bilong Lae plis Awan Sete i tok bikpela wok painimaut bai kamap long dispela na ol bai traim painimaut as bilong dispela dai, husat i asua na lo bai mekim save long dispela.



**POM Ragbi Lig ripot**

**DOWNA** Konstraksen Souths i nogat lus yet bihaim ol i winim Wallya 22-18 long las wik long Pot Mosbi Ragbi Lig resis.

Wantaim dispela win bilong ol Souths i stap long 18 poin.

Long ol arapela pilai Royals i winim Brothers 26-24, Difens i nekim Gerehu United 38-14, Paga i winim Dobo Warriors 34-26, Post Pumas i wipim Kone Tigers 42-12 na Magani i winim Tarangu 24-22.

Bihain nau long ol pilai poin leda i stap olsem Souths 18, Brothers 17, Paga 16, Royals na Magani 13, Kone Tigers 12, Post Puma na Difens 10, Wallya 8, Dobo Warriors 8, Tarangu 6, Hawks 5, West 2 na Gerehu United 2.

**Ol gems bai stat gen**

KOIARI Ragbi Lig resis bai stat gen lon dispela wiken gen bihain long ol i bin stopim bikos long bikpela ren.

Resis ol i bin stopim long tupela wik tasol nau bai i stat gen.

Lig presiden Ruben Open i tok sori i go long ol klab long em i bin stopim ol gem.

Em i tok olsem olsem i gat olsem sikipela klab long dispela resis na i gat inap taim long pinism dispela sison.

Rejistresin bilong ol klab na ol pilias em arapela bikepla samting ol lig ofisel i wok long tok tok long en long taim ol i bin gat miting.

**KOIARI LIG RIPOT**

Rejistresin bilong ol klab i sanap olsem K300 na bilong ol pilai em K8.

Lig bai toksave long olgeta klab opisel long miting bilong ol long oval long nau wiken.

Ol i tok olsem ol klab na ol pilaias i mas baim ol registresin hariap tru bihaim long faiv-pela wik.

Long dispela miting ol opisel tok olsem ol klab na ol pilaias husat i not bihaim dispela tok ol bai rausim ol poin bilong ol

na ol bai saspending ol klab bilong ol wantaim ol pilaias. Long dispela wiken Soger Choice bai salensim Hooks Tigers, IBS Pukpuks bai tram bun bilong ol Trek Warriors na long mein gem bai Crystal Eels bai tram Sirnumu Owl Panthers.

Poin leta bihain long raun fo i sanap olsem A gred. Soger Choice 7, Cystal Eels 5, Warriors 4, Pukpuks 4, Sirnumu na Tigers long 1.

Long B gred Crystal Eels 6, Soger Choice 6, Sirnumu 3, Tigers 3, Warriors 1 na Pukpuks i nogat win yet.

**Bombers i lus long planti drop bal**

**SP KAP RIPOT**

**FRANCO NEBAS i raitim**

LBC LAE Bombers long Sande i lus i go long Rabaul Gurias 13-5 long nambawan raun long SP Kap resis long Lae lig graun.

Bombers husat i no bin gutpela de bilong ol long kamapim planti ol asua olsem dropim bal klostu long trai lain i lukim ol mangi long mauten paia i wipim ol wan sait.

Long namba wan hap bilong gem i lukim tupela tim wantaim i kamapim strongpela ol pilai long etek na difens.

Ol fowets i wok hat long mekm ol strongpela ran brukim difens i go insait long hap bilong ol Guria.

Guria i bin pas long kiau taim stail mangi ya Jessie Alunga i kikim wanpela fil gol klostu long hap taim brek long kisim sko sanap 1-0.

Dispela go i lukim skin gras bilongol Guria i sanap na i wok long mekim ol strongpela ron i go insait long eria bilong Bombers.

Kumul fowet Lucas Solbat yet i go pas long fowet brek bilong Guria wantain sapot i kam long Giamuki Tau, Simon Andrew na David Saramasi.

Long ol gutpela brek bilong ol dispela lain i lukim Eremas Batki i brukim difens na skorim fes trai bilong ol na bringim Guria i go antap 5-0.

Konvesen kik i kam long Stanley Sukot i no gutpela tumas na skoa i sanap yet 5-0.

Bombers i traime bes long stretim skoa tasol difens bilong Guria i strong tru na i lukim sko i stap



• Ol Vipers i nekim wanpela Waghi Tumbe pilai. Vipers i bin 36-10.

olsem u go long hap taim brek.

Bombers i kam bek strong long namba tu hap bihain long kisim strongepal paia toktok long kosa Joe Katsir i lukim ol skorim wanpela trai.

Winga Paulus Mоторo husat i nambawan taim bilong em long makim Bombers i skorim dispela trai bihain long Peter Wagu is setim em.

Wagu is kisim konvesen tasol i papai na sko i sanap Bombers 4

na Guria 5. Bombers i suvim het yet long putim ol trai tasol difens bilong Gurias i strong tru. Dispela i lukim Peter Wagu kisim wanpela fil gol na sko i lok 5-5.

Gem i go moa strong long last minit bilong hap we i lukim tupela sait wantaim i traime long skorim ol trai.

Bombers i bin gat planti ol gutpela sans we i nap long putim trai tasol bal i wol long pundaun taim ol i laik kisim ol pas.

Dispela i slukim ol Gurias i kisim sans long dispela long putim tupela trai long pinisim gem.

Trai i bin kamap bihain long ol Gurias i yusim ol fowets i go na ol beklain i isi tasol pundaun long trai lain.

Stail winga Apelis Tirau na Kelly Nopi i putim dispela tupela trai. Konvesen i kam long Jessie Alunga i no bin gutpela tumas we ski i sanap 13-5 i go long ful taim.

Ol lain husat i traime hat long

Bombers em kepten yet Andrew Norman, Cedric Belo, Tine Hombi, Iron Hate long fowet, Peter Wagu, Michael Moses, Paulus Mоторo na Kevin Yak long beks.

Rabaul Gurias em olgeta yet i putim gutpela pilai.

Long ol arapela Inta-Siti Gems Waghi Tumbe i lus long Pot Mosbi Vipers 36-10, Simbu Warriors i winim Mendi Muruks 20-16 na Enga Mioks i dastim Hagen Eagles 24-20.



**POM SOKA RIPOD**

# SP i nogat lus

SP Bruri husat i go pas long Pot Mosbi Soka resis i bin bagarapim stret Cosmos 3-1 long las wik. SP nau i nogat wanpela lus.

SP i bin lid long hap taim 2-0 and i bin bihainim gutpela pilai bilong ol i go long namba tu hap we ol i putim wanpela mo gol long pinisim dispela pilai.

Ol straikas bilong SP Esrom Toligur na Matis Sam i bin wok gut wantaim Donald Sali na wantaim ol yanpela mangi long sait ol i strongim gem bilong ol na ol i win.

Cosmos is bin kism taim tru na ol i no wok long yusim gut ol sans bilong ol.

Long arapela gem ANZ University i wiwiiim Tawaia 5-1 na Rapatona i bel-tim Tarangau 3-0.

Long arapela pilai Blu Kumuls i winim Kurti-Andra 4-1. Nasa "Masala" Wangu-Andiki i staim dispela gem bilong ol Blu Kumuls na i wok gut tru wnatem Steven Mune na stail mangi Ian Mautu long scorim ol gol.


Ol pisman i bin gat wanpela strongpela bek lain stret wantaim Fidelis Gabe na Kuri Jim husat i strongim ol difens bilong ol na mekim ol Kurti-Andra i painim hat long sko.

Raymond Wangei i go pas long ol Kurti-Andra na i wok long konbain gut wantaim ol straika bilong ol tasol ol i no wok long painim taget bilong ol.

Ol premia Lae Biscuit Defens husat i wok lon winim ol arapela gem bilong ol i klostu win tasol ol Babaka sait i strong na tupela wantaim i dro 1-1.

Tupela sait wantaim i wok long pilai gut na strongim ol difens bilong ol.

Long arapela gem ol Guria i i dro wantaim PS United 0-0.



• Soka eksen long Morobe Kap salens namel long LFA na Kabwum. Pilai i bin kamap long Lae long Ista wiken.

## Ipera i kalap i go long kik boksing

SEMPION boksa bilong PNG Lynch Ipera i tokaut olsem em i laik senis i go long kik boksing.

Tasol em i ridim tok olrait i kam long PNG Amasa Boksing Yunion (PNGABU).

Presiden bilong PNGABU Raphael Kora i tok olsem Ipera i no tokim ol yet olsem em i laik traim kik boksing.

Em i tok olsem Ipera i mas tokim ol pastem sapos em i senis i go long arapela spot.

Ipera i bin tokaut olsem em i laik em i taim bilong senis na wokim arapela samting. Em i tok olsem long dispela yia em bai tek pat long wanpela Muya Thai kik boksing tonamen long Brisbane Ostrelia long Disemba.

Ol lain bilong PNGABU i tok olsem

em laik bilong olgeta wan wan man meri sapos ol i laik kalap i go long arapela spot tasol i gat ol rul ol i mas bihainim sapos ol i laik senis.

Ol i tok olsem Ipera i wanpela memba bilong PNGABU na wankain long ol arapela lain spot manmeri ol i mas stap long wanpela klab. Ol i tok olsem Ipera i representim PNG na i memba bilong PNGABU wantem ol arapela ogenisesin olsem PNG Spot Fedaresin.

Menija na tren bilong Ipera Michael Chiu i tok olsem Ipera i lusim boksing olgeta tasol em i laik traim pastem kik boksing. Em i tok olsem em bai iusim boksing pastem long tren long dispela kik boksing resis long Brisbane.

## Courts bai traim strong bilong Buresong

Nupela tim Courts long Sarere bai traim strong bilong lapun tim Tolec Buresong long Lae Futbol Asosisen (LFA) man lig divisen resis.

Courts husat em nambawan taim bilong long ol long kik insait long LFA resis long dispela sison i soim strong bilong ol pinis olsem ol i gat namba tu long pilai soka.

Long las wiken ol i pain bek long las minit bilong namba tu hap we ol i levolim skoa 1-1 egens Topick long fultaim.

Long Sarere ol bai traim gen long holim lapun tim bilong LAF Tolec Buresong o rausim trausis bilong ol.

Ol pilai we husat bai stap

long tim long Sarere em, Allan Bosoko, Roy Gai na Paul Joel long fowets.

Dispela ol lain i gat pawa het na lek long sutim gol i go insait long umben bilong ol birua sapos ol i no lukaut gut long ol.

Long Difens, Jobi Anunga, Francois Van Rans na Roberick Ila yet bai go pas wantaim helpim i kam long lapun gol kipa John Anio.

Anio em ekprens gol kipa husat yet bai i go pas long stirim ol bek lain bilong em wantaim sapot i kam long Van Rans.

Tasol ol i noken ting ol mangi Kande bai isi longol, long wanem ol i laik difendim bek dispela taitel ol i winim las sisen na bai

putim strongpela gem.

Ol yangpela pilaia olsem; Jr Alex David, Vincy Hegufe na John kam bring bai ron long fran lain long mekim umben seksek.

Long midfil, Paul Wenzion, Gabbie Hegufec na Pingi Pee bai lukautim.

Dispela ol lain i gutpela pilaia husat save tanim difens i go long atek.

Beklain em; Robin Jojo, Chris Stanley na Julius Peka bai i go pas wantaim sapot long gol kipa Nonza Doa na Nabo Ameo.

Long ol arapela gems; Topick bai skelim strong wantaim Bara, Poro na HC West, Ideal Jaura na Seminary.



# IKEN WOKIM GUTPELA SAMTING LONG YU



# Sonics i sempion volibol klab

## Nesanel volibol klab sempionsip ropot

SONICS klab bilong Vabokori Amatsa Volibol Asosiasen em i sempion bilong volibol insait long kantri bihain long ol i autim wanpela NCD tim Telikom long fainol bilong nesanel volibol sempionsip long Lae.

Sonics i winim Telikom 3-0 long gren fainol.

Ol stail mangi bilong Vabokori i bin winim olgeta 7-pela gems bilong ol insait long tonamen na ol i go stret long gren fainol.

Sonics i winim namba wan set bilong gren fainol 25-9 na

namba tu set 25-10 and bihain ol i kisim namba tri 25-12 na ol i kisim nesanel taitol.

Klab presiden Turaho Morea i tok amamas long win bilong ol pilaias bilong ol husat ol i bin pilai strong stret na ol i no bin gat wanpela lus.

Morea i tok amamas long Nau FM husat i bin givim K5,000 sponsasip long stretim wakabaut bilong ol i go long Lae long pilai long tonamen.

Tripela long ol pilaias bilong Sonic i bin kisim ol prais long stail pilai bilong ol. Em kepten

Alu Kapa (best seta), Gere Kila (best difenda), na Tela PaPa husat i bin kisim awod bilong refari.

Long ol pila bilong ol meri Raukele i bin winim Huon 3-2 long kisim prais bilong ol meri.

Sinia pilai bilong Raukele Desleigh Ila i tok olsem ol meri bilong ol i bin pilai gut stret na ol i amamas long winim prais bilong ol meri.

Em i tok olsem ol meri Nazab i pilai strong stret tasol em i amamas olsem ol i bin win.

# Lae na Hagen i sempion bilong basket bol

## Nesanel klab sempionsip ripot

MT Hagen na Lae em di sempion bilong ol meri na ol man long basket bol bihain long ol i win long nesanel taitols long Pot Mosbi.

Nugini Biding Saplaia Pacers bilong Hagen i kisim taitol bilong ol meri taim ol winim Exodus bilong Pot Mosbi.

Long pilai bilong ol man Country tim bilong Lae i winim Jazz tim bilong Pot Mosbi.

Ol dispela pilai i bin

kamap long Sir John Guise Stadium last wken Exodus husat i winim taitol sikipela taim pinis no bin gat strong tumas na i kamap namba tu taim Pacers i winim ol

Ol Pacers i no bin gat ol longpela meri tasol ol i strong yet na ol i win 55-50

Long pilai bilong ol man Jazz wantaim Huon Country i bin pilai strong stret tupela tim wantem i bin gat ol longpela man

Jazz i bin kamap ol dispela pilai sikipela taim pinis no bin gat strong tumas na i kamap namba tu taim

Long wanpela taim insait long gem tupela tim bin ok 46-46 bihain Jazz ind bek wantem ol penalt na bihain tru ol mang Wopa i kam bek na skorim ol las poin long staim dispela gem long ol Jazz

Kos bilong ol Country Larry Posa i tok amamas long ol pilaias bilong em husat i bin pilai gut stret Em i tok olsem ol tasol strong na ol i win



• Ragbi eksen namel long Defence na Gerehu United insait long Pot Mosbi.

# Sentrel kantri kriket i stat

SENTREL provins kriket kantru kap i stap long dispela wik na i lukim 28-pela ples insait long provins i tek pat.

Bai gat olsem fo-pela division, kap, boel, plet na penent.

Long kap divisin bai lukim sempion tim bilong las yia Egala Auna, i resis wantaim

Alukuni, Keapara na Karawa long pul A na Hula, Tubuseria, Babaka na Kalo i stap long pul B.


Long Boel resis, Kemaea, Maopa tu, Iruone na Kamali i stap long pul A na Makerupa, Viriolo, Wapagai na Moukele i stap long pul B.

Kemaea na Makerupa ol i

bin rausim ol Kap resis na putim ol long Boel resis.

Iruone na Viriolo i bin stap long plet resis tasol ol apim ol i go long Boel resis.

Ol tim husat i stap long plet resis em Alewa long pul A na Porebada Gabagaba, Paramana na Irupara long pul B.



• TST Kempa pilai i lukluk raun long tromoi bal long wan pilai bilong em na opopen bilong ol Chevron Paramana pilai i traim long banisim em long tromoi bal long las wiken long Pot Mosbi.

# Ol risalts bilong Dolphin Sprints

SIKSTI swimas bilong Lae, Pot Mosbi na Boroko Swimming klab i bin kalamp long wara long tek pat long PNG Motors Dolphin Sprints long NCD long wiken. Boroko swimming klab i bin lukautim dispela sempionsips long aninit long FINA refiri Lesley Huckins.

Ol eksekativ na ol memba bilong Boroko swimming klab i bin tok tenk yu i go long meja sponsa PNG Motors husat i bin givim sapot long dispela Dolphin Sprints long sait bilong mani.

Dispela Dolphin Sprints em wanpela samting lain bikpela dei bilong bilong Boroko swim klab.

Klab presiden Matthew Green taim em i toktok long stat bilong dispela resis i tokim ol swimas long makim ol gol bilong ol.

Em i tok noken tingting tasol long win yu mas traim best bilong yu tasol bikos dispela em i namba wan samting

Dispela spirit, dispela strong long win bai i halivim yu long makim ol gols bilong yupela long laif.

Dispela toktok bilong em i strong tru na sampela long ol i bin kamapim sampela gutpela taim.

Ol lain husat i bin gat gutpela taim em: Hollie Baemler, Jordon Millet, Putri Tamie, Kathryn McLay, Courtney Toua, Ellen McNamara, Ayesha Lutschini, Jeneeda Matane, Stephanie Millet, Kriszina Possiri, Rosie Allport, Michaelyn Pokarup, Annika Seeto, Petrobella Tekwie, Nathan McIntyre, Ian Levett, Raymond Dunlop, Clint Jones Alan Levett, Christopher Green, Tomson Yung, Bruce Naru, Kerenga Naru, David Tekwie, Philip Naru, Billy Kwarara, Silas Polume, na Aestar Sione.

Ol lain husat i bin winim ol trofi:

	Meri	Man
7 years	Hollie Baeumler	-
8 years	Courtney Toua	Ian Levett
9 years	Ayesha Lutschini	Raymond Dunlop
10 years	Michaelyn Pokarup	Clint Jones
11 years	Tihara Malus	-
12 years	Angelika Pokarup	Bruce Naru
Ages 13 & 14	-	Kerenga Naru
Ages 15 & 16	Petrobella Tekwie	Kieran Chan
Ages 17 & over	-	Ben Wells



**MILO IKEN WOKIM GUTPELA SAMTING LONG YU**

• (Raithan): Ol susa i laik brukim bun.

• (Daunbilo): Skul bois soka.



• (Raithan): Waghi Tumbe Tim - 2000.

• (Daunbilo Lephon): Ragbi Yunion



• (Daunbilo Lephon): Susa ya i abrus na pundaun.

# Bikpela smail na amamas maski bagarap kisim em

### Cambodia:

Legless Bike em Chhen Ngong em wanpela man Cambodia i birua bilong lenmain. Man ya i lusim tupela lek bilong em. Long rait em wantaim bebi bilong em na meri na famili taim em i no kisim birua yet long 1983.

Bihainim bagarap ya, man ya i no givap tasol em i mekim wok long ripearim o fiksik ol baisikel na moto-baik long lukautim famili bilong en. Ol lenmain long Cambodia i bagarapim na kilim dai planti tausen manmeri na pikinini long kantri. I gat ripot olsem siks milien lenmain i stap long kantri yet. Lenmain em ol liklik han bom we ol bin planim o tromoim long graun bilong biruaim ol birua bilong ol long taim bilong hevi na pait long kantri. Tasol planti krismas i lus pinis bihain long hevi i pinis na ol pipel i wok long kisim bagarap long ol lenmain ya. Planti ol pikinini em



• Piksa i soim Chhen Ngong i sindaun antap long wanpela baisikel we em i traim long stretim. Piksa i kam long Weekend Australian niuspepa.

ol mama i karim ol wantaim bikos long bagarap bilong hap long bodi bilong ol i lus lenmain.

# Operesen bai sevim ol o nogat


### Australia:

Tay-lah na Monique em tupela Saimis twins we wanpela mama bilong Brisben long Australia i karim ol eitpela mun i go pinis. Ol no twins nating, nogat Ol i Saimis twin tasol ol i pas wantaim long het. Na het bilong ol i no lukluk long wanpela hap, nogat, wanpela i tanim long wanpela sait na narapela i tanim narakan, olsem piksa i soim.

Ripot i tok tupela em wanpela long ol kain twim mama i karim namel long faiv miline pipel long wol.

Bai tripela mun yet i pinis bipo long ol dokta i wokim operesen long seperetim tupela. Tasol i gat hevi long wokim dispela kain operesen bikos planti Saimis twins, moa yet ol dispela i pas long het i save dai.

Tay-lah na Monique i gat wan wan kru (brain) yet bilong ol tasol ol i serim wanpela rop long blut i go insait long ol. Tay-lah i kisim



Tupela Saimis twins bilong Brisben i wetim operesen long mekim tupela i lus. Piksa kam long Weekend Australian niuspepa

pinis operesen long Brisben Royel Hospitel long stretim wanpela rop i go olsem long lewa bilong en.

Long 100,000 mama i karim ol bebi, wanpela bai Saimis tasol ol dispela we i pas long het i save kamap long wanpela long faiv milien mama i karim bebi.

Mama bilong twins i tok em i laikim tru tupela bebi bilong en na em bai kisim

bikpela hevi stret sapos em i lusim tupela long ol

Ol megesin na telivisen kampani long Australia i redi long peim bikpela man long papamama bilong twins ya bilong kisim stori na piksa bilong ol (twins) ya

I gat ol ripot olsem Sevens Network i peim K250,000 long kisim stori bilong tupela twins na papamama bilong ol

# Taekwando fiva kisim Saina. Kia long ol!



### Saina:

Klostu bikpela pilai 2000 Sidni Olimpiks bai kamap long neks mun na lukaut long ol Saina ya bikos i luk olsem ol i no isi long prektis long taekwando.

Bikos taekwando i stap olsem wanpela spot pilai we ol bai winim gol medal long

en, ol yangpela Saina i no isi long prektis. Kia long ol nogut ol bai autim tiket bilong gem ya. Ol ripot i tok taekwando i pulim laik bilong planti yangpela long Saina na moa long milien i wok long prektis long spot ya. Korea masta bilong taekwando Choi Young-bok

(long fran) husat i wok wantaim Beijing Tiger Taekwando skul i skulim ol taekwando sumatin long Beijing, Saina.

Piksa na stori i kam long Newsreview, Korea's weekly megesin.

# Ol Korea klei haus i kamap

### Korea:



Ol tumbuna haus bilong ol pipel long Korea em ol i save wokim long klei o retpela tais ol i draim long san. Kain haus em ol tumbuna lain bilong Korea i save yusim long bipo taim tasol long nau, ol pipel i stat long wokim ol dispela kain haus gen.

Ol ripot i tok laik long stap klostu long netja na longwe long ol haus, masin na laip bilong tude i mekim sampela Korea pipel i go bek long wokim ol tumbuna haus long klei gen. Long stretim ol eria we i no strong, ol pipel i wokim gen ol klei haus ya i yusim ston na diwai long strongim ol.

Stap long keli haus em i gutpela, i no hot o kol tasol i stap long namel na em i kisim gutpela san na win bikos long rot we ol i wokim ol haus na ol spes long ruf.



• Wanpela Korea famili i redim kaikai na sindaun stori insait long klei haus bilong ol. Piksa i kam long Pictorial Korea megesin




• Piksa i soim ol klei haus we sampela Korea lain bilong tude i wok long wokim bek.

# Singaut long ol Abrojinis lida long wok bung wantaim

### Australia

Long las wik tasol, bikpela seremoni i bin kamap long Sidni, Australia we long en, ol waitman i bin soim sori long ol Aborijinis pipel o ol asples long ol hevi we ol bin kamapim long ol taim ol (waitman) i sindaun long Australia. Tasol pasin we Prais Minista John Howard i no tok sori long pablik o wokim pablik apoloji i no bin amamasim tumas ol Aborijinis.

Nau hevi i kamap namel long dispela grup we i save baim graun na givim i go long ol Aborijini husat nau i nogat ples o graun long sindaun long en na ol dairekta. Olsem na gavman bilong John Howard i sanapim wanpela wok painimaut long dispela samting.



• Everlyn Scott wanpela mauseri na Abrojinis o asples Australia lida i putim strongpela toktok long ol arapela wantok lida bilong em long lusim ol politiks na bung long helpim ol pipel bilong ol. Piksa i kam long Weekned Australian niuspepa.

Wansolwara

# Solomon Ailan stap long hevi

## Honiara, Solomon Ailan:

NARAPELA hevi gen i kamap long neiba kantri na Mealanisen brata bilong PNG em long Solomon Ailans.

Dispela em tripela wik bihain tasol long dispela i kamap long Fiji, em wanpela Melanisen brata bilong PNG tu.

Maski as long tupela hevi i no wankain, pasin we ol i kisim ol lida bilong tupela kantri i wankain na planti pipel i lukim olsem dispela long Solomons em ol i kopiket long Fiji.

Hevi long Fiji em bin stat long Me 14 taim George Speight em lida bilong ku na lain bilong i bin holim pasim Praim Minista Mahendra Chaudhry na ol Palamen memba bilong en. Nau yet, ol no stretim hevi tasol ami i lukautim kantri taim ol toktok i wok long go het namel long Mista Speight na lain bilong em, Fiji Kaunsil bilong Siefs na ami.

Hevi long Fiji i kamap bikos ol asples Fiji i les long ol Fiji Indianman i ranim kantri na tu planti ol wok bisnis em ol Fiji India pipel i ranim. Ol asples Fiji i tok ol araepla lain i bosim ol long ples bilong ol. Tasol ol Fiji Indian em mama i karim ol long hap na ol tumbuna bilong ol em ol tu i bon long Fiji na ol i kolim na lukim Fiji olsem ples bilong ol. Gavman bilong Ingran i bin kisim ol i go long Fiji long pinis bilong 1800 long wok long ol suga plantesen long Fiji.

Orait, taim dispela hevi i stap yet, narapela hevi i kamap gen long Solomons long dispela wik Mande Jun 5.

Inap long dispela Tunde, ol ripot i kam long Honiara biktaun bilong Solomon Ailan i tok ol paitman bilong grup ol i kolim long Malaita Igel Fos (MEF) na sampela plisman i memba bilong para militeri plis i putim Praim Minista Bartholomeo Ulufa'alu aninit long haus ares. Dispela i min olsem em no inap long lusim haus na grup ya i putim strongpela was long en.

Ol ripot i tok ol MEF na paramiliteri plis i tekova long taun na olsem olgeta wok bisnis long Honiara i bin pas.

Man i go pas long dispela operesen Andrew Nori i tok hevi ya i no m in olsem grup ya i laik tekova long gavman olsem long Fiji, nogat, ol laikim bai Praim Minista Ulufa'alu i risain. Na sapos em i risain hevi bai pinis tu.

Ol ripot i tok Mista Nori em i politikel birua bilong praim minista na nau em i laik rausim em long ganpoin.

Mista Nori i bin holim wok olsem fainens minista long 1994 gavman tasol em bin risain bikos ol bin sutim tok long en long pasin bilong paulim mani.

Ol ripot i tok Mista Nori em i strongpela politiks man na wanpela long ol namba wan loya bilong Solomon Ailan. Em bin go insait long wok politiks long 1984 na namel long 1984-88 em bin holim ol wok minista, lida bilong oposisen na Nesanelis Fran for Progres Patiinap long 1990. Long Jun 1993 em bin risain olsem fainens minista bikos ol i sutim tok olsem em bin kisim long pesenel akaun. bilong em



• Piksa bilong wanpela Malaita Igel fos memba wantaim samting bilong pait long Honiara.

A\$70,000 (K100,000) i kam long sampela ovasis lain. Em bin sanap gen long nesanel ilensen long 1997 tasol em lus. Long dispela yia, em i kamap strong gen olsem lida bilong MEF.

Orait, bekgraun stori bilong hevi long Solomon Ailan i go olsem, hevi i bin stat long mun Mas las yia, 1999.

Hevi i bin kamap namel long ol pipel bilong Guadalkanal Ailan na ol Malaita pipel.

Biktaun bilong Solomon Ailan em Honiara i stap long Guadalkanal na ol asples pipel i bin pilim olsem ol Malaita pipel husat i kam long narapela ailan i putap long graun bilong ol na kisim ol bikpela wok long gavman na kantri. Olsem na sampela Guadalkanal yangpela i bin kirapim dispela Guadalkanal Revoluseneri Ami (GRA) na pait egens ol Malaita pipel long Honiara na rausim ol na bagarapim ol samting bilong ol. Olsem na planti tausen Malaita pipel long Honiara i bin ronawe lusim ples, stat long las yia yet. Sampela pipel i dai pinis tu long dispela hevi.

Orait, bilong salensim ol GRA, sampela yangpela pipel bilong Malaita i bin fomim grup bilong ol tu we ol i kolim long Malaita Igel Fos na nau ol i putim Praim Minista Ulufa'alu long haus ares.

Mista Ulufa'alu i bilong Malaita na ol MEF i belhat olsem em no wokim tumas samting bilong traim stretim dispela hevi na ol i bihainim dispela rot long soim olsem em mas wokim samting kwik long stretim em.

Long dispela yia, Komonwel Seketeriet i bin go insait na makim olpela praim minista bilong Fiji Sitiveni Rabuka long go pas long wanpela grup long stretim hevi. Na ol bin kisim intenesenel plis grup bilong Vanuatu na Fiji i go long ples we hevi i stap long en na traim stretim ol

samting. Nu Silan na Australia i wok long go insait long ol toktok bilong stretim hevi taim dispela samting i kamap. Na bikos ku long Fiji i kamap, Mista Rabuka i bin go bek long ples bilong em long stap insait long ol toktok taim hevi long Solomons i go nogut long dispela wik.

Mista Nori i tok ol i laikim senis long lidasip bilong kantri na ol bai stretim hariap dispela hevi we i stap pinis long 18-pela mun.

Long 4 kilok moning long Tunde, sampela plis na ol MEF memba i bin go insait long stoa we ol plis gan samting i save stap long en na tekova. I no long-taim gen ol bin tekova gen long Honiara Sentrel Plis stesen na kisim ol gan samting. narapela yunit em ol bin salim i go long haus bilong Praim Minista Ulufa'alu na tekova long ol sekyuriti gad na kisim ol gan samting bilong ol, na tu pinisim operesen. Tupela stoa haus bilong ol wepons long Rove i gat klostu olgeta gan na ol arapela wepon bilong kantri long en na ol paitman i tekova pinis long en.

ol paitman i tekova tu long nevi, ol telipon, ol telokomyunikesens na ol arapela sevis long Honiara na ol i wok long askim Mista Ulufa'alu long risain.

Ol ripot i tok nogat bagarap i kamap long praim minista na famili bilong en na ol arapela gavman minista long dispela taim.

Mista Nori i tok join operesen i bin givim wanpela pas i go long praim minista long las Sande na askim em long risain insait long 48 awa na sapos em i no risain, Palamen bai askim ol atoriti long makim nupela praim minista. Tasol em tok Mista Ulufa'alu i wanbel long askim bilong ol. Mista Ulufa'alu i sapos long bung wantaim ol lain bilong en long toktok long dispela samting long Tunde nait.

MEF i putim taim tambu we i stat long 10 kilok nait inap long 5 kilok moning long olgeta de inap long hevi i slek.

## Toktok long gavman bilong PNG long dispela samting.

Praim Minista Sir Mekere Morauta i no wanbel long pasin we sampela grup long Solomon Ailan i bihainim long laik kamapim senis long gavman.

Praim Minista Sir Mekere Morauta i tok em i wari long pasin we MEF i putim Solomons Praim Minista Bart Ulufa'alu long haus ares. Em i tok PNG i laikim demokretik gavman we ol pipel yet i makim na sapos sampela grup o ol wan wan man. i no amamas long sampela samting i moabeta ol i bihainim stretpela rot aninit long mama lo bilong kantri.

Em i tok hevi ya em i samting bilong Solomon Ailan long stretim tasol PNG bai givim wanem sapat na etvais em i ken long traim stretim hevi ya. Em i tok Solomo Ailan gavman i wok long helpim PNG gavman long traim stretim hevi long Bogen vii. PNG na Solomon Ailan i gat komon bodamak na ol arapela samting we ol i wok wantaim long en na olsem PNG bai sambai tasol long givim helpim i go long Solomon Ailan long traim stretim hevi i kamap long narapela sait bilong boda.

Strongpela toktok i wok long sut i go long gavman bilong PNG long mekim samting nau bikos em (PNG) em i bikpela long ol kantri i stap long Pasifik na tu long Melanisen Spiahet grup we Fiji na Solomon Ailan i stap insait long en tu.

## Ami tok ol bai ino harim tok bilong Speight

### Suva, Fiji:

Ami we i lukautim Fiji long dispela taim i tokim ku lida George Speight olsem ol bai no inap long harim ol toktok bilong en.

Bos bilong militeri gavman long Fiji Komodo Frank Bainimarama i tok militeri gavman i no inap long harim singaut bilong Mista Speight husat i laikim lain bilong em i mas stap insait long nupela gavman bilong Fiji.

Tok lukaut bilong ami long Mista Speight husat i holim yet Praim Minista Mahendra Chaudhry na 31 minista long palamen haus stat yet long Me 19, Komodo Bainimarama i bin tok ol bai ino inap long harim moa ol toktok bilong Mista Speight.

Komodo Bainimarama i tok ami i gat sampela luksave long ausait bikos tru ol i no wanbel long ami i go pas long Fiji, em i tok sampela luksave i stap olsem ol i mekim dispela bikos i gat gutpela as long en taim Mista Speight i wokim ku na i laik tekova long gavman.

Long pablik toktok insait long televisen edres, Komodo Bainimarama i tok ol toktok ol i wok long holim long traim larim fri ol hostej i no kamapim wanpela gutpela samting yet.

Em i tok ol bin promis long givim amnesti long Mista Speight na sikspara lain husat i holim gan long praim minista na gavman bilong em. Dispela i min olsem lo i no inap sasim ol long ol rong we ol bin mekim tasol ol no wokim wankain toktok long ol arapela sapota bilong ol.

Komodo Bainimarama i tok ol i givim ol long isi rot long lusim ol samting bilong pait na lusim ol hostej i go na kantri na pipel i ken sindaun gut gen tasol Mista Speight i no harim toktok. Em i tok em bai weit yet i go inap long taim em i laik. Na em i tok sapos ami i strong na abrusim palamen, em na lain bilong en bai sutim dai ol kalabus lain we ol i holim i stap long dai

Ol meri kalabus lain taim Mista Speight i tokim ol long go fri i bin les bikos ol i laik stap wantaim ol 26 wanlain bilong ol.

Foapela meri palamen memba i stap olsem kalabus long palamen long han bilong ku lida George Speight na lain bilong en. Foapela em long Kabinet Minista Adi Kolia Nailatikau na Lavenia Padarath, Asisten Minista Marieta Rigamoto na bek bensa Akanisi Koroitamana.

Ol ripot i tok Mista Speight i bin tok ol ken go fri long las wiken tasol ol i les. Mista Speight i tok ol kalabus lain i stap gut na ol i luksave long ol samting i kamap long dispela ku.

Ol i laik go fri, Mista Speight i tok tasol em no wokim samting yet long larim ol i go.



# Morobe Savings na Lon Sosaiti

## Stia tok "A2000" na kaikai bilong tingting

## Benk bilong Papua Niugini

### Morobe Provinsal Gavman

Morobe Provinsal Gavman em i was papa bilong Morobe Savings na Lons Sosaiti;

• Em i givim mani long Sosaiti long karimaut wok olsem:

(a) Peim ol wokmanmeri long lukautim wok bilong sosaiti.

(b) Peim Opis Rent bilong Sosaiti.

(c) Peim ol arapela ekspens bilong Sosaiti olsem ol pepa bilong opis, opis masin na ol tebol na sia.

(d) Peim wok long bringim wok bilong Sosaiti we bai i ken kamap klia long ol manmeri long asples.

(e) Gavman bai peim wok long bringim na kamap benk klostu long ol asples.

### Wok kamap long Sosaiti Stat long mun Mas 99 inap Mas 2000

Namba bilong ol memba long Ssoaiti 2,526

Sea mani ol memba bungim

K 802,000.00

Namba long ol dinau Sosaiti givim 1,671

Hap dinau mani stap long han bilong ol memba K 457,652.00

Strong bilong mani ol memba bungim K1.013,109.00

Sosaiti tokaut long wok bilong givim dinau:

Brukim ol dinau stat long man Jan 99 i go Mas 2000

(a) Ekonomik Developmen - 1020 lons K 371,365.00

(b) Sosel Developmen - 425 lons

Mipela ol Bod ov Dairekta bilong Morobe Savings na Lons Sosaiti i makim pinis Edukesen Komiti. Tripela dairekta na Pablik Rilesen Opisa bilong Sosaiti i kamapim ol memba bilong dispela komiti. Dispela komiti bai mekim na karim aut wok long tok save na givim stia long ol memba. Bai o i mekim dispela wok na yusim redio, niuspepa na TV na tu ol bai yusim stia tok "2000" niuspepa bilong sosaiti long toksave na tu skulim olgeta memba na ripot long Morobe

provins.

Edukesen komiti bilong sosaiti laik ol memba i mas kism stretpela na gutpela tok klia long wok sosaiti i wok long mekim long dispela taim stat long Mas 1999 i kam inap long Disemba 1999. Toktok bilong stretim tu bel o tupela tingting bilong sampela manmeri i stap tu long Stia Tok pepa wantaim tingting o plen bilong ol wok bai Sosaiti laik wokim long yia 2000 na ol yia i kam bihain.

### Projek na wok plen bilong yia 2000 na ol yia i kam bihain em long:

• Lukluk na bringim benk i go klostu long ol sosaiti memba isnait long ol wanwan distrik;

• Lukluk long helpim ol memba long helpim ol yet long kamapim na strongim wok long Sosel na Ekonomik Developmen long ol asples;

• Lukluk long skulim ol memba long stretpela pasin long ronim bisnis, bihainim pasin na astingting

bilong God hsuat i papa long olgeta hap graun na ol manmeri;

• Mekim moa wok long skulim ol memba long gutpela rot na stretpela pasin long kism na bekim dinau;

• Lukluk long helpim ol Sosaiti memba long kamap gut ol lkonomik projek bilong ol long Agrikalsa Komes na Bisnis Developmen.

### Toksave long wok bilong mani long mun Januari i go Mas 2000

#### Mani i kam insait

Memba putim sia mani

Memba bekim dinau Olgeta

K384,540.00

K116,576.00

K501,116.00

#### Mani i go ausait

Memba kism sia mani

Memba kism dinau Olgeta

K 79,572.00

K349,238.00

K428,810.00

### Ol polisi bilong seavings na lons Sosaiti

Hia em haphap polisi bilong Sosaiti long helpim ol manmeri husat i laik kamap memba.

#### Membasip

Membasip em i op long ol manmeri i stap long Morobe na ol manmeri bilong Morobe husat i stap long ol arapela provins.

• Fi bilong kamap

memba - K 2.00

• Mak bilong mani long opim nupela akaun - K20.00

**Toksave long Seavings**

• Memba bai kism pasbuk.

• Pe didaksen long ol wokmanmeri.

Kisim dinau long wanem as?

- Baim skul fi.

- Kago bilong tred stua.

- Baim kopra, kakao na kopi.

- Kisim pis.

- Ol samting bilong wokim haus slip.

- Ol kos bilong planim ol daiman.

- Ol kos bilong baim ol ka na trak.

- Wokim kakaruk banis.

- Ol kain samting bilong wok didiman.

- Bekim ol dinau.

- Baim meri na kos bilong marit.

- Dokta na marasin samting.

## Seavings na lons sosaiti i kirap bek gen

SAPOS yu wanpela olgeta memba bilong Seavings na Lons Sosaiti na yu ting olsem sosaiti ya i no inap long go het gen na operet long givim gutpela sevis long yu na ol arapela olpela memba, sori tru, yupela i mas tingting gut gen na kam bek long kamap memba wanpela moa taim.

Nau yet wantaim politikel sapot na tu sapot bilong bikipela PNG Benk, Seavings na Lons Sosaiti i kirap bek wantaim moa strong na bai givim moa gutpela sevis long yu. Na sapos sosaiti insait long wanpela yia tasol i kamapim pinis moa long K1.013milien taim em i bin kirap bek long stat bilong las yia (1999), dispela i soim olsem Seavings na Lons Sosaiti bai i go het na kamap bikipela moa long karim aut ol wok bilong en long ol yia i kam bihain.

Nau yet bihain long sosaiti i bin stat long operet insait long wanpela yia tasol, na bikos long ol gutpela sevis em i givim long ol membas bilong en, planti lain i laik save long dispela na i wok long kamap na joinim lain na bai ol i pulim lain yet long kamap memba bilong sosaiti.

Dispela em sampela toktok Jenerel Menesa bilong Seavings na Lons Federesen, Luke Polongou i bin mekim long taim Seavings na Lons Sosaiti i bin holim wanpela Dairektas na Menesmen woksoy long Bundun Konferens Senta insait long Morobe provins long mun i go pinis.

Mista Polongou i bin kam wantaim trening opisa bilong PNG Benk long Pot Mosbi. Tambua Kariko long sindaun wantaim ol Dairektas na Menesmen bilong Seavings na Lons Sosaiti insait long dispela woksoy. Mista Polongou i tok lukluk long wok bilong Seavings na Lons Sosaiti nau em long givim sevis i go long trangu ol lain pipel long grasrut level husat o i stap long viles na hauslain.

Em i tok planti taim taim trangu ol dispela grasrut lain, maski sapos ol i memba long ol bikipela komesel benk na aplai o askim long dinau mani, ol benk ya i save pasim ai na i no save givim helpim long ol. Na dispela em i wanpela samting we i save givim bikipela hevi tru ong ol dispela lain.

Mista Polongou i tok nau yet Seavings na Lons Sosaiti i kamapim pinis wanpela sistem em ol i kolim "Putim na Kisim."

Na dispela sistem bai i ken givim bikipela helpim tru long ol lain husat i kamap memba long sosaiti, maski sapos ol i grasrut lain man na meri na memba long Seavings na Lons Sosaiti, taim ol aplai na askim long kism dinau mani, ol bai kism tasol. Na Seavings na Lons Sosaiti bai i no inap pasim ai long ol.

Mista Polongou tok piksa na i tok "taim ol manmeri i kamap memba long Seavings na Lons Sosaiti na sapos ol i putim K200.00 i go insait long seavings akaun o pasbuk bilong ol na sapos ol i laik kism K200.00 dinau mani, dua em i op i stap we ol i ken aplai na kism isi tasol."

Em i tok ol memba bai i no inap kism hat taim moa long wanem Sosaiti bai givim dinau mani long ol, maski sapos ol i stap long siti, taun, viles o hauslain. Bikipela samting em sapos ol i kamap memba long sosaiti, sosaiti bai givim ful sapot na helpim bilong Papua Niugini.

Nau yet operesen i go het strong insait long bikipela senta olsem Lae siti (Morobe Seavings na Lons Sosaiti) na ol liklik distrik insait long insait long Morobe provins yet olsem Tewae/Siassi, Finsafen, Pindiu na Menyama. Mista Polongou i tok plen i stap pinis long sosaiti bai kamapim tu ol brens long ol provins olsem Is na Wes Nu Briten, Niu Ailan, Manus, Isten Hailians na Sauten Hailians.

Em i tok bihain long kamapim na strongim ol brens long dispela ol enta, sosaiti bai lukluk i go long ol arapela senta insait long ol arapela provins long kamapim na karim aut wok operesen long givim sevis long ol pipel bilong Papua Niugini.

Sampela toksave bilong Seavings na Lons Sosaiti long Morobe provins

Wok bilong Seavings na Lons Sosaiti i bin stat long yia 1964 we wanpela bikipela benk bilong Australia em Risev Benk of Australia i bin givim helpim long kamapim.

Long dispela taim Seavings na Lons Sosaiti wok i bin kirap na kamap bikipela tru i kam inap long 1970's.

Mekim olsem na taim Morobe Provinsal Gavman man i lukluk bek na luksave olsem wok bilong Seavings na Lons Sosaiti i ken helpim tru ol man na meri long provins. Na bikos long dipela strongpela tingting bilong Morobe Provinsal Gavman long ol manmeri long ples (viles na hauslain) husat nogat rot long kism ol helpim long ol benk, ol i bin salim ol representativ i go na bung wantaim ol opisals bilong Benk ov PNG na i bin putim toktok wantaim ol. Na ol pasim tok na wanbel long kamapim wanpela nupela Seavings na Lons Sosaiti bilong ol Morobe pipel. Na ol i kolim dispela sosaiti olsem "Morobe Seavings na Lons Sosaiti."

Astingting bilong dispela nupela sosaiti em long helpim ol memba long sevim gut ol mani na lainim long gutpela pasin bilong kism na bekim hariap dinau mani.

Nau yet gavman i gat strongpela tingting olsem, dispela kain wok em bai bringim planti helpim long rot bilong kism mani na kamapim gut sindaun bilong ol manmeri.

wanwan sosaiti yet na bod ov dairektas bilong ol

Pundaun bilong ol olpela sosaiti long Morobe provins na PNG i bin i stap long han bilong menesmen bilong ol yet Mista Basanu i bin askim Benk ov PNG long pasim olgeta sosaiti long Morobe provins long 1966, ol olpela Seavings na Lons Sosaiti long Morobe provins bai stat long yia 2001.

Dispela em bai namba tu hap bilong kirapim nupela sosaiti na stretim ol olpela sosaiti long provins. Namba wan hap bilong dispela projek em nau Morobe Seavings na Lons Sosaiti i sanap pinis na mekim wok. Olsem na ol memba bilong ol olpela sosaiti na husat i wok long i gat tu bel long kamap memba bilong Morobe Seavings na Lons Sosaiti i noken sutim nating tok long Mista Basanu na Mista Passingan long bagaram pim wok long ol olpela sosaiti.

Ol dairekta yet na ol memba husat i no bin bekim dinau bagaram pim wok bilong ol olpela Seavings na Lons Sosaiti.

### Pasin bilong seavings

As wok bilong Morobe Seavings na Lons Sosaiti em long kirapim tingting na helpim yu long sevim mani. Na sapos yu wantaim famili bilong yu i bungim o painim sampela hevi, dispela mani yu sevim i ken helpim yu taim hevi i kamap. Ol kain samting olsem skul fi bilong pikinini na haus sik na ol marasin na wok bisnis o haus slip em yu laik stretim ria kamapim gut.

Dispela kampani yu wok long en inap helpim yu long katim pe long olgeta insait na salim stret long sosaiti.

Ol wokmanmeri bilong sosaiti bai i ken givim yu stia na gutpela tingting long sevim gut mani bilong yu. Wanem mani yu laik putim long sosaiti em stap long laik na tingting bilong yu yet. Gutpela pasin na tingting em long redim yu yet long kainkain hevi we bai i ken kamap long yu long bihain taim.

Morobe Seavings na Lons Sosaiti em i no benk. Em i wok bung tasol bilong ol manmeri husat i memba.

#### Dinau

Ol memba husat i soim gutpela pasin long redim em yet, em tasol inap long kism dinau mani long sosaiti. Hamas dinau memba i laik kism em i wan kain tasol long seavings memba yet i bungim pinis long sosaiti. Yu noken takewe sea na seavings bilong yu. Kisim tasol dinau na bekim long mak yu ting yu inap. Larim seavings bilong yu i wok long sosaiti na yu i ken kism dividen o win (interes) mani.

Interes o liklik pe bilong bekim dinau em wan posen long wanwan mun. Bilong wanwan yia em i 12 posen (12 posen).

Nau yet Mamba Seavings na Lons Sosaiti i wok long givim planti helpim i go aut long ol pipel husat i wok long kamapim ol gutpela projek long ol komyniti insait ong Morobe provins. Ol helpim olsem lukautim na kamapim ol laipstok samting olsem kakaruk na pik, helpim i go long liklik tred stua na tu sapotim long kamapim wanpela skul projek.



• Tupela bikman bilong Post Courier niuspepa kampani i holim mak o sain we i makim nupela trening haus bilong ol niusman ol i kolim bihainim nem bilong biknem na wanpela longtaim niusman bilong Papua Niugini, Luke Sela. Ol i kolim dispela trening senta em Sela Haus. Luke Sela yet i sanap long beksait (namba tu, raithan) klostu long Gavana Jenerel bilong Papua Niugini Sir Silas Atopare.



• Wanpela bikman i soim ol bek em i bungim. Em wantaim ol lain bilong em i wasim ol bek long yusim long karim ol samt-ing long en.



• Memba bilong Raikos Stahl Musa i givim setifiket bilong smol bisnis woksop i go long wanpela longtaim kaunsila bilong Madang provins. Dispela woksop i bin kamap long Saidor long mun Februari. Poto BEN TAUMAI




• Kanage i soim eksen bilong em taim em i stap insait long wanpela pilai bilong skul long Gordon Sekenderi Skul long Mosbi dispela yia. Stail bilong Kanage i mekim planti manmeri i lap i dai na amamasim tru dispela bik de.



• Ol wokman i go het yet long stretim ol fom na tebol long Gordens maket. Gordens maket em bikpela maket long siti bilong Mosbi na i save salim ol kain kain kaikai i kam long hailans na ol Sentrel provins. Poto ISSAC IKUAVI



• Ol yangpela skul meri long Bereina i sanap lain long hangamapim flawa long nek bilong ol bikman olsem Gavman Minista na ol ovasis lain husat i kamap long Bereina las mun long opim bikpela haiwe rot ol i kolim Bereina Malalaua rot. Poto WENCESLAUS MAGUN.



# Gras trikim Masalai

tambuim i no i stap olsem em i banisim na em i kirap na rausim olgeta samting bilong man hia i banisim pinis na em i banisim gen pinis na em i go. Tupela i wok long mekim olsem tasol i go na kapiak hia i nau pinis. Na wanpela taim long moning taim tru man i kirap na i go long kisim kapiak.

Bipo tru wanpela man i stap na long moning taim tru em i kirap na em i go limlimbur long bus. Em i raun i go long wanpela diwai kapiak i pulap nogut tru long ol pikinini kapiak klostu i laik mau. Em i lukim olsem na em i katim ol lip bilong saksak na em i banisim gut tru dispela diwai kapiak pinis na em i go long ples.

Na nau dispela diwai kapiak em i bilong wanpela tewel i save lukautim. I no bilong man hia. Na taim man ya i go pinis long ples, tewel hia i kam lukluk long kapiak bilong em. Na em i kirap nogut long lukim olsem i gat man i bin banisim pinis na i putim tambu long en. Tewel hia i belhat nogut tru na em i rausim olgeta samting em man hia i bin banisim long em.

Na em yet i katim nupela samting na banisim gen na i go. Na tupela de i go pinis na man hia i kam bek na em i lukim olsem ol lip bilong saksak i no i stap olsem em i banisim bipo. Em i bel hat nogut tru na em i rausim olgeta samting em tewel hia i bin banisim na em i katim nupela samting gen na banisim gut pinis na em i go long ples.

Bihain tewel hia i kam bek na em i lukim ol samting em i bin

long het bilong yu.

Na tewel hia i harim olsem na em i katim olgeta gras i stap long het bilong em i mekim kela olgeta. Taim tewel i mekim olsem, man i pinis. Na i gat las wan tru i stap antap tru long het bilong kapiak. Em i kisim pinis na em i mekim singsing long dispela pkinini. Na tewel i lukluk i go antap na i laik askim em. Nogat. Man i troimoim dispela kapiak i kam daun klostu long ples tewel i stap long en. Na kapiak hia i ron i go. Na tewel hia i ting man hia i ranawe. Na em i kirap na ran bihainim dispela kapiak i go.

Man hia i lukim olsem na wantu tru em i kam daun na bungim olgeta kapiak hariap pinis na em i kisim na ranawe i go long ples bilong em. Tewel i raunim dispela kapiak i go na em i popaia.

Em i bel hat nogut tru long wanem na hia i bin trikim em. Em i tanim bek na bihainim man hia gen. Tasol na hia i kamap pinis long ples na tewel hia i go arere long ples na em i kam bek. Em tasol.

**Xavierius Peter Maprik**  
Is Sepik provins



## Mi wari na mi laikim helpim

marit yet, marasin o rot long abrusim karim pikinini em dispela we yu wok long yusim, na em long tok nogat long slip wantaim man.

Karim bel i no wanpela samting tasol bai yu wari long en, nogat. I gat pret long kisim ol sik nogut olsem gonoria, sifilis na HIV/AUDS sapos boipren bilong yu i gat planti ol arapela gelpren we em i save slip wantaim.

Yu no inap save long ol arapela gelpren bilong en na em tu i no inap long tokim yu. Olsem na long yu i no bungim birua o kisim ol kain sik em long tok nogat tasol taim em i askim yu long slip wantaim em.

Narapela samting tu long tok nogat bipo long marit em sapos tupela i no redi gut, meri bai i kisim tru taim na em bai ino inap amamas. Sapos meri i bin fos long slip wantaim man long namba wan taim na em no amamas, dispela i ken spoilim laik bilong em.

Tru ol man i save laik slip wantaim ol gelpren bilong ol tasol planti i laik maritim ol meri we i no slip wantaim man pastaim. Sapos boipren bilong yu i bin slip wantaim yu tasol i no laik maritim yu, long bihain taim bai yu painim hat bikos ol arapela man bai no inap laik maritim yu.

Sapos yu wanpela Kristen, yu bai save olsem Baibel i givim skul olsem man na meri ino ken slip wantaim man inap ol i marit. I no olsem em i rong o i gat samting nogut long slip wantaim tasol bikos pasin bilong slip wantaim em olsem serim na givim wantaim narapela we yu gat bikipela laik long en na em i lukim yu long wankain rot. Na i gutpela moa sapos tupela pipel i wokim promis long stap wantaim na serim laip na laik bilong ol wantaim long pasin bilong marit.

Ol dispela tingting inap long strongim oilip bilong yu na yu ken strong moa yet long tok nogat long en tasol i no min olsem boipren bilong yu bai bilipim ol samting yu tokim em. Bai yu wokim wanem samting long soim olsem yu laikim boipren bilong

Ating yu ken maritim em. Taim yutupela i marit bai yupela i serim laip wantaim, bai yu no inap moa long tok nogat long en na yu bai amamas tasol long slip wantaim man bilong yu. Tasol pastaim, yu ken pilim olsem yu no redi yet long marit tasol yu laik save gut long en pastaim.

Sapos yu laikim gutpela man long maritim, i gat planti samting we yu mas tingting gut long ol pastaim. Olsem sapos famili bilong en bai laikim yu o sapos famili bilong yu bai laikim em. I gat sampela samting we yutupela i save laikim? Yutupela i save laik stap na mekim ol samting wantaim? Man ya i gutpela na i save sori long ol arapela? Em bai lukautim gu? yu na ol pikinini long bihain taim?

Slip wantaim i no rot long painimaut ol dispela samting. Laik long slip wantaim i ken strong moa winim dispelas we tingting bilong yumi i tokim yumi long en i gutpela.

Sapos yu stat long slip wantaim boipren bilong yu, yu bai pilim olsem yu meri tru tru bilong en na yu no inap long mekim kliapela tingting sapos em i raitpela man bilong yu.

Las long en, yu ting em i gutpela long go long rum long boipren bilong yu olgeta nait? Sapos olsem wanem, em i min olsem yutupela i save holim pas na kaikai maus tasol taim yutupela i stap wantaim long rummya.

Sapos man i no askim yu long slip wantaim em. em i min olsem samting i rong wantaim em. Na sapos yu skruim go het yet long rum i no longtaim na samting bai kamap. Sapos yu no laik slip wantaim em, i moabeta long yutupela i bung long pablik ples.

Noken tingting tasol long amamasim em tasol i moabeta yutupela i toktok long ol arapela samting we yutupeia i ken wokim na stap amamas wantaim.

Dispela i min olsem luksave long wanpela arapela na lukautim gut wanpela arapela.



**Nem:** Kuris Gibob  
**Krismas:** 19 (man)  
**Adres:** Ragiampun village, P O Box 3618, Lae, Morobe province  
**Save laikim:** Harim gospel musik, go lotu long Sarere, go pilai soka, volibal, mekim pren wantaim ol narapela na senisim samting

**Nem:** G. N. Kaiapas  
**Krismas:** 35 (man)  
**Adres:** P O Box 1993, Lae, Morobe prvince  
**Save laikim:** Go lotu na serim Babel na painim pen pren long narapela provins long PNG.

**Nem:** Carl Sissinda  
**Krismas:** 19 (man)  
**Adres:** Aitape Vocational Training Institute, P O Box 34, Aitape, Sandaun province  
**Save laikim:** Pilai spot, go lotu, harim PNG musik, go skul na rait i go I kam.

**Nem:** Jeffrey Mays  
**Krismas:** 23 (man)  
**Adres:** Ramu Sugar Ltd, P O Box 2183, Lae, Morobe province  
**Save laikim:** Pilai hos res, ragbi, gita, go lotu na singsing lotu.

**Name:** Lodefikus Kangim  
**Krismas:** 17 (man)  
**Adres:** North Monfort Primary School, P O Box 42, Iowara Camp, Western province  
**Save laikim:** Pilai futbol, volibal na stap insait long wok bilong ol sios ektiviti.

**Nem:** James Kombo  
**Krismas:** 20 (man)  
**Adres:** Kautu Division (2), P O Box 451, Kapiura, Kimbe, WNB  
**Save laikim:** Go lotu, lukim EMTV, harim tok bilong papamama na painim poroman long narapela provins.

**Nem:** Willie Barnabas  
**Krismas:** 23 (man)  
**Adres:** Garu Plantation Division 2, P O Box 26, Kimbe, WNB  
**Save laikim:** Harim gospel musik, stap long na kukim kaikai, serim Baibel wantaim ol narapela lotu na mekim pren wantaim olgeta yangpela.

**Nem:** Natau Popon  
**Krismas:** 17 yrs old (male)  
**Adres:** Vanimo Provincial High School, P O Box 122, Vanimo, Sandaun Province  
**Save laikim:** Laik kamap wanpela pailot, ragbi, go long sios na raitim pas.

**Nem:** Maik Gainim  
**Krismas:** 30 (man)  
**Adres:** MDC, P O Box 667, Madang  
**Save laikim:** Mekim pen pren, painim, meri long maritim, pilai soka, go danis, pilai gita na wok mani long nupela laip.

**Nem:** Seth Amdah - Donkoh  
**Krismas:** 21 yrs old (male)  
**Adres:** Highfield Avenue 124, P O Box BJ 92, Awutu Bawjiase C/R, Ghana, West Africa  
**Save laikim:** Pilai spot, kalsa, histri, piksa na musik.

**Nem:** Emmanuel Azu Mensah  
**Krismas:** 35 yrs old (male)  
**Adres:** P O Box BJ 72, Awutu Bawjiase C/R, Ghana, West Africa  
**Save laikim:** Lukluk raun long narapela hap, pilai, rit na rait.

**Nem:** Paul Domi  
**Krismas:** 18  
**Adres:** P O Box 4645, Boroko, NCD  
**Save laikim:** Wokim pren, raitim leta, lukim nupela ples, ritim niuspepa na tok pilai.

**Nem:** Beli Kulpex  
**Krismas:** 19 (man)  
**Adres:** Bulal Vilis, P O Box 521, NCR, Madang  
**Save laikim:** Go lotu, tok pilai, pilai soka na boskru long ka na draivim ka.

LAIPPLAIN



**LAIPPLAIN**

### Dia laipplain

Boipren bilong mi save askim mi long slip wantaim em olgeta nait taim mitupela i stap long rum.

Tasol mi save tok nogat long en long wanem mi pret nogut mi bel. Em i save laik tru long slip wantaim mi na em no save wanbel taim m les.

Maski mi laikim em, mi no save laik slip wantaim em na dispela i mekim em wari na em i tok mi no laikim em tumas.

Bai mi mekim wanem samting long amamasim em?

### IN DOUBT

#### Dia Pren

Long bekim askim bilong yu, isi rot long mekim boipren bilong yu amamas em long harim tok bilong em na slip wantaim em. Tasol yu no laikim dispela.

Boipren bilong yu i mas tokim yu long watpo na em i laikim yu long slip wantaim em.

Bai mipela i givim yu sampela as watpo na yu noken. Tasol tru tru, save i stap wantaim yu long mekim disisen bilong yu long dispela samting.

Namba wan em samting yu toktok pinis long en olsem nogut yu bel, em i tru. Yu mas save long sampela rot bilong bihainim long stapim ol meri long bel. Olsem kisim marasin. Tasol long wankain taim tu planti meri husat i save kisim marasin i save bel yet. Long tupela yangpela man na meri i no



• Lephon: Ol sampela niusmanmeri bilong Papua Niugini na ol Pasifik kantri i bin sindaun long wanpela wan wik kos bilong wok nius ol i kolim Sab Editing kos long las wik.

• Aninit: (lephan) Gavana Jenerel bilong Papua Niugini Sir Silas Atopare na Sir Brian Bell (raithan) i katim rop long opim Sela Haus long Post Courier opis las wik. Dispela em haus bai trening senta bilong ol niusmanmeri insait long Papua Niugini na ol Pasifik kantri tu wantaim. Poto ISSAC IKUAVI


• Aninit lephan: Piksa i soim nupela PNGBC beng long Lae top taun. Ol i rausim olupela na nau nupela haus i kamap kisim ples gen. Poto SAPE METTA.



• Raithan: Biknem ragbi pilaia bilong Melbourne Storm long Australia Marcus Bai i laitim paia bilong Olimpik Tos raun wantaim Praim Minista Sir Mekere Morauta las mun taim ron bilong Olimpik Tos i bin kamap long PNG long biksiti Mosbi.



• Antap: Wanpela kalsarel grup long Galp provins i bin putim kamap ol pilai na singsing danis long makim bikpela open de bilong Bereina Malalaua rot taim Praim Minista Sir Mekere Morauta i go opim long las mun. Poto WENCESLAUS MAGUN.



• Raithan: Dispela gavman ka i bungim bikpela bagarap tru long rot namel long Bulolo na Watut long dispela yia. Em i kapsait we piksa i soim bikpela bagarap tru. Laki na draiva i no kisim bagarap. Poto JOE KANEKANE





# KANAGE

"Em nau, narapela wik bilong mi ken"



**K**anage em bilong Sepik Wara long Angoram stret. Na em save sekuriti long Angoram Helt Senta. Man em i no yangpela man, lapun ya tasol pes bilong tromoi tok pisin na kain ol eksen nogut long ol mama save kam kism marasin. Em save ekting olsem A.P.O stret taim ol i no stap, em save givim sut na marasin long ol sik meri. Ol man em save les. Na taim ol kros long em, em i no bisi pes tu bilong tromoim tokpisin na kolim belhat bilong ol man. Wanpela fotnait wik Fraide, em wok nait pinis na long Sarere moning em go long Angoram maket. Ai bilong em tu wok long slip na em tu em pes bilong kaikai tapiok mumu stret. Na em lukim wanpela pes bilong haiwe i salim tapiok mumu stap. Na em askim em. "Susa amamas long mumu tapiok bilong yu." Na em tok K1.00 tasol na Kanage tromoi han long poket long kism K1.00. Tasol boi i kamautim midnait kauboi long poket na tromoi long kism mumu tasol em lukim hariap na tok sori long susa ya na tok. "Em save was taim mi hangre long nait." Meri ya kirap na tokim Kanage, yu go kaikai wantaim, olgeta gumi na daunim go long bel.

**Bench Hem Angoram**

Kanage bilong Chimbu na em save wok olsem wanpela foremen bilong boila long Pukpuk fam long 8 Mail. Wanpela taim em wok i stap na tingting bilong ples i kism em. Em tingim tambu bilong em, em wokabaut i go long haus na tokim meri bilong em. "Mi go long opis, mi laik ringim tambu bilong mi long ples." Taim em i go long opis liklik bebi bilong em i karai. Kanage kism liklik bebi wantaim na go long opis. Taim Kanage i go sanap long ai bilong waitman, waitman ya i lukluk strong strong long Kanage na askim em yu gat wari. Kanage tokim bos inap mi ring, waitman ya tokim em telipon i stap. Kanage wantaim bebi bilong em i stat long ring. Taim Kanage ring i go na tambu bilong em bilong em toktok wantaim em tupela mekim save toktok i go, kam amamas nogut tru tokples pinis anting em holim bebi bilong

em long rait han bilong em, taim tupela toktok yet bebi bilong Kanage sem taim pekpek i kam daun. Kanage lukim olsem taim telipon i stap yet long maus bilong Kanage em kirap na tokim bebi bilong em, yu stupit. Taim tambu bilong em harim olsem, em mas ting olsem tambu Kanage i mas krosim mi ya. Em lusim telipon na go long haus

na tingting mi toktok gut wantaim Kanage, mi no pinisim gut toktok yet na em tok stupit long mi. Kanage tu em wari nogut tru na lusim opis na wokabaut i go lusim bebi long haus.

**Samuel Malasan Aloyse Lae**

Kanage em bilong Ramba rot long Mt Hagen. Wanpela taim em wantaim poro bilong em pikim kopi na kism mani na stap long ples. Long wanpela fotnait wik Fraide, wanpela skul tisa i kism mani na laik go pilai kas wantaim Kanage na poro bilong em. Taim bilong pilai poro bilong em wantaim tisa i pilai kas na Kanage i stap boskru long poro. Pinis bilong pilai tisa i lusim olgeta mani bilong em. Taim tisa laik go em askim K2.00 tasol long poro bilong Kanage long baim bas bilong em long go long haus. Em askim faiv-pela taim na poro bilong Kanage no givim na tisa i tok, "Anyway forget it," na em kirap na go. Poro paul na tingting planti i go na askim Kanage. Kanage kirap na tokim poro olsem yu wanpela pik long ples. Tisa krosim yu nogut long tok Inglis na yu no laik bekim sem toktok long em. Poro i belhat na siksti i go na tokim tisa olsem, "Anyway forget it" Na tisa i lap na tekov.

**Michael Pato Wimp Mt Hagen**

Kanage em wanpela boi Kandrian. Wanpela taim em i kism Airlink balus i kam pundaun long Hoskins eapot. Orait em i kism bas rut 3 na tekov i go long Kimbe. Trangu em pes taim tu ya long lukim taun olsem na em i go insait long haus kaikai i stap. Na yu sawe plawa pis i swit na Kanage i kaikai i go na Kanage i laik kism dring long dring. Na han bilong em i wokim na traipela hap pis plawa i pundaun na baga i lukluk long ol meri save wok ong haus kaikai, nau isi isi tru han bilong baga i go daun long kism hap pis pundaun na ol meri i wok long haus kaikai i singaut. "Papa just leave it alone." Na baga i tok ples liklik long em yet. Na meri ya i tok Inglis na askim paps, "Can you repeating you question again.?" Na baga i kros nogut tru na em i kaikai tit bilong em na em i tokim meri ya long bruk Inglis na

em i tok, "Hey! Hey! susa you know that I am coming with leaves of Malas. Na meri ya i tok "Your face looks like Malas." Na Kanage i kism hi-filings na em i tokim ol manmeri insait long haus kaikai olsem. "Meri i mas dai pinis long mi ya," na em i small na tekov.

**Paul Kumbo Kandrian**

Junia Kanage em bilong Simbu. Em i save go skul tasol em i no save long wanpela samting. Krismas holide i klostu pinis nau na paps Kanage i tokim junia olsem. "Yu mas brukim het bilong yu long dispela ya." Na junia Kanage paul na ting bai em brukim het bilong em tupela hap Wanpela moning em kirap na kism naip na katim het bilong em na em dai olgeta. Meri bilong Kanage kirap na ronim Kanage long haus.

**Jeremi Nelson Hoskins**

Kanage i bilong hap long Ningerum long Kiunga, Westen provins. Wanpela taim pikinini meri bilong Kanage i go long stoa na baim wanpela bik sista cake rot lin na karim i kam long haus. Em opim na kaikai pinis wantaim ol arapela susa bilong em. Meri bilong Kanage i kam laik tok hey pikinini hap bik sista i kam. Tasol nogat em abrus na em tok. "Hey pikinini hap bik mada i kam." Hariap tru tasol paps Kanage bikmaus na i laik tok. "Olgeta taim yu save askim long pikinini bilong mi ya," nogat em abrus na tok, "Hey yu flai olgeta taim yu save blak aut long pikinini meri bilong mi." Taim ol meri pikinini bilong paps Kanage harim, ol i kilim skin stret long lap.

**Oscar Sendruy Kiunga**

Kanage em man bilong Siporavai, Tinputz. Em i marit na i gat 12-pela pikinini olgeta. Long 60s na 70s em i wok olsem man bilong karim toksave i go insait long bikbus taim koloniel gavman i go gen long ol ples i stap insait long bikbus. Yu save, taim kiap bilong bipo i tok wanem, yu noken bikhet, maski ren o nait yu mas go yet. Nogat bai ol i kilim yu o senisim pes biang yu. Paps Kanage i tingim dispela na em i go. Yu save, papa Kanage i man bilong pret tu ya. Orait em i laitim wanpela bombom na i wokabaut. Rot we em i wok long bihainim i go olsem long matmat. Em i wokabaut i go, dispela taim tu tambu bilong em i wok long kam bihainim dispela rot. Taim Kanage i no kamap long matmat, tingting i kism tambu bilong Kanage olsem em i laik pilai long dispela na i wokabaut i kam, tasol tambu bilong em i no save olsem dipela man i kam em tambu blong em

Kanage Orait tambu bilong Kanage i ron i go insait long matmat na stat long kraik olsem wanpela tewel. Kanage i harim na pret liklik tasol yu save kiap i tokim em long karim dispela tok save i go na bin tokim em olsem em mas noken kam bek nating olsem na maski em i pret, em subim het na wanbel long i go yet. Bihain taim tambu bilong Kanage i lukim olsem man i wokabaut i kam klostu long ples matmat, em i stat kraik gen olsem wanpela masalai. Kanage i tingim ples matmat na i stat long singsing isi long hatim pret. Tambu bilong Kanage i kraik gen. Kanage nau i stat long kraik bikpela nau long ples matmat stret. Tambu bilong Kanage i kraik gen, oloman! Kanage i singsing bikpela long karamapim pret. Bihain lusim matmat liklik, em harim kraik bilong masalai gen. Oloman! Papa Kanage ya pinisim olgeta spit bilong em stret i go kamap long ples na dai stret long ai bilong haus.

**Titus Varims Tinputz**

Kanage em i wanpela top referi bilong Pot Mosbi lig. Long wanpela taim ol i hairim em long pilaim wanpela sempionsip long Aitape. So em bin wokim wok bilong em gut tru long dispela taim. Tasol i no long taim pilai pinis na Kanage i go sanap na kaikai ret buai i stap. Kirap nogut wanpela yangpela meri i kirap na paitim em long sait na ai filings i kism Kanage na em ting em i autim wanpela meri Aitape pinis. Em tanim bek na laik aigris long meri ya tasol meri Aitape kirap na tromo han long pes bilong Kanage na bikmaus long em olsem, "olgeta disisen yu mekim long fil em wansait tasol. Yu ting mipela i amamas long referi bilong yu. Yu mas wanpela referi long rot na ol Mosbi giaman kism yu i kam long wansait tasol ya". Turangu Kanage i sem nogut tru.

**Kanage Pren Aitape**

Kanage bilong Simbu insait long Sinasina na em wanpela ekt- ing bikman. Tasol trangu Kanage i no kism wanpela wok long Simbu. Olsem na Kanage i painim wok i kam daun long Lae. Kanage painim wok long Lae olsem 3-pela mun olgeta. Kanage i nogat mani tu. Na Kanage i wok long tingting planti. Wanpela taim long bikmoning Kanage i slip kirap long Mambu Taven na i wokabaut i go isi isi olsem sneil i go daun long Voko Poin. Long hap Kanage i sindaun long wanpela bikpela Karanas na lukim solwara i slip sori na Kanage i tingting planti nau bai mi i painim wok long hap. Kanage i kwik taim sut stret long wanpela smatpela meri swit Finsafen na taim swit Finsafen i

lukim Kanage. Kanage kotim lewa bilong em yet. Kanage i wok long tingting planti long swit Finsafen na lusim voko poin. Taim Kanage i lusim voko poin Kanage painim bubu bilong em i wok long 8 Mail Pukpuk fam. Kanage kirap nogut tru na holim pas wantaim bubu bilong em na kraik wantaim nogat ai wara pundaun long ai bilong Kanage. Bubu i tokim Kanage olsem kampani i nidim wanpela wokman long Boila. Bubu i tokim Kanage kwik taim yu mas kam antap long Mande moning Kanage wok long 8 Mail Pukpuk fam olsem 4-pela mun olgeta na i no raun moa olsem bipo

**A.G. Kurax Simbu**

Kanage em i bilong Aitape long liklik ples bilong em long kona bilong Aitape Ailan. Na em i wanpela wokman bilong kakao plente-sen Long wanpela taim kasen bilong Kanage i bin bagarapim susa bilong Kanage. Orait Kanage i bin kotim kasen bilong em na tupela i bin kamap long gret 5 kot. Taim ol i sanap long kot ol i painim papa Kanage tasol paps ya i gat planti wok long mekim olsem na bikpela brata bilong Kanage i kamap long kism ples bilong em long kot wantaim liklik kasen brata bilong em. Na em i dres olsem wanpela loya stret na i putim wanpela blakpela nektai. Tasol trangu ya i hariap long i go long kot na i no save olsem blakpela nektai ya em blakpela let bilong em pasim trausis.

**Kanage Pren Aitape**

Kanage em bilong Nimbu kantri long Aitape. Em i save dresap olsem wanpela wokman na i save raun long Aitape taun. Samting tru em wanpela get 3 dropout. Wanpela moning Kanage i stap insait long rum na wok long rausim mausgras bilong em na redi long go long taun. I no long-taim na ren i pundaun. Man Kanage em belhat nogut tru, long wanem em i laik spin liklik long taun. Em stap yet long rum na wanpela dyna ka i spit i kam na kilim wanpela pik na brata bilong Kanage i kirap na bikmaus long draiva. I no long taim papa ya surik isi tasol kamdaun long haus na tok olsem, aiyo draiva em i orait taim bilong ren na ka i lenslaid na crash and destroy the pik. Yu save pasin bilong ol lapun ya maus i abrus liklik tu ya.

**Kanage Prendo Aitape**

Kanage bilong Simbu. Kanage em wanpela boila wokman. Kanage wok insait long Pukpuk Fam olsem 5-pela yia olgeta.

• I go moa long pes 26

CATCH the ACTION!

SP CUP

OUR GAME

SP CUP

# KANAGE

"Em nau, narapela wik bilong mi ken"



## • I kam long pes 25

Taim bilong wok insait Mande tu Fraide Kanage save visitim femili olgeta 30 minit. Kanage save wari tumas long pikinini boi bilong em, olsem na sampela taim Kanage save tok pilai wantaim femili. Kanage save em yet i boila na i no save wari tumas long wok bilong en. Bikos em ting olsem em yet i bos. Wanpela taim long potnait Fraide. Kanage i dresap na em werim waitpela baten siot wantaim longpela balito trausis. Bihain long dispela Kanage i karim pikinini boi bilong em long nek bilong en. Pikinini boi i no werim wanpela laplap long pasim liklik as peks bilong en.

Kanage i laik go bungim ol wantok i stap long Kundiawa so kwiktaim Kanage wantaim pikinini boi i stap long nek na tupela i go long opis. Long opis Kanage i bungim wantok na wantok i holim telepon. Tupela Kanage i tok go kam. Kanage i no pinisim tok yet na kwik taim pikinini tromoi peks wara antap long waitpela siot na bodi bilong Kanage i wet nogut tru. Kwik taim Kanage i tok nogut na dropim pikinini i go daun long floa. Wantok long Kundiawa ting olsem Kanage i tok nogutim em.

Olsem na em tu dropim telepon. Sam taim waitman i lukim Kanage i tok nogut long telepon na tu yelopela peks pundaun long floa. Dispela taim Kanage i luk pipia olgeta.

### Ambane Gigs Kuraxs Simbu

Kanage em bilong Simbu wantaim poro bilong em Kura tupela i save raun wantaim, slip wantaim na kaikai wantaim.

Wanpela taim ol meri salim tok long karim lek na kanage wantaim poro bilong em Kura tupela i go waswas na bilas kanaka na redi i stap. Kanage pilim pekpek na em i go rausim taget hapim i go antap na pekpek. Man ol meri i stap long apsait maunten na lukim Kanage wantaim bilas bilong em na ol i singaut na tok aia, man Kanage lukim ol na em i sem pipia stret wantu em i kam long haus na tokim poro bilong em olsem, bilas bilong yu i kam na mi bilas na bilong mi bai yu bilas na Kura kirap rausim na givim long kanage. Na ol meri i no pikim Kura ol i tingim bilas bilong Kanage man Kura ino karim lek, Kanage bagarapim Kura stret long bilas.

### Womkama Simbu

Kanage em bilong Sinmbu provins, Gembogl distrik long Womatne ples. Wanpela taim Kanage wokabaut long maunten na lukim ol meri i laik waswas long wara Simbu na ol i kam daun long mauten. Kwik taim bos Kanage kirap na kukim i kam daun na blokim rot na em i katim

bus na wokim nupela rot hariap tru na em i weit istap. Nau ol meri i kam na Kanage kirap tokim ol olsem, aste nait ol mangi stilim kopi long gaden olsem na mipela pasim rot ya na mi wokim nupela rot istap. Yupela i kam long nupela rot na igo nau ol meri i kam i go pinis na wanpela meri kam bihain tru bos Kanage kirap na tok olsem long em olgeta meri i kam na kaikai mi na ol i go yu kam opim maus bilong yu na kaikai pastaim na yu go. Trangu meri ya i kam hopim maus na kaikai na bagarapim Kanage stret. Bos kanage i ai raun na em i dai olgeta.

### Kugi Indaun Simbu

Kanage em i man Simbu bilong Gembogl. Wanpela taim em wantaim poro bilong em Kura, tupela laik karim lek long haus meri na tupela i go kamap long wanpela wara i tait tumas na Kura i tokim kanage, wara i tait tumas rausim taget na malo bilong yu i kam mi bai kisim i go pas na putim long hapsait long ston bihain yu kam na kisim. Na Kura em i swim i go long hapsait pinis na em i kisim taget bilong Kanage na tekov i go long haus meri pinis. Na em i tok olsem long ol meri, mi save go long em ol sanguma i save bihainim mi tumas. Nau mi kam-long em ol bai i kam kilim mi ya na pasim dua na kukim taro. Kanage i kam painim taget i go nogat. Em i ting Kura bai weit long hapsait na Kanage em i siksti tru i kam tasol Kura em i kam stap long haus meri. Kanage i harim Kura toktok i stap nau Kanage i kam isi isi na tok Kura na Kura harim long balus i stap na em tokim wanpela meri i kam

harim long blain na u Kura kirap na tokim ol sanguma i kam long kilim mi ya. Laitim bombom nau ol meri i singaut na laitim bombom i go outsait. Na turangu Kanage i bin kalap long salat gaden na salat i kukim em long pes i kam daun long liklik kKanage ya. Sore tru liklik kanage na bikpela kanage tu i bagarap tru wantaim na tupela slip long Gembogl hausik olsem wan mun olgeta. Man, Kura bagarapim Kanage stret.

### Kugi Indaun Womatne Simbu

Kanage i go raun long taun na putim ai long ol meri i stap na i no long taim wanpela meri Sepik i kam bungim em. Na tupela i raun i stap. Olgeta kona long taun i pinis nating. Tupela i laik bruk nau, Kanage i askim meri ya, "Yu bilong wanem hap stret ya?" Na meri ya kirap na tok, "Mi bilong Saut Pasifik. Na yu? Na Kanage kirap na tok, "Mi bilong Guam ya, ples bilong ol waitman." Samting tru em meri ya em Sepik ya na brata Kanage ya em bilong Buang insait long Mumeng, Morobe provins.

### Anuaya Jembok Lae

Kanage em bilong ples Sumo, Aitape Sandaun provins. Em i wanpela top hanta. Wanpela taim em i karim bunara, spia na em i go raun long bus. Em i go long ples i gat maunten na em sindaun stap. Em i sindaun stap i go inap samting olsem 7 kilok. Em nau lapun Kanage i pilim nus bilong em i kol na em stat long rolim brus.

Na em werim sotpela spotwe na em i sindaun i stap. Baga ya i

kilim skin long ronim brus na em i sindaun long rot bilong rat bai i kam na go daun long tamblo. I no long taim wanpela rat i ron i go stret long trausis bilong lapun Kanage. Man, baga ya i pilim olem rat ya i go insait long trausis bilong em. Man Kanage i no westim taim, em i kirap kalap kalap, na tromoi smuk wantaim pepa na kapsait nambaut. Na em paitim trausis wantaim mama bol bilong em na em i kisim taim stret. Na rat ya kalap isi tasol i go daun na em tekov pinis na go hait. Man lapun Kanage bel hat stret na em i tekov stret i go long haus.

### Tonny Epu na Omus Mah Aitape

Kanage em bilong Madang, liklik ples Saresabu. Wanpela taim Kanage wantaim wanpela poro bilong em i kisim ol dok bilong Kanage na i go long bus long painim abus na ol dok i ronim wanpela skau na ol i go tasol i no kam bek hariap na Kanage wantaim poro bilong em wok long singautim ol dok.

Na yu save, Kanage em i no bin skul tasol em save givim rat Inglis, taim em sot long Inglis em i save mekim i go long tokpls tu ya.

Olsem na Kanage i tokim poro bilong em olsem, "Yu go ong hap na singaut long ol dok na mi tu bai go long hap na singaut long hap." Na poro bilong em i lukim tupela dok i kam na em i wisel long ol dok wanpela bikpela na wanpela liklik. Na Kanage i askim em olsem, "pren, pren hamni daix did you saw? Na poro bilong em i tingting i go na tok stret olsem. "Yes fren wan and the haf daix."

### Salli Pope Madang



### Lo bilong rausim buai maket long pes bilong ol stua na bas stop i slek

**Dia Edita,**  
Mi laik putim wanpela tingting na lukluk bilong mi i no stret long pablik i ken lukim. Tingting na lukluk bilong mi em olsem. Lo na oda bilong gavman bilong yumi i no strong tumas long rausim buai maket. Mipela harim olsem NCDC i tok noken salim buai raun long insait long Mosbi siti, tasol lo na oda bilong gavman bilong yumi i slek tumas.

bagarap olgeta long pasin bilong salim buai raun insait long siti. Sapos ol i laik salim buai ol mas i go salim long bikpela maket o ol mas salim long wanem hap ol i save slip long em na kipim rabis bilong buai.

Godens na long siti insait long taun eria Boroko na Waigani eria long fran long stua o long fran bilong opis.

Ol mas rausim na mekim save gut long husat manmeri i strong na salim buai na smok raun.

Lo na oda i mas lukluk long Godens men maket long Mosbi siti buai maket i bagarapim olgeta na long insait long siti.

Em tasol liklik wari na tingting bilong mi.

Bipo mi save lukim planti ol narapela kantri man na meri i save raun na painim kaikai long maket. Tasol nau buai maket tasol mekim na ol i no save raun long painim kaikai bilong maket.

Olsem na yu husat brata o susa yu laik sapot o yu laik putim wanem kain tingting bilong yu long dispela, yu ken rait i kam tasol long *Wantok* niuspepa bilong yumi na mi ken lukim.

**Heru Anabisa Goroka**

Lo na oda i mas strong na mekim save long ol dispela kain manmeri i save strong tumas long salim buai na bagarapim siti bilong yumi.

Olsem na lo na oda mas lukluk gut na rausim buai maket long

### Saweni mekim gut wok

**Dia Edita,**  
Mi wanpela mangi Lumi tasol nau mi stap long Madang.

Mi amamas tu long bekim wanpela pas bilong Mista Towa Ninge i raitim na kamap long *Wantok* niuspepa, pes 28 long mun Epril 6, 2000.

Pas bilong em i toktok long daunim memba bilong em, Hon. Eddy Saweni i no save bringim sevis long Lumi distrik insait long Sandaun provins.

Taim yumi toktok long sevis, em i min yumi yet i mas i stap long asples na wok hat long kamapim senis na sevis. Planti man i wokim bisnis em sevis i kamap.

Sevis em i mani, na planti sevis i kamap i min Lumi i gat planti bisnismen, olsem planti bisnismen i gat planti mani na i gat planti mani bai i gat bikpela mani i kam insait long distrik na planti pipel bilong Lumi i stap long asples bilong ol bai i gat planti mani.

Olsem na sevis, em yumi yet long Lumi i mekim wok bisnis insait long distrik bilong yumi yet.

Ol memba bilong Lumi open bipo ol i nogat plen bilong 5 yia olsem na yu i painim hat.

Eddy Saweni yu rait man? Yu bai i gat narapela 5 yia moa long pinisim plan bilong yu.

Husat Lumi i egensim mi, plis rait long mi long *Wantok* niuspepa bai mi bekim pas bilong yu.

**A. Frank Madang**

Sapos yu laik salim ol pas bilong yu i kam long dispela niuspepa,  
Salim i kam long dispela adres:

**THE EDITOR  
WANTOK NEWSPAPER  
PO BOX 1982, BOROKO, NCD.**

### Baim nupela Air Niugini balus

**Dia Edita,**  
Mi wanpela mangi Sandaun. Nau mi laik autim bel wari bilong mi. Mi laikim Air Niugini i mas kisim nupela balus.

Bikos dispela olupela balus ol i save bagarap oltaim.

Olsem na mi laikim ol bos bilong Air Niugini i mas baim ol gutpela balus bilong yumi long yusim o kisim i go i kam long kantri bilong yumi long Papua Niugini. Na sapos yupela i no baim ol gutpela balus.

Plis mobeta yupela i mas putim Air Niugini long tenda na bai Australia Air Qantas ol i mas winim dispela tenda.

Na bai ol i ken salim ol gutpela balus i kam long kantri bilong yumi long Papua Niugini. Na bai givim gutpela sevis insait kantri bilong yumi.

**Ferdinand Salun Vanimo**

### Ol ples mas mekim gut wok

**Dia Edita,**  
Mi laik autim wanpela wari bilong mi i go long ol plis man. Mi laik tok olsem olgeta hap kantri ol plis i stap na mipela i stap. Sapos ol i no stap mipela i no inap i stap gut.

Taim mipela i laik wokim trabel o wokim stil pasin mipela i save pret long ol plis man na lo na oda. Na sampela man i nogat pret pasin bilong ol.

Olsem sampela taim plis i save kisim ol dispela kain man na sasim ol na mekim save long ol long wanem kain bikhet pasin ol wokim long em.

Tasol planti taim ol plis man i save bagarapim planti man nating nating na bagarapim mipela ol gutpela man tu.

Na tu yupela plis man i noken wokim pasin bilong wantok sistem. Dispela pasin bilong yupela tasol na wok bilong yupela na nem bilong

yupela i go bagarap na bagarap olgeta na tu yupela i noken kisim brabir long narapela na bagarapim narapela. Dispela kain pasin bilong brabir na sistem pasin bilong yupela i no gutpela tumas.

Yupela mas lusim dispela kain wok bilong yupela na wokim wok bilong Gavman na brabir o na oda na wokim tu wok.

Mi save lukim dispela kain pasin bilong plis man na save stret long a bilong mi olsem na taim i kam long pablik.

Olsem na yu husat brata na susa yu lukim na yu laik sapot o olsem wanem yu rait tasol i kam long *Wantok* niuspepa na mi ken lukim.

Tenkyu.

**Heru Anabisa Goroka**

### Noken mekim wantok sistem long Kimbe

**Dia Edita,**  
Mi wanpela mangi bilong Pomio distrik, na mi save stap wantaim ol pipel bilong ples na mi laikim olgeta hap bilong Pomio distrik i no develop yet.

Na taim mi save stap mi save lukim olsem i gat sampela ol liklik sevis i laik kamap long Pomio long helpim pipel bilong Pomio, tasol sampela long ol lida bilong Pomio gen i laik go pas gen long wokmanmeri bilong dispela kampani o projek samting olsem.

Na mi laik askim olsem, sapos yu dispela kain lida, nau yu laik kontrolim ol dispela lain bilong sevisim hap bilong Pomio, pastaim yu stap hait we? Na yu no laik wokim wanpela

na sevisim pipel bilong Pomio.

Mi putim aut dispela bikos mi bin lukim dispela kain pasin i kamap pinis long PDC, Arkmark na nau mi laik kamap gen long Papindo. Bikos long pasin bilong kisim ol wokman mi laik kamap gen long dispela kain bai Papindo i pundaun gen long hol.

Dispela ol sevis em bilong olgeta hap bilong Pomio o bilong wanpela lain, wanpela grup o wanpela sait tasol? Sapos bilong Pomio, watpo na yupela i no laik kisim ol wokman long olgeta kona bilong Pomio. Olsem Melkoi, Sentral, Inland, Mamusi na Wes Pomio? Bikos

mi laikim olsem sapos yumi kam long olgeta bai olgeta samting i ron gut inap sampela yia. Na sapos wanpela sait tasol, em bai wankain sik bilong PDC na Arkmark bai kamap. Na long mi yet mi pilim olsem em bai sem sik bai kamap, sapos yupela i wok wansait.

Mi putim dispela i go aut na yupela ol lida i skelim, na lukluk long em.

**Joanes Isekyus Isiumam**

### Tok salens bilong daunim hevi bilong Midel Ramu pipel

**Dia Edita,**  
Mi wanpela mangi bilong Midel Ramu ilektoret tasol nau mi i stap long Pot Mosbi. Hia mi laik sapotim hap tok bilong Gavana Jim Kas long *Wantok* niuspepa, Mas 23, 2000.

memba bilong yumi i no inap long opim ai na lukluk long ol hevi we ol ilektoret i wok long bungim.

Pasin bilong tok baksait na jelas long narapela brata em maski.

Nau em i nupela yia na yupela mas senisim pasin na wok bung wantaim long developim ples so ol papamama bai i gat sans long salim gaden kaikai long Madang taun na baim tin pis na kios bilong ol long stua.

Mista Kas i toktok long hevi bilong Aione/Simbai rot na i go long Westen Hailans. Mi laik tok olsem dispela hevi em i no wok bilong Gavana Kas long go pas o lukluk long em.

Bikos Gavana em i no memba bilong ol Midel Ramu pipel tasol, wok bilong Gavana em bilong lukluk long hevi bilong olgeta pipel long provins.

Mi wanpela vota i glasim pinis na rait i kam long *Wantok* niuspepa. Yu husat laik egensim o sapotim, rait tasol long *Wantok* niuspepa na mi ken lukim.

Mi laik askim yumi ol pipel bilong Midel Ramu ilektoret olsem, mipela i gat memba i stap o nogat. Watpo na

**Menson S Gondi Port Moresby**

### Memba bilong Talasia kisim salens

**Dia Edita,**  
Mi wanpela lida long ples o komyuniti. Mi laik autim wari bilong mi i go long memba bilong Talasia Open, Peter Sen Laua.

palamen. Na tu mi laik save long yu long dispela mani Gavman i save givim yupela em bilong Gavman o bilong helpim mipela ol pipel. Mi save lukim long olgeta yia. Yu save katim baset bilong yu wantaim ol komiti bilong yu i go tasol long sapota bilong yu.

Olsem wanem yu stap long Mosbi o yu stap long ples bilong yu Galilo? Sapos yu stap long Pot Mosbi long palamen mi ting bai mipela ol pipel bilong yu long Wes Niu Briten bai mipela i harim maus bilong yu liklik i pairap insait long Palamen.

Sapos mani bilong pipel orait yu wantaim ol komiti bilong yu i mas lukluk long sait bilong Talasea open. Mi save lukim planti taim ol komiti bilong yu i save wokim sistem tru long dispela RAP bilong yu. Em tasol yu husat i laik bekim pas bilong mi orait mi amamas tasol.

**Paul Tele, WBNP**

Amas yia olgeta yu stap insait long palamen. Ating yu sik na yu stap long haus sik long Australia olsem mipela ol pipel bilong yu i no harim maus bilong yu long

### WHP kopi baia save paulim mipela long kopi prais

**Dia Edita,**  
Mi yet mi wanpela man bilong Nebilyer distrik ausait long Hagen siti WHP. Mi i gat liklik bel hevi we mi laikim long ai i no stret na mi bringim i kam long *Wantok* niuspepa long pablik i ken lukim na autim tingting bilong ol.

Wari o bel hevi bilong mi sut stret i go long ol kopi baia bilong ol drai kopi hia long Nebilyer distrik.

Ol kopi baia save giananim mipela stret na tok sori kopi prais i go daun tru. Olsem na ol save daunim prais bilong kopi i go daun tru. Sampela save tok kopi i drai olgeta na i nogat hevi. Sampela save tok em nupela kopi i no drai gut. Na sampela save tok 1, 2 o 3 kopi o A, B o C kopi na daunim prais yet. Dispela em ol kainkain toktok em ol giananim mipela stret na paulim mipela gut tru. Ol i no save olsem mipela hat wok long pikim, rausim skin, wasim, draim na pulmapim long bek. Mi tokim yupela ol kopi baia long lukaut long mani pes bilong yupela.

Sapos mipela bikhet bai yupela i nogat rot long eskep.

Tenkyu tru long ritim pas bekim o sapot em laik tasol. Rait i go long *Wantok* na bai mi laikim.

**Tano Wati Mt Hagen**

### Ol meri mas lukautim ol yet

**Dia Edita,**  
Mi wanpela meri long PNG, mi laik bringim ap sampela wari bilong mi long meri long PNG.

Olsem planti taim yumi save harim olsem ol man i save raipim ol meri, bilong wanem na olsem? Long mi yet mi ting olsem ol meri i mas dres nais na raun, maski long ekting nabaut na putim sotpela traisis o sket. Yu laik soim yu yet o olsem wanem. Planti mangi save kisim tingting nogut nating na holim as bilong meri. Sapos yu laik kisim bagarap em laik bilong yu tasol.

Olsem tok mi tok tasol save na tingting em stap long yu yet wanwan.

Taim na werim samting i longpela inap long sukur bilong yu, olsem mi tingim gutpela sait na mi toktok tasol save na tingting i stap long yumi wanwan.

Yu husat i laik egensim o sapotim mi rait tasol long *Wantok* na mi ken lukim.

**Sylvia Joshua Boroko**

### Long wanem as Melpa Sios i bruk na lusim Hagen distrik?

**Dia Edita,**  
Mi yet mi wanpela yangpela man bilong Nebilyer ausait long Hagen siti. Mi save lotu long Luteran Sios. Na mi save amamas tasol logn litimapim nem bilong pikinini bilong God na bikpela bilong mi Jisas Kraiss.

Yu kamap pinis. Yu mekim wok bilong yu. Yu plenim bikos olgeta rong i bin kamap long sios long Luteran Sios. Susa mi tokim yu stret olsem Melpa em 13 seket bilong Hagen distrik na i no moa Melpa Luteran Sios. Yumi tupela mas bilip long Jisas Kraiss wanpela tasol pikinini bilong God.

Tasol mi laikim pas bilong susa ya long *Wantok* niuspepa. Pas i kam aut long *Wantok* long Epril 13, 2000. Het tok, mi amamas tru long luk save olsem Melpa Sois i bruk na kamapim Melpa Luteran Sios.

Em wok bilong ELCPNG na Nesenel sios long kantri i mas sekim. Lus sipsip meri Hagen. Mi egensim pas bilong susa ya bikos ol toktok bilong susa ya i no tru na em ol gianan politikis tasol. Susa mi tokim yu stret olsem yu i wokim politikis tasol. Susa mi tokim yu stret olsem yu i noken wokim politikis long sios na kam aut na mipela i ken litimapim nem bilong pikinini bilong God na bikpela bilong yumi tupela Jisas Kraiss. Em wanpela tasol bai yumi tupela

bilip long em na go long heven. Susa yu mas sem bikos yu tok yu yet wanpela bilip meri long Luteran Sios. Susa mi tokim yu stret olsem Melpa em 13 seket bilong Hagen distrik na i no moa Melpa Luteran Sios. Yumi tupela mas bilip long Jisas Kraiss wanpela tasol pikinini bilong God.

Na i noken sapot long politikis bilong man bai yumi lus olgeta. Na tu Melpa sios. Hagen distrik, Luteran lokal Sios. SDA, Katolik Sios, Yurited Sios na sampela bai i no inap helpim yumi long bilip? Jisas Kraiss pikinini bilong God wanpela tasol. Tenkyu.

**Tano Wati Mt Hagen**

# Midel Ramu nogat senis yet

**Dia Edita,**

Mi laik mekim sampela strongpela toktok bekim wanpela stori kamap long Wantok niuspepa long Me 25, 2000 oisem memba Tamscolu senisim Midel Ramu.

Mi ken tokim oi rida oisem nogat wanpela senis i kam inap nau bihain long 25 yia bilong independens.

Oi rot em wok long stretim em oi rot bilong ples bilong em tasol Sapos yu lukluk gut karampim oi geta Midel Ramu nogat wanpela nupela projek o suruking oi geta projek. Yu lukluk gut long skelim bilong oi man i go long oi wanwan rot dispela man i no inap long tiksim rot gut tru. Mipela ies long lukim hap hap na.

Oi nogat wanpela liklik sain bilong developmen long Simbai

go inap long Singapi. Simbai stesen i bus karamap nogat paw inap wanpela yia distrik opis haus oi pibela tru. haus sik biding pundaun na planti arapela samting tu biding memba lukaut.

Oi Komyuniti skul i bagarap tru wantaim nogat tisa na oi narapela samting tu.

Oi ples balus nau oi misin i lukautim. Nogat wanpela han mak bilong memba bilong mipela.

Gepra ples balus mipela oi pipet yet i wokim. Nau mipela i wetim balus long pundaun tasol oisem wanem na baius i no pundaun. Narapela ples balus em Wowo ples baius mipela oi pipet wokim long han tasol i no pinis yet. Wanem taim bai memba Tamscolu kerepim na pinisim

wantaim masin long pinisim dispela oi ples balus.

I nogat wanpela single iekonomik developmen wok kamap long isten sait bilong Midel Ramu. Na tu nogat wanpela developmen plan bilong eria bilong mipela.

Memba mas tok stret wanem sevis em mekim pinis long mipela o wanem plen em i gat long mipela long isten en bilong Midel Ramu long narapela 5 o 10-pela moa yia i kam.

Long lukluk bilong mi, 1999 RAP mani, memba em yet yusim long ples bilong em yet long Aiome eria.

Olsem wanem long mipela antap long kol ples?

**Westen Sarandas Madang**

# Vincent Auali i no stretim Tambul

**Dia Edita,**

PLIS inap yu putim wari bilong mi long pepa bilong yu na pablik i ken lukim na autim tingting bilong oi.

Wari bilong mi i go oisem. Mi wanpela yangpela man bilong lowa Nebilyer ausait long Mt Hagen siti. Mi laik askim memba bilong mi long Tambul Nebilyer Mista Vincent Auali. Mi askim yu oisem yu dai pinis o stap laip yet. Bikos yu no givim sevis long mipela. Yu no lukluk moa long lowa Nebilyer. Plis traim na wokim rot na putim kolta long Tega o Nebilyer stesen na i go long Timbika Kelka. Bikos rot long hap i go long hap i no moa gutpela long yusim. Em



**Vincent Auali**

bagarap oi geta. Noken lukluk tumas long Tambul. Givim sevis long Nebilyer tu.

Taim bilong ren rot save bagarap na oi PMV save lusim oi pasindia wantaim kago long Tega o Nebilyer stesen na tanim i go bek. Na oi man meri i save kisim taim long karim oi kago na bihainim rot i go long Timbika, Kelga. Vincent Auali yu mas givim sevis long lowa Nebilyer tu.

Amas yia yu stap long Palamen nau. Em tasol na yu husat brata o susa laik

bekim o sapot i welkam tasol. Rait i go long Wantok niuspepa na bai mi lukim na amamas long ritim.

**Tano Wati Mt Hagen**

# Yusim nem bilong yu stret

**Dia Edita,**

PLIS givim mi spes long pepa bilong yu long tupela pas ya we nau mi salim i kam bek long yu long pablik i ken lukim.

Bikos wan pas i no tru na oi i no putim trupela nem bilong oi na oi putim giaman nem o nem bilong mi Tano Wati long pas bilong oi. Het tok long pas i oisem "Noken mekim maket long ples bilong haus lotu.

Dispela pas em wanpela man o meri Kimbe. WNBPI raitim na giaman putim nem bilong mi. Tru tumas mi bilong Lower Nebilyer insait long Mt Hagen siti na mi ino bilong Kimbe. Yu husat man o meri yu raitim pas ya mi givim ful sapot tasol mi no wanbel long nem yu raitim. Bikos yu bagarapim gutpela nem bilong mi. Mi askim yu long raitim pas ken na tok sori long nem bilong mi na mi i ken lukim na amamas. Gutpela pas yu raitim tasol yu raitim nem bilong mi na bagarapim gutpela nem bilong mi.

Brata o susa yu ken ritim narapela pas we het tok i sanap olsem sekyuriti long Hagen kisim tok. Em pas bilong mi husat wanpela manki Hagen sentrel tupela wantaim i kamap long Wantok niuspepa.

**Tano Wati Mt Hagen**

# Madang pipel mas go bek long provins bilong oi yet

**Dia Edita,**

Mi wanpela manki long ples i laik tru long putim aut olget bel hevi bilong mi long Wantok niuspepa.

Oi pipel bilong Madang i stap long wanem hap long oi provins bilong PNG yupela mas go bek long provins bilong yupela yet. Yupela noken i stap wokboi bilong narapela manmeri na mekim oi wok bilong oi.

Yupela painim wanem samting na raun raun long oi narapela provins. Tru PNG em i friedom kantri, yu ken hangamap nambaut, tasol i no gutpela long i stap nating long narapela provins na i stap olsem trangu manmeri. Yupela pikinini man mas harim wanpela taim na go bek long Madang.

Olsem na mi kirapim oi tingting bilong yupela long go bek long Madang. Madang i gat planti wok i stap yet. tasol nogat manmeri bilong developim nupela samting long provins bilong yumi.

Yu husat i stap long skul, koles o

wokmanmeri bilong gavman o kampani, yupela i ken i sta na pinis laik, na wanem taim yupela laik go bek long Madang provins, Yu welkam tasol.

Yu husat nogat wok long mekim, moa gutpela go bek long ples na kamapim liklik bisnis bilong yu yet na i stap olsem manmeri tru long ples.

Mi yet skul i pasim mi na mi i stap, taim mi pinisim skul, bai mi go bek long ples na statim oi bisnis bilong mi. Na sapotim oi lida long ples long kamapim developmen. Tasol, olsem wanem long tingting bilong yupela, tingting bilong yupela wankain olsem mi o nogat. Sapos tingting bilong yupela wankain olsem mi. Plis bihainim mi na yumi go bek long bitiful Madang.

Em tasol wari bilong mi kam pinis olsem, yu husat manmeri laik sapotim o egenisim mi, welkam tasol long Wantok niuspepa na bai mi lukim.

**Simo Timothy Madang**

# Sir Mekere Morauta wokim rait samting long kantri

**Dia Edita**

Mi wanpela manki bilong Simbai insait long Madang provins tasol mi stap long West Niu Briten provins. Taim Sir Michael Somare i stap Praim Minista bilong Papua Niugini, em i ronim kantri bilong yumi gut na oi geta samting kamap gutpela tru. Na nogat wanpela problem o hevi i kamap long kantri. Tasol bihain sampela Praim Minista oi ting oi yet inap na tekova long sit bilong Sir Michael Somare na oi i laik ronim kantri, tasol oi i no fit long lukautim kantri wantaim pipel bilong PNG. Oi dispela Praim Minista kikim kantri wantaim pipel olsem soka bal i go i kam na bagarapim oi geta samting na tu oi i kamap long long Praim Minista long PNG.

Tasol Sir Mekere Morauta wantaim gavman bilong em i mekim rait samting long kantri bilong yumi. Sir Mekere i bringim bek memori bilong Sir Michael Somare i kam insait long PNG pinis.

Olsem na husat manmeri yu wok long egenisim Praim Minista bilong yumi o yu laik rausim sit bilong Sir Mekere Morauta em yu no rait long rausim sit bilong em. Yu laik long senisim ples bilong em tasol bai yu no inap. Sir Mekere i strongpela lida long PNG. Olsem na bai yu hat tru long senisim em. Em bai stap olsem tasol inap dai i kisim em.

Em tasol wari tingting bilong mi i pinis olsem.

**Simon Timothy Madang**

# Rausim edministreta bilong Wes Nu Briten

**Dia Edita,**

Mi wanpela grasrut man bilong Wes Niu Briten yet na askim bilong mi olsem. Inap Praim Minista Sir Mekere Morauta i rausim Mista John Maila long wok bilong em olsem edministrata bilong Wes Niu Briten provins?

Dispela long wanem mi lukim olsem dispela man yu makim em nating long holim dispela wok, tasol em i nogat save long wokim dispela wok. Wes Niu Briten provins i bagarap oi geta bikos nogat gutpela plening bilong em, nogat disaplin. Oi pablik seven raun nating long laik bilong oi nogat wok. Sindaun long oi geta hap kona long oi as bilong diwai nambaut ridim niuspepa na pilai hos res long oi geta de long taim bilong wok. Gavman lusim nating mani long baim oi masta raun pablik seven bilong WNB long oi geta ftonait nogat wok. So WHO'S JOB IS IT? Mi askim Praim Minista long rausim Mista Maila na putim wanpela edministrata bai em i ken save gut long wok bilong em long mekim. Mista Maila i ken go bek long edukesen dipatmen na holim wok bilong em. Dispela long wanem provins nau bagarap long em. Nogat wok developmen, nogat gutpela plening. Mi askim olsem wanem taim tru bai Wes Niu Briten Provins Gavman i helpim oi papamama liklik long baim skul fi bilong oi pikinini olsem oi arapela provins i save mekim?

Nogat tru long em. Risen mi tokaut pinis antap. I nogat gutpela o trupela edministrata na dispela kamapim hevi long Wes Niu Briten. Mi askim Praim Minista long senisim kwik edministrata em tasol rot bilong kirapim bek WNB.

Em tasol Sapos yu husat man o meri i laik sapotim o egenisim mi, yu welkam tasol long rait bai mi lukim long pas.

**Rex Kutik Kimbe**

# Sandaun provinsel developmen prairiti plen

**Dia Edita,**

Mi laik putim kamap ples klia tru tingting bilong mi i go long oi nesenei memba bilong Sandaun provins long nesenei palamen haus. Olsem

Mi laik i mas i gat Sandaun provinsel developmen namba wan plen o tingting.

Oi 5-pela nesenei memba i mas sindaun wantaim na putim tingting, save, spirit na pasin long kamapim dispela SDPP em as tingting tru bilong em long developim na senisim nesenei risoses, enviromen risoses na humen risoses insait long Sandaun provins yet.

Orait bihain yumi i ken wokim moa na moa develop-

men bilong oi kankain mak na risoses antap long oi dispela.

Dispela oi namba wan risoses developmen i ken i stap olsem faundesen na rot i go long developmen.

Sandaun provins em i ris na i gat inap na oi geta risoses bilong developim na Sandaun i ken kisim mak bilong developmen.

Tasol sapos i nogat save na we bilong wokim kamap na yusim oi dispela oi kankain risoses. God i givim yumi bai oi dispela oi samting i stap na i stap olsem nau i stap yet long Sandaun provins.

Na tu Sandaun provis bai i no inap tru long develop tu.

Sapos oi nesenei memba

bilong Sandaun provins i gat pinis oi dispela oi Sandaun developmen prairiti plen long developim Sandaun provins, orait mi i sapotim tru.

Bikpela tru long lukim olsem em i mas wok na i gat kaikai tru bilong en na i no long pepa na toktok tasol.

O Sapos oi i gat oi narapela plen long developim Sandaun provins em tu i gutpela tru.

Noken developim nesenei gavman bikos oi pipel bilong Sandaun provins i no i stap long Pot Mosbi, nogat oi i stap long Sandaun provins yet olsem na Sandaun provins i mas develop na senis i no olsem tude em i stap, em i stret o giaman, o gutpela o

nogat.

Oi nesenei lida i mas lusim tingting long pilaim mauswara politik na wokim developmen, bikos nau em i no taim bilong politik tasol developmen taim.

Politikel pait o lukim narapela i narapela i wanpela bilong oi samting tu i bin sanap strong tru long Sandaun provins long blokim oi wok developmen.

Na bringim wok bung wantaim oi lida na provins.

Mi prea God ken givim wisdom long yupela long wokim Sandaun i muv long developmen. Tenkyu long ritim.

**Philip Pais Vanimo**

# John Kamb i mekim gutpela wok long Kerowagi distrik

**Dia Edita,**

Mi laik autim wanpela bikpela bel amamas bilong mi i go long memba bihainim oi geta long Kerowagi na Minista bilong Housing Hon. John Kamb.

Mipela long Kerowagi distrik long Simbai provins. Hamas ya i go pinis mipela i stap insait long bikpela tudak tru. Tasol nau mipela oi geta manmeri na pikinini. Ai bilong mipela i opt tru na mipela i kam bihainim kankain samting na sevis oi geta wan em i kamap long Kerowagi long

oi geta inap kona bilong Kerowagi distrik na mipela i kam bihainim kankain samting na sevis oi geta wan em i kamap long Kerowagi.

Em i stap memba inap long nau em i stap 8-pela yia. Long dispela 8-pela yia bilong em, em i no i stap nating. Nogat tru. Long oi geta taim bilong nesenei gavman baset. Em i save kirapim kankain projek insait long Kerowagi distrik. Em i save mekim wok olsem. Kirapim wara saplat, wokim het senta kirapim oi kankain kankain tek komyuniti

skul, hai skul, rot meintenens, oi fut bris, plis, wok bilong distrik DA na oi bikpela planti projek long ples.

Na oi geta projek em i mekim long em, em i no mekim nating. Nogat. Em i baim oi geta ka na givim oi geta wanwan dipartment na givim oi wantaim na oi wok.

Olsem na nau mipela wanpela las ples mipela i ting olsem. Em bai i no inap long tingim mipela. Mipela i tingim olsem i stap long en nau, em i givim tupela bikpela sevis long mipela long las ples. Em long

Simbu na Hagen boda long Demange na long Kewamugl.

Long Demange viles em i wokim wanpela bikpela helt senta wantaim wanpela komyuniti skul pinis.

Na long Kawamugl em givim wanpela nupela provinsel hai skul wantaim K240,000 long mipela na nau oi mangi i skul i stap pinis. Olsem na mipela oi geta manmeri na pikinini bilong Dagle mit na i salim traipela tok tenkyu tru i kam long yu.

**Rev. Poka Noi Kewamugl, Kundiawa**

**WOK BISNIS  
MANDE IGO FRAIDE**

TELIPON:  
**325 2500**

# WANTOK KLASIFAIID

*Niuspepa bilong Yumi Stret, Kamap long olgeta Wik*

**ADVERTAISIN SEILS**

Miri Aiori ext 214  
John Iagata ext 217  
Robert Goma ext 218

*Ringim mipela  
Nau!*

**PAINIM WOK, PABLIK NOTIS, TOKSAVE, BETDE GRITING, BILONG SALIM na TOK SORI.**

## World Vision

### World Vision Papua New Guinea

World Vision Papua New Guinea em husat?

*World Vision Papua New Guinea em wanpela Kristen wok sariti bilong helpim ol turangu.*

Watpo na World Vision i kamap?

*World Vision emi wanpela ogensaisesen we ol kristen long planti hap bilong graun i bung wantaim long bihainim Bikpela Jisas Krais long pasin bilong helpim ol lain i sot long samting na ol lain i stap kalabus insait long kainkain pasin bilong dispela graun. World Vision i save kamapim strong pasin bilong senisim laip sindaun bilong man na meri na traim long painim stretpela pasin namel long ol pipel na long karim gutnius bilong Kingdom bilong God i go long ol pipel.*

World Vision i save mekim wanem?

*World Vision PNG i save helpim ol komyuniti husat i gat nid long kamapim divelopmen olsem ol pri skul, praimer skul, helpim long sampela arapela nid bilong edukesen bilong ol pikinini. World Vision i save halivim long stretim ol wara saplai long ol ples, halivim long wokim ol eid pos, klinik na peim marasin bilong ol komyuniti. Sampela helpim i save go long ol yangpela na ol mama long ol kainkain skills trening na long lainim rit na rait. World Vision i save sanap long halivim ol pipel i painim hevi long disasta olsem bikpela tait wara, maunten paia i pairap, bikpela san tumas o we ol man i kirapim pait na bagarapim sindaun bilong ol narapela pipel.*

World Vision i stap long wanem hap bilong PNG?

*World Vision i gat het opis long Boroko, Pot Mosbi na i gat tupela senta long Madang na Wewak. I gat wanpela nenesol dairekta i bosim dispela het opis wantaim sampela menesa.*

*Long dispela taim i gat ol divelopmen program insait long ol dispela hap:  
**National Capital District:** Tupela (2) sponsasip Eria Divelopmen program na wanpela (1) street children project:  
**Sauten Hailens Provins:** I gat tupela (2) sail sponsasip Eria divelopmen program*

*long Tari na Komo na wanpela (1) agrikalsa project long Mendi:*

*Madang Provins:* I gat tripela (3) sail sponsasip eria divelopmen program na wanpela (1) projeck bilong stretim ol wara;

*Sandaun Provins:* I gat wanpela sail sponsasip projek long Lumi. ria wanpela agrikalsa projek long Aitape blong helpim ol lain husat i kisim hevi long bixpela solwara.

*Is Sepik Provins:* I gat wanpela sail sponsasip projek long Kawanga. Nungwaia na wanpela agrikalsa projek long Moropote, Hustin Range.

*Bougainville:* I gat wanpela (1) projek halivim ol lain Buin long kamapim gut sindaun blong ol yet.

Wanem ol lain tru bai World Vision i ken helpim?

*Sampela turangu komyuniti husat i gat ol pikinini krismas bilong ol ziro (0) inap long wanpela ten foa (14) na ol yangpela yut, ol meri na man maski ol bilong wanem kain lotu ol kalsa or bilip o ples ol i kam long en.*

World Vision i save wok wantaim wanem lain?

*World Vision i save wok poroman wantaim ol sios, gavman dipatmen na ol komyuniti insait long ol ples i gat nid. World Vision Papua New Guinea i bin helpim pinis moa long foapela ten and nainpela (49) komyuniti insait long las faivpela (5) yia. Dispela ol wok helpim i bin kamap long eitpela (8) provins na i bin halivim samting olsem faivpela ten na wan tausen foa handret na fifti (51.450) man meri na pikinini stat long 1980 na i kam.*

*World Vision i save mekim wok wantaim halivim bilong ol komyuniti we em i laik helpim. World Vision i save laik strongim pasin bilong ol komyuniti i mas wok bung wantaim em long kamapim gut sindaun bilong ol yet. Komyuniti pipel yet i mas lukautim wok bilong ol yet. World Vision i save wok wantaim (MOA) Memorandum of Agreement we ol i pasin tok wantaim komyuniti long serim wok kamap.*

Address:

World Vision Pacific Development Group,  
P. O. Box 4254, Boroko, NCD 111. Papua New Guinea.  
Tel: (675) 311 2530 Fax: (675) 325 4225

## Special Features


are an integral part of new reporting. And at Word Publishing, we do our best to present reports that are fair, informative as well as educational.

If you are celebrating an anniversary, launching a new product or opening a new building, call our supplements Editor or Advertising Manager

on

Phone: **325 2500** or Fax: **325 2579**

**We can cover your business in both English and Pidgin!**




# BUSINESS



**JUNE  
ISSUE  
OUT  
NOW!**

## PRACTICES

PNG BUSINESS IS A MONTHLY PUBLICATION OF WORD PUBLISHING COMPANY



PAPUA NEW GUINEA

**BANKING**  
CORPORATION

RIGHT ACROSS PAPUA NEW GUINEA WE'RE BEING BUSINESS TO YOU





# Wiken Spot Dro

### PORT MORESBY SOCCER ASSOCIATION Saturday 10th June, 2000

**Bleini One (1)**

08:00 D2 Mungkas vs WMI  
09:20 W2 Rapatona vs Falcon  
10:30 D1 Korion vs YM2  
11:45 W2 Madgaune vs W/Heights  
12:55 Youth ANZ Uni vs SP Brewery  
14:00 D1 B/Mocka vs Adu  
15:10 W1 Telikom vs Kula  
16:20 Prem IBS PS United vs Tarangau

**Bleini Two (2)**

08:00 D3 Buresong vs Bipi  
09:20 W2 Oroge U/18 vs Adu  
10:30 D2 Wanzas vs Bavaroko  
11:45 W1 Sobou vs ANZ University  
12:55 D1 Bao Mitas vs Nomads  
14:00 Prem Tawala vs Blue Kumuls  
16:00 Prem Kuri Andra vs Babaka

**University Oval**

08:00 D4 ANZ Uni vs SP Brewery  
09:20 Youth Cosmos vs Rapatona  
10:30 D4 Cosmos vs Rapatona  
11:45 Youth LBC Defence vs Guria  
12:55 D4 LBC Defence vs Guria  
13:20 D2 Duau vs Nisco  
14:30 D3 R/West vs Aigob

**Sunday 11th June, 2000**

**Bleini One (1)**

08:00 D2 Eda Ranu vs Naniu  
09:20 W2 SP Brewery vs Pom United  
10:30 D1 Dubo Futz vs Sobou  
11:45 W1 IBS PS United vs Defence  
12:55 D1 HLB Pom United vs Cyclone  
14:00 Prem Cosmos vs Rapatona  
16:00 Prem Guria vs LBC Defence

**Bleini Two (2)**

08:00 D2 Dolos vs Monier Kayaks  
09:20 W1 Cosmos vs Cyclone  
10:30 D1 Verave vs Kula  
11:45 W2 Murat vs Bavaroko  
12:55 Youth Kuri Andra vs Babaka  
14:00 W1 Guria vs Wikila Tarangau  
15:10 W2 W/Heights vs Tawala  
16:20 Prem SP Brewery vs ANZ Uni

**University Oval**

08:00 D4 IBS PS United vs Tarangau  
09:20 Youth IBS PS United vs Tarangau  
10:30 Youth Tawala vs Blue Kumuls  
11:45 D4 Tawala vs Blue Kumuls  
12:55 D4 Kuri Andra vs Babaka  
14:20 D3 Kulu vs Sunset  
15:30 D3 Asum vs Muna

Bye: WMI (W1), Murat (D2)

### PORT MORESBY JUNIOR SOFTBALL Saturday 10th June, 2000

**Diamond 1**

09:00 15 boys Manolos vs Holy Rosary  
10:30 15 girls Mixtures vs Tisa Zets  
12:00 19 girls Gerehu High vs Pom Nat.  
**High**  
13:30 19 boys Dela Salle vs Manolos  
15:00 19 boys Holy Rosary vs Gerehu High

**Diamond 2**

09:00 15 girls Waigani Pri vs Wantoks  
10:30 19 girls Wantoks vs Manolos  
12:00 19 girls Holy Rosary vs AB Bears  
13:30 19 boys Brown Eagles vs Sogeri Nat.  
**High**  
Bye: Tisa Zets (15 boys), Admiralty (19 girls)

### PORT MORESBY NETBALL ASSOCIATION Saturday 10th June, 2000

**JUNIORS**

**Under 10 A**

08:00 L Telstars 1 vs Holy Rosary (court 1)  
08:00 BB Kings vs TST Kempa (court 2)  
08:00 Ted Diro vs Paramana (court 3)  
08:00 LB Mermaids vs CP Rebels (court 4)

**Under 10 B**

08:00 Boreboa vs Mase (court 5)  
08:00 Rakaone vs Holy Rosary 2 (court 6)  
08:00 L Telstars 2 vs Bavaroko (court 8)

**Under 13 A**

08:30 CP Rebels 1 vs TST Kempa 1 (court 1)  
08:30 St Theresa 1 vs L Telstars 1 (court 2)  
08:30 June Valley vs LB Mermaids 1 (court 3)  
08:30 Chevron P vs BB Kings (court 4)

**Under 13 B**

08:30 Hagana 1 vs LB Mermaids 2 (court 5)  
08:30 St Peters vs Ted Diro (court 6)  
08:30 St Theresa 2 vs CP Rebels 2 (court 7)  
08:30 TST Kempa 2 vs St Pauls 1 (court 8)

**Under 13 C (court 12)**

**Under 13 D**

08:30 Rakaone vs Wardstrip 2 (court 9)  
09:00 Bavaroko 2 vs Boreboa 2 (court 10)

09:00 Mase vs Tatana Pri (court 11)  
09:00 Philip Aravure 1 vs

**Under 13 E**

09:00 Sparrows 2 vs St Pauls 2 (court 13)  
09:00 Philip Aravure 2 vs Hagana 2 (court 14)  
09:00 Butuka vs Kaugere (court 15)  
09:00 Holy Rosary 2 vs Pari 2 (court 16)

**Under 15 A**

09:00 L Telstars 1 vs CP Rebels 1 (court 1)  
09:00 Kila Kila Pri vs LB Mermaids 2 (court 2)  
09:00 June Valley 1 vs TST Kempa (court 3)  
09:00 Mase vs Paramana 1 (court 4)

**Under 15 B**

09:00 June Valley 2 vs St Theresa 1 (court 5)  
09:00 Ted Diro vs St Peters (court 6)  
09:00 Wardstrip 1 vs Hagana 1 (court 7)  
09:00 CP Rebels 2 vs St Pauls 1 (court 8)

**Under 15 C**

10:00 Philip Aravure 1 vs Butuka (court 1)  
10:00 St Theresa 2 vs Badihagwa (court 3)  
10:00 Bavaroko 1 vs Boreboa 1 (court 4)  
10:00 Tatana Pri vs Tokarara Pri 1 (court 5)

**Under 15 D**

10:00 Bavaroko 2 vs Boreboa 2 (court 6)  
10:00 Kaugere vs St Peters 2 (court 7)  
10:00 LB Mermaids 2 vs Sparrows 1 (court 8)  
10:00 Tokarara Pri 2 vs Pari 1 (court 9)

**Under 15 E**

10:00 BB Kings vs Pari 2 (court 10)  
10:00 Hagana 2 vs Philip Aravure 1 (court 11)  
10:00 Mase vs Hohola Youth (court 12)  
10:00 Holy Rosary vs Sparrows 2 (court 13)

**Under 17 A**

11:00 Hagara vs L Telstars (court 1)  
11:00 CP Rebels vs LB Mermaids 1 (court 3)  
11:00 Badihagwa 1 vs Tokarara Pri 1 (court 4)  
11:00 Kila Kila Sec vs Chevron P (court 5)

**Under 17 B**

11:00 Badihagwa 2 vs Kila Kila Pri 1 (court 6)  
11:00 Hohola Youth vs Luveni (court 7)  
11:00 Ted Diro vs LB Mermaids 2 (court 8)  
11:00 Tokarara Pri 2 vs P Aravure (court 9)

**Under 17 C**

11:00 Holy Rosary vs Mase (court 11)  
11:00 Bavaroko vs Gavucne (court 12)

**Bye: Boreboa**

**Under 21 A**

12:00 Sogeri 1 vs Chevron P 1 (court 1)  
12:00 Luveni vs L Telstars (court 3)  
12:00 LB Mermaids 1 vs Kila Kila Sec (c 4)

**Under 21 B**

12:00 LB Mermaids 2 vs TST Kempa (court 5)  
12:00 Mase vs Sogeri 2 (court 6)  
12:00 Hohola Youth vs Chevron P 2 (court 7)

**Bye: BB Kings**

**SENIORS**

**G/O**

13:00 Luveni vs Rakaone (court 1)  
14:00 L Telstars vs TST Kempa (court 2)

**Bye: Paramana**

**Division One**

11:00 LB Mermaids 1 vs TST Kempa 1 (c 2)  
12:30 L Telstars 1 vs CP Sparrows 1 (court 2)  
14:00 CP Rebels 1 vs Rakaone 1 (court 2)  
15:30 BB Kings 1 vs Chevron P 1 (court 2)

**Division Two**

13:00 CP Rebels 2 vs TST Kempa 2 (court 3)  
14:00 CP Sparrows 2 vs Sol Hoops (court 3)  
15:00 Raiwai vs BB Kings 2 (court 3)  
16:00 Chevron P 2 vs Angels 1 (court 3)

**Division Three**

13:00 LB Mermaids 2 vs Imuty Lale 1 (court 4)  
14:00 Kawaimiri vs PNGBC Kiroa 1 (court 4)  
15:00 CP Sparrows 3 vs Pelagai (court 4)  
16:00 L Telstars 2 vs TST Kempa 3 (court 4)

**Division Four**

13:00 Chevron P 3 vs Luveni 1 (court 5)  
14:00 Logohu vs Waramana 1 (court 5)  
15:00 Angels 2 vs Pewaila 1 (court 5)  
16:00 Gavucne vs PNGBC Kiroa 2 (court 5)

**Division Five**

13:00 Telikom vs Koki Knights 1 (court 6)  
14:00 Kerebuva vs Mase (court 6)  
15:00 Imuty Lale 2 vs Hall Sound 1 (court 6)  
16:00 Luveni 2 vs Nabuastion 1 (court 6)

**Division Six**

13:00 Aust High Comm vs Hall Sound 2 (c 7)  
14:00 Aroma Coast 1 vs Paiga Waina (c 7)  
15:00 Vinto 1 vs Waigani Tyres 1 (court 7)  
16:00 Mase 2 vs Koki Knights 2 (court 7)

**Division Seven**

13:00 Pewaila 3 vs Aroma Coast 2 (court 8)  
14:00 Rural Bank vs Nabuastion 2 (court 8)  
15:00 Waramana 2 vs Toba Souths 1 (court 8)  
16:00 Waigani Tyres 2 vs Kila Kila Sec (c 8)

### OROGEN SCHOOLS SOCCER LEAGUE Saturday 10th June, 2000

**Under 7 - Oval 8**

08:00 Ela Beach vs Bambi  
08:40 Murray B vs Gordons Int  
09:20 Murray A vs East Boroko

### St Josephs vs Dame Kekedo

**Under 8 - Oval 3**

08:00 Ela Beach vs Dame Kekedo  
08:40 St Josephs vs Gordons  
09:20 Murray vs East Boroko  
10:00 Nobilette vs Bambi

**Under 9 - Oval 4**

08:00 St Josephs vs St Peters  
08:40 Murray vs Ela Beach  
09:20 Korobosea vs Nobilette  
10:00 Gordons Int vs East Boroko

**Under 10 - Oval 10**

08:00 Nobilette vs Bambi  
08:50 Murray vs Ela Beach  
09:40 Korobosea vs Bomana  
10:30 St Josephs vs St Peters

**Under 11A - Oval 11**

08:00 Dela Salle vs Dame Kekedo  
08:50 Murray vs Ela Beach  
09:40 Korobosea vs Bomana  
10:30 St Josephs vs St Peters

**Under 11B - Oval 11**

11:20 Bambi vs Tokarara Pri  
12:10 Wardstrip vs St Michael  
12:20 Korobosea vs Pom Grammar (oval 10)  
12:10 Gordons (1) vs Gordons Inter (oval 10)

**Under 12A - Oval 2/1**

08:00 St Peters vs Sevese Morea  
08:50 Holy Rosary vs Boreboa  
09:40 Korobosea vs St Josephs  
10:30 Murray vs Bomana

**Under 12B - Oval 2/2**

08:00 Wardstrip vs Bavaroko  
08:50 Coronation vs St Pauls  
09:40 Korobosea vs Gordons  
10:30 Gerehu CA vs Pom Grammar

**Under 13B - Oval 6**

08:00 Gordons vs Tatana  
09:00 Ted Diro vs Waigani Pri  
10:00 Bavaroko vs Philip Aravure  
11:00 Wardstrip vs Evedahana

**Under 13A - Oval 6**

12:00 St Josephs vs St Peters  
13:00 Butuka vs Bomana  
14:00 Korobosea vs Moltaka  
15:00 Murray vs Holy Rosary

**Under 14A - Oval 7**

12:00 St Josephs vs St Johns  
13:00 Korobosea vs Bomana  
14:00 Waigani vs Moltaka  
15:00 POMIS vs Sevese Morea

**Under 14B - Oval 7**

08:00 Ela United vs Gorjons  
09:00 Holy Rosary vs Philip Aravure  
10:00 Wardstrip vs St Peters  
11:00 Coronation vs Bambi

**Under 15A - Oval 1**

08:00 Ted Diro vs Evedahana  
09:00 Wardstrip vs Bomana  
10:00 St Peters vs Waigani Pri  
11:00 Bavaroko vs Philip Aravure

**Under 15B - Oval 1**

08:00 Boreboa vs Gerehu CA  
13:00 Korobosea vs MMI Lawyers  
14:00 Waigani vs Holy Rosary  
15:00 Wardstrip vs Sevese Morea

**Under 15A - Oval 1**

12:00 Boreboa vs Gerehu CA  
13:00 Korobosea vs MMI Lawyers  
14:00 Waigani vs Holy Rosary  
15:00 Wardstrip vs Sevese Morea

**Under 15B - Oval 2**

12:00 Wardstrip A vs Korobosea  
13:00 Evadahana vs Pom Grammar  
14:00 Wardstrip B vs Butuka  
15:00 Bomana Pri vs Sevese Morea

**Under 16A - Oval 1/5**

08:00 St Johns vs POMIS  
09:00 Dela Salle vs Hohola Youth  
10:00 Waigani vs MMI Lawyers  
11:00 Moltaka vs Bomana

**Under 17A Boys - Main Stadium**

08:00 Coronation vs Hohola Youth  
09:00 Butuka vs Dela Salle  
10:00 St Peters vs Maino Heduru  
11:00 Laloki HS vs POMIS

**Under 17B Boys - Oval 1**

12:00 Tokarara vs Gordons Sec  
13:00 Holy Rosary vs Kilakila Sec  
14:00 Ted Diro vs Goldie River  
15:00 Don Bosco vs Wardstrip

**Under 17A Girls - Oval 2**

08:00 Coronation vs Sevese Morea  
09:00 St Peters vs Hohola Youth  
10:00 Wardstrip vs POMIS  
11:00 Boreboa vs Gordons Sec

**Under 17B Girls - Oval 2**

12:00 Laloki HS vs Bavaroko  
13:00 Kilakila Sec vs St Pauls  
14:00 Hohola Sec vs Evedahana  
15:00 Ted Diro vs Philip Aravure

**Under 18B - Oval 1**

08:00 Wardstrip vs Goldie River  
09:00 Holy Rosary vs Don Bosco  
10:00 Kilakila Sec vs St Peters  
11:00 Ela United vs Gordons Sec

### NATIONAL CAPITAL DISTRICT VOLLEYBALL ASSOCIATION Saturday 10th June, 2000

Sir John Guise Indoor Hall

**Court One (1)**

08:30 WAR Telikom vs Mixtures  
10:00 WA Hoppers vs U-Mi-Yet  
11:30 WA Telikom vs Mixtures  
13:00 WA NCDC vs Vailima  
14:30 WA Raukale vs Scorpions

**Court Two (2)**

08:30 MAR Hoppers vs U-Mi-Yet  
10:00 MA Vailima vs NCDC  
11:30 MA Raukale vs Scorpions  
13:00 MA Telikom vs Mixtures  
14:30 MA U-Mi-Yet vs Hoppers

**Court Three (3)**

08:30 WAR Vailima vs NCDC  
10:00 WAR Scorpions vs Raukale  
11:30 WAR Hoppers vs U-Mi-Yet  
13:00 MAR Scorpions vs Raukale  
14:30 MAR Telikom vs Mixtures  
16:00 MAR NCDC vs Vailima

### PAPUA NEW GUINEA RUGBY LEAGUE SP Cup 2000

Saturday 10th June, 2000  
Hagen Eagles vs Rabaul Gurias (Goroka)  
Sunday 11th June, 2000  
Wahgi Tumble vs Enga Micks (Miri)  
Pom Vipers vs Simbu Warriors (Pom)  
Goroka Lahans vs Mendi Muruks (Goroka)  
Bye: Bombers

**Points table**

TEAMS	P	W	L	D	F	A	PTS
Pom Vipers	1	1	0	0	36	10	2
Rabaul Gurias	1	1	0	0	13	5	2
Enga Micks	1	1	0	0	24	20	2
Simbu Warriors	1	1	0	0	20	16	2
Wahgi Tumble	1	0	1	0	20	36	0
Hagen Eagles	1	0	1	0	20	24	0
Mendi Muruks	1	0	1	0	16	20	0
Lae Bombers	1	0	1	0	5	13	0

**Round one results**  
Port Moresby Vipers 36 defeated Wahgi Tumble 10, Enga Micks 24 defeated Hagen Eagles 20, Simbu Warriors 20 defeated Mendi Muruks 16 and Rabaul Gurias 13 defeated Lae Bombers 5. Bye: Lahans.

### CHEVRON NCD RULES Saturday 10th June, 2000

**University Oval**

10:00 U/14 University B/Dogs vs Tisa  
11:15 U/17 University B/Dogs vs Tisa  
13:00 AR University B/Dogs vs Tisa  
15:00 Senior University B/Dogs vs Tisa

**Colts Oval**

10:00 U/14 West vs Koki Dockers  
11:00 U/17 West vs Koki Dockers  
13:00 AR West vs Koki Dockers  
15:00 Senior West vs Koki Dockers

**Murray BKS**

10:00 U/14 Defence vs Koboni  
11:00 U/17 Defence vs Koboni  
13:00 AR Defence vs Koboni  
15:00 Senior Defence vs Koboni

### LAHI SOCCER ASSOCIATION Saturday 10th June, 2000

**SIKS**

08:00 U19-1 Sobou vs TTC Bullets  
09:00 D1 Eastern Star vs MB United  
10:45 W1 Unitech vs Defence  
12:00 W1 Guria vs Sobou  
13:15 W1 TTC Bullets vs Eagle Sisters  
14:30 P1 Defence vs Malabu  
16:15 P1 Bugandi vs Sobou

**Telikom Training Centre**

09:00 U19-1 Burnayong vs Huonville  
10:15 U19-1 Burnayong vs Muya  
11:30 PD Gaziga vs Maiendou  
12:45 W2 Burnayong vs Lae Biscuit  
14:00 D1 Asiaewa vs K A Midnorth  
15:45 D1 Elcom vs Mungkas

**St Joseph Tech**

09:00 U/19-1 8 Mile Demdem vs Guria  
10:15 U/19-2 K. A. Midnorth vs Geetton  
11:30 U/19-2 Gaziga vs Rapatona  
12:45 U/19-2 Asiaewa vs Telikom  
14:00 U/19-1 Elcom vs Lae Biscuit  
15:15 U/19-1 Eastern Star vs Poasum

**Sunday 11th June, 2000**

**SIKS**

08:00 U19-1 Btsu vs Bugandi  
09:00 W2 Busu vs Asiaewa  
10:15 W1 Elcom vs Morobe United  
11:30 W1 Malabu vs Murat  
12:45 P1 Murat vs Lae Biscuit  
14:30 P1 Telikom vs Unitech  
16:15 P1 Rapatona vs Guria

**Telikom Training Centre**

09:00 PD Geetton vs 8 Mile Demdem

10:15 PD Muya vs Defence  
11:30 D1 Arnotts vs Asiaewa  
13:00 D1 K A Midnorth vs 8m Demdem  
14:45 D1 SP Brewery vs TTC Bullets

**St. Josephs Tech.**

11:00 W2 Poasum vs K. A. Midnorth  
12:15 W2 SP Brewery vs 8m Demdem  
13:30 U19-1 Poasum vs Lae Biscuit

**Igam Field**

10:00 PD Arnotts vs Lae Biscuit  
11:30 PD Unitech vs Rapatona  
13:00 PD Pcasum vs Sobou  
14:30 PD Malabu vs Bugandi

Bye: Murat (U19-1), Momase (U19-1), Eastern Star (W2)

### LAE FOOTBALL ASSOCIATION Friday 9th June, 2000

**Ground One (1)**

16:00 U19 Mitif vs HC West

**Ground Two (2)**

16:00 U19 Mop vs Titbur

**Saturday 10th June, 2000**

**Ground One (1)**

08:00 U19 Topick vs Nadzab  
09:00 Res Topick vs Bara  
10:15 Res Ideal Jaura vs Seminary  
11:45 League Topick vs Bara  
13:00 League HC West vs Poro  
14:15 League Ideal Jaura vs Seminary  
15:30 League Tolec Buresong vs Courts

**Ground Two (2)**

08:00 U19 Poro vs Uni TFTC  
09:00 Res HC West vs Poro  
10:15 W HC West vs Titpu  
11:45 Res Tolec Buresong vs Courts  
13:00 W Seminary vs Courts  
14:15 W Tolec Buresong vs Bara  
15:30 W B Kumuls vs DFX Tarangau

**Sunday 11th June, 2000**

**Ground One (1)**

08:00 U19 T Buresong vs Lae High B Kumuls  
09:00 Res Mitif vs Shorncliffe B/Kumuls  
10:15 Res Tarangau vs Titpu  
11:45 League Goro vs Mopi  
13:00 League Mitif vs Shorncliffe B/Kumuls  
14:15 League Tarangau vs Titpu  
15:30 League Nadzab vs Uni TFTC

**Ground Two (2)**

08:00 U19 Goro vs Courts  
09:00 Res Goro vs Mopi  
10:15 W Mitif vs Uni TFTC  
11:45 W Nadzab vs Poro  
13:00 Res Nadzab vs Uni TFTC  
14:15 W Mopi vs Topick  
15:30 W Ideal Jaura vs Goro

### MT HAGEN SOCCER ASSOCIATION Saturday 10th June, 2000

09:00 U19 M Tarangau vs PNGBC  
10:00 U19 Lae Biscuit BFC vs Hici  
11:00 L/R M Tarangau vs PNGBC  
12:00 L/R Lae Biscuit BFC vs Hici  
13:00 W Tarangau vs PNGBC  
14:00 L M Tarangau vs PNGBC  
16:00 L Lae Biscuit BFC vs Hici

**Sunday 11th June, 2000**

09:00 U19 Pascoe vs Blue Kumuls  
10:00 U19 Kalam vs Momads  
11:00 L/R Pascoe vs Blue Kumuls  
12:00 L/R Kalam vs Momads  
13:00 W Kalam vs Momads  
14:00 L Pascoe vs Blue Kumuls  
16:00 L Kalam vs Momads

Bye: Blue Kumuls (W)

### KIUNGA LEAGUE Sunday 11th June, 2000

**Kluniga town oval**

12:00 A Raiders vs Cowboys  
13:30 A Tigers vs Wallia  
15:00 A Raiders vs Tigers  
16:30 Kiunga vs Tabubil (tentative)

**Points table as of Sunday 5th June, 2000**

CLUB	P	W	D	L	F	A	PTS
Raiders	6	4	0	2	114	81	8
Norths	6	3	0	3	105	76	6
Storm	6	2	0	2	102	93	6
Cowboys	6	3	0	3	88	76	6
Tigers	6	3	0	3	52	107	6
Wallia	6	3	0	3	84	116	4





# WANTOK SPOT



## Tupela gem bai kamap long Goroka

Inta-Siti Ragbi Lig report

RAYMOND PALANGAT i raitim

OL RAGBI Lig fens long Goroka ba amamas stret long nau wiken taim namba tu raun bilong Inta-Siti Kap bai kik of long wiken.

Sir Danny Leahy oval long Isten Hailens provins bai lukautim tupela gem.

Namba wan gem bai long Sarere namel long Hagen Eagles na Rabaul Guria na long Sande as ples tim Goroka Lahanis na traim bun bilong Mendi Muruks.

Long ol arapela pilai Waghi Tume bai traim strong bilong Enga Mioks long Minj, Westen hailens na Vipers bai salensim ol Simbu Warriors long Pot Mosbi. Long dispela raun Lae Bombers is stap long bai (bye).

Long dispela Eagles-Guria pilai ol mangi bilong Hagen bai sigirap stret long win bikos las wik ol i bin lus long Mioks. Em ol bai gat sans bikos ol bai pilai long hap we i kol na ol lain bilong Guria bai i no nap yus tumas bikos ol i save laikim hap i hat liklik.

Difens bai wanpela bikpela samting stret ol mangi mauten paia bai lukluk long em. Difens bilong ol i bin strong stret taim ol i salensim ol Bombers long Lae na sapos ol i laik win ol i mas strongim stret difens bilong ol. Ol mangi Rabaul tu i mas stretim ol kik bilong ol. Ol i bin putim ol gutpela trai las wik tasol ol i no wok long putim ol kik igo insait.


Ol Guria i gat wanpela gutpela beklain olsem Stanley Sukot, Apelis Tiriau na Kelly Nopi husat i save laik long tromeim ol bai i go i kam long fil.

Ol i gat wanpela bikpela na strongpela fowet pek tu. Eremas Batki na Lucas Solbat bai go pas long ol fowets na ol bai kisim gutpela halivim long ol arapela pilaias olsem Giamuki Tau, Simon Andrew and David Saramasi.

Long arapela pilai Lahanis na Muruks bai soim strong bilong ol. Tupela tim i no winim wanpela gem yet na ol ba guria liklik long win nau. Ol Lahanis husat i bin gat bye last wik i malolo gut na wantaim sapos bilong ol manmeri long Goroka na bai hat stret long winim ol.

Muruks tu bai laik win tu bikos las wik ol i bin lus long Warriors long Kundiawa.

Long Minj ol Waghi Tume bai stretim sindaun bilong ol wantain ol Mioks. Ol Tume i sem stret long bikpela lus bilong ol las wik na ol laik win tru. Tasol ol mangi Enga em ol strongpela man tu ya ol gat wanpela stail hapbek Tuksy Karu husat bai wanpela man ol i was gut long em sapos ol



• Tupela pilaia bilong Vipers i banisim gut Waghi Tume birua bilong ol insait long namba wan Inta Siti gem long Mosbi. Vipers i bin win 36-10.

## Sir Danny Leahy oval pulap long ragbi lig

i laik win.

Long Pot Mosbi ol Vipers husat i go pas nau long leda bihain long raun wan bai laik win gen long stap antap. Long tingting bilong ol, ol bai laik givim strongpela pilaia.

Vipers hapbek Richard Sinamoi and lock forward Chris Lome bai lidim ol mangi

Mosbi na sapos Warriors i laik win ol i mas was gut long dispela lain.

Kepten na and faiv-et Randall Kaupa bai go pas long ol Warriors.

Ol i gat ol stail pilaia olsem Grai Sine and Kola Muge long beklain bilong husat i ken kamapim sampela wari long ol Vipers.

## Ol Inglis tim makim Lam

PNG KUMUL kepten Adrian Lam i redi long pilai long Inglend long neks sison.

Lam wantaim ol arapela pilaia olsem Jason Smith bilong Paramatta na Tonie Carroll bilong Brisbane em ol tim bilong Inglend i wok was gut long ol.

Dispela tim bilong Inglend, Wigan i wok long laik kisim Lam.

Siaman bilong Wigan Maurice Lindsay i no tok yes ol nogat sapos ol i laik kisim.

Tasol ol bai lukluk gut long Lam taim em bai pilai long Wel Kap long Inglend bihain long dispela yia.

## Nogat gem long klab i no afilete

LFA SOKA RIPOT

Ol klabs husat i no baim afilete na pilaia rijista fi bilong ol bai nogat gems.

Dispela em strongpela tok lukaut i kam long Lae Futbol Soka Asosisen (LFA) eksekutivis.

Fainens siaman Augustine Guarim i tok long wanpela miting ol i holim long Tunde dispela wik ol eksekutivis toktok strong long dispela hevi.

Em i tok, ol eksekutivis i givim inap neks wiken long ol dispela klab husat i baim fi bilong ol long hap o i no baim long ful long stretim.

"Sapos ol dispela klab i no harim tok bai ol bai i no inap stap long dro long pilai," em i tok.

Mista Guarim i tok olgeta klab i rijista o afilete pinis tasol tripela tasol i no yet.

Dispela tripela klab em ol senia klab we em i askim long traim na baim ol fi bilong ol.

Long wankain taim tu, long neks wiken olgeta pilaia bai yusim ID kat poto long pilai. Ol lain i nogat ID poto bai referi i rausim oi long fil o bai forfeit.

Guarim i tok dispela em long helpim ol long luksave long ol pilaia husat i rijista na pilaia o husat i no rijista.

Em i singaut long ol klabs ol opisel, pilaia, sapos na menesmen long wok bung wantaim na mekim dispela yia 2000 namba wan long LFA.

# Em i Gutpela Em i Tuna Em i bilong PNG stret...



- ◆ Tuna kam long solwara bilong Papua Niugini Stret.
- ◆ 100% tuna mit stret, nogat bun na nogat skin.
- ◆ Planti mit istap long olgeta tin.
- ◆ Nambawan tru long kisim protein bilong buildim masol. Em i gat Vaitamen D. na Selenium bilong helpim yu long rausim na pait long sik kensa na ol sik bilong lewa.
- ◆ Prais inap tru long yu baim.



# Wantok

Digitized version made available by



**Copyright:** Under copyright

**Rights Holder:** Word Publishing Company Limited

**Use:** This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

**Constraints:** This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

**Note on digitized version:** Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.